



GLARO-  
MONTIUS  
DE  
ANGLIA.

1672.









C. XIV. 12

18086/A


CLERMONT


63 D. 45

29747


Payne  
12/7/10











CAROLI CLAROMONTII,

Doct. Medici,

Nob. *LOTHARINGI.*

D E

AERE, LOCIS, & AQUIS

T E R R Æ

*Angliæ ;*

Deque morbis *ANGLORUM*  
Vernaculis.

Cum Observationibus Ratiocina-  
tione & Curandi Methodo Illustratis.

L O N D I N I,

Typis *Thomæ Roycroft*, & Im-  
pensis *Johannis Martyn*, sub Signo  
Campanæ in D. Pauli Cœmiterio.  
MDC LXXII.

C. Bruch  
1754





Excellentissimo Principi

J A C O B O

D U C I

O R M A N D I Æ,

M A R C H I O N I

D' O S S E R Y, &c.

O X O N I E N S I S A c a d e m i æ  
C a n c e l l a r i o.

C A R O L. C L A R O M O N T I U S

D. Med. Lotharing. S. P. D.



**F** F E R O *tibi munus,*  
*Jacobe Dux Excel-*  
*lentiſſime, ſi vel ex ſua*  
*vel ex tua dignitate*  
*ſpectetur, ſanè quàm*  
*exiguum, ſi ex viribus meis, per me-*  
*diocre, ſi ex animo magnum. Medica*  
*tractatio eſt, De Aere Locis & A-*  
*quis deque morbis Anglorum ver-*  
*A 3 naculis,*



naculis, hîc Londini concepta, quàm  
ego sub amplissimi tui nominis au-  
spiciis lucem aspicere concupivi.  
Miraberis fortasse, Dux amplif-  
sime, quid me impulerit hominem  
peregrinum, & longe hinc in me-  
dia natum Lotharingia, ut ejusmodi  
munus ad tuam amplitudinem, ac-  
ferrem. Sed mirari profecto de-  
sines, si recordari volueris, rerum  
ab te præclare, pace belloque gesta-  
rum famam, etiam in longinquas,  
& ab hac Insula remotissimas pene-  
trâsse regiones. Audivimus etiam  
exteri, quanta fide, quàm invicta  
animi celsitudine, flagrante bello,  
plusquam civili, totâ Britannia,  
Regias partes & sequutus sis & de-  
fenderis: ut fortunas prodegeris tuas,  
ut caput, ut salutem, innumeris,  
Regis tui causa, discriminibus obje-  
ceris.



ceris. Te quoque vidimus summâ  
firmitudine & indomitâ constantiâ,  
fortune ferentem injurias, summos  
labores cum Rege tolerantem, &  
nusquam eum dimittentem, postea-  
quam Deo, res humanas infinita  
sapientia administranti, visum est  
ut Victor Tyrannus evaderet, Rex  
optimus tribus regnis everteretur,  
& omnes boni optimam sequuti  
causam, pessundarentur. Sed tan-  
dem aliquando tempestas deservit,  
reddita serenitas, Rex clementia  
insignis & in quibuscumque fortunæ  
eventibus sibi constans, & sua nixus  
virtute, restitutus; Tuque, prout  
equum & justum fuit, non solum  
antiquæ redditus dignitati, sed novis  
insuper honoribus amplificatus, sum-  
ma justitia parique fide & conti-  
nencia Hiberniæ Regnum admini-

strâsti, unde à Prudentissimo Rege  
ad majora quadam, quoniam magis  
ad universam Britanniam necessa-  
ria, revocatus; nunc quidem tuis  
consiliis in sanctiore Senatu, in  
publicis verò Comitibus, solita fide,  
gravitate & constantia, simul an-  
tiquam Britannicæ gentis gloriam,  
simul majorum tuorum virtutem,  
dignitatemque sustentas. Fecit igitur  
ea virtus, Excellentissime  
Dux, quæ, ubicumque reperitur,  
amabilis est, sed in Principe viro  
longe amabilior, quæque si corporeis  
cerni oculis posset mirabiles sui a-  
more, in animis hominum conci-  
taret: Fecit, inquam, tua virtus,  
ut tenuem hunc ingenii mei par-  
tum, sub amplissimi nominis tui  
tutela crescere, tuoque foveri aspectu,  
ac famâ celebrari perciperem. Idque  
eò

èd magis quod & Oxoniensis Aca-  
demia, quæ me hospitem aliquot  
mensibus humaniter habuit, Te, lit-  
terarum, omniumque bonarum ar-  
tium quæ in ea docentur, Fautorem  
atque Patronum elegisset, & uti lo-  
quuntur, Cancellarium; quo nomine  
non tam honorem Tibi tribuisse,  
quàm à tua Amplitudine, summum  
accepisse splendorem putat: & ego  
met in alieno solo peregrinus, tanti  
viri patrocínio indigerem. Quam-  
quam ea mihi, multo quàm vellem  
diuturnior peregrinatio, nulli dede-  
cori esse debet. Quippe cujus nul-  
lam esse causam, haud hesitanter  
adsevero, præter fidem in principem  
& ancipites dubii Martis casus, &  
communem infælicis patriæ calami-  
tatem. Scis enim Excellentissime  
Dux, quot & quantis bellorum tem-

pestatibus totos fere quadraginta annos misera conflictata sit Lotharingia. Quod si me solita tua bonitas, finit sublati ambagibus vera loqui, non inexpertus es nec ignarus adversorum Fortunæ casuum. Scis quia sit extorrem patriæ vivere. Quod si tibi, tantæ amplitudinis viro, acerbum fuit, cogitare debes, minorum gentium nobilitati, longe acerbissimum accidere. Nunquam enim primi ordinis hominibus quos amplitudo dignitatis, etiam apud exteras nationes, illustres facit, ita iniqua fortuna est, ut rerum ad vitam necessariarum destitutos sinat; id quod mediocribus evenire necesse est, cum suis exuti bonis, apud exteras gentes exulare, & ignoti miserabilem & amicitiarum expertem ducere vitam coguntur. Quæ




*Que cum ita sint, patere, Dux  
Excellentissime, ut in tua tutela  
Clientelaque acquiescam, quod eo  
magis mihi sperandum videtur,  
quod præter excellentes animi tui  
dotes, Clementiam atque benigni-  
tatem non tantum famâ celebrari  
audiverim, sed etiam aliqua ex parte  
sim expertus.*

*Deum Opt. Max. precor, ut am-  
plitudinem tuam perpetuo sospitem  
felicemque conservet.*

*Dat. Londini  
Non. Aug. 1671.*

*A. D.*







A D  
CLARISSIMOS  
COLLEGII  
*LONDINENSIS*  
Doctores Med.



Redo ego vos (Clarissimi Doctores) mirari quid sit quod ego & peregrinus & nulla hactenus rei familiaris in hac Insula stabiliendæ voluntate, id potissimum ex Medica Facultate tractandum

tractandum elegerim, quod ad  
aerem & aquas & loca, morbof-  
que *Magnæ Britannie* populis  
vernaculos pertineret: præfer-  
tim cum non dubitarem, quin  
complures tota hac Insula viri,  
cum doctrina præstantes, tum  
ætate venerabiles, tum etiam in  
rebus patriis versatissimi existe-  
rent, qui longe id excellentius  
agere possent, quam vel ego vel  
quivis peregrinorum; qui, ut  
fit, res per transennam & aliò  
properantes, aliaque cogitantes  
aspiciunt. Id vero vos, non tam  
negligitis quam relinquitis: prop-  
terea quod domi versantes, ea  
quæ externis rara videntur, vobis  
quotidiana sunt continuoque usu  
cognita. A me autem id quod  
omisistis, forte fortuna exceptum  
est;

est ; nata videlicet occasione ,  
unde minime expectabam , & de  
qua ne per somnium quidem co-  
gitaveram. Rem ego totam vo-  
bis narrarem , nisi mihi consti-  
tutum esset de Juvene , qui pere-  
grinos homines , litterario cum  
*Anglis* , commercio , & ægrorum  
curatione arcendos dictitabat ,  
penitus reticere. Fuere quoque  
è *Francis* , qui , quæ *Lutetia Pa-  
risiorum* fierent , inprimis adpro-  
bantes , creberrimam sanguinis  
missionem , curandis morbis so-  
lam esse adhibendam affirmarent.  
A quibus quoniam magnopere  
dissentiebam , hoc mihi disqui-  
rendum putavi , sitne ea sangui-  
nis evacuatio , tam frequenter æ-  
grotantibus *Anglis* administranda ,  
habita aeris & aquarum , & lo-  
corum



corum & morborum, quibus ut plurimum conficiantur, ratione. Scio equidem rem diffusius, doctius, accuratius, enucleatius, pertractari potuisse, quàm à me tractata est: quippe qui & casu, in hanc Insulam delatus sim, &, uti hospites solent, in iis locis de quibus loquor, paucos dies commoratus, omnia peruestigare cognoscereque, tantillo tempore non potuerim. Verumtamen id quodcumque est quaeso vos, Clarissimi Doctores, bonam in partem interpretamini, patiminique extare; vel exiguum, meæ erga vestrum Collegium observantiæ fane non mediocris argumentum.

*Epistola*




EPISTOLA  
EXHORTORIA

*Constantini Rhodocanacidis*

Chienfis, viri in litteris *Græcis*  
exercitatissimi, Regii Chymici.

---

*Ad Rei Medicæ Studiosos.*





Κωνσταντίνῳ ὁ Ροδοναγάνης

ὁ χιθ' χυμικὸς

ΒΑΣΙΛΙΚΟΣ,

Τοῖς φιλιατρῶσιν ἐν παρίῃ.

Ἡ Ἐπιστήμη, ὡς περὶ φανέας, ἐκλαμ-  
προν καὶ θεῖον ὑπερχεζα χρῆμα,  
καὶ ἐδένει τοῖς αὐτῆς ἀληθεῶσιν ἐρεσασίς  
τρέπον ἀποκρύπτει πέρυκεν, ἀλλὰ μάλ-  
λον δεξιὴν αὐτὴν τοῖς ὑφ' ἡμᾶς πῶσιν ἀπερ-  
γάζεωσιν· ὥσπερ γὰρ καὶ ἐρῶντα καταλαμβα-  
νόμεθα περὶ παντὸς πεινῶσιν καὶ πάντα κινεῖν  
λίδον, ἐφ' ᾧ τῷ ἐρωμένῳ τυχεῖν, ἔτω καὶ τὸ  
ἐρώμενον, εἰ καὶ πολὺ ἀποσρεσόμενον φαίνοιο,  
ἀλλ' ὅμως τῇ ἀληθείᾳ γε πλεῖστον ὅσον καὶ  
οἰκεῖον

αἰκεῖον ἀντιρριπῆ καὶ φεικνύουσι· ἐρασὴν  
παρὰ μὲν ἐν ταύτην τῇ αἰρίαν συνήθη πα  
ἡμῶν καὶ οἰκίστης γέρονε πρὸς τῇ εὐγενέσσειον,  
ἐλλοσιμώτατον ἀνδρα καὶ τῇ ἱατρικῆς ἀκει-  
βέσσειον διδάκαλον Κύριον Κάρολον τῇ  
Κλαερμόνηιον τῷ γένει λολαεῖγκον· πορ  
τῇ ὅ ταῖς ὑπὲρ σοφῆς τε καὶ γλαρυεῖς  
ἐνηζμονίζομεν συνομαλίας, ὥστε πολλάκις  
ὑμᾶς πρὸς ἀλλήλους φοιτῶντας ἡδονῆς ἐ τ  
πυχῆς ἐν ταῖς ἀμοιβαίαις ἐμφορεῖσθαι  
διαλέξεσθαι· ἐστὶ γὰρ ἴδιον τῇ ἐπιστήμης ἐ  
μόνον τῇ αὐτῆς ἐπίβολον ἀξίεπαινον πῶς  
ἄλλοις ποιῆσθαι, ἀλλὰ καὶ αὐτῷ τέτρω πρεξε-  
νεῖν ἀφραστον εὐφροσύνην τε καὶ γλυκοδομίαν·  
ὅπερ, ὡς ἴδιον μᾶλλον ἀγαθὸν εἶναι τῷ ἐπαί-  
νε ἀλλοβίεσθαι· ἐδὲν γὰρ εἶναι ἡδονὴν παρὰ  
τοῖς τῷ πόθῳ τῇ καλῶν κατεχόμενοις γραμ-  
μάτων, τῇ συνασεφῆς, τῆς πρὸς τῆς λίας  
πρόσφατα πεπαιδευμένους μέγιστα, τῇ εὐ-  
γλωπία ἐ μετρίως ἀνδρῶν, καὶ τῷ τε πάλαι  
καὶ καινολέως τοῖς ἄλλοις εἰρημνῆς, σεφ-  
γυλολέως ἀπαγγέλλοντας· καὶ γὰρ ὁ ἀνὴρ ἔχ  
ὅπως περὶ τὰ τῇ ἱστορικῆς ἐν ταῖς μάλιστα  
ἡζκηθῇ, ἀλλὰ καὶ περὶ τὰ τῇ ἱστορίας ὀξη-  
κρίβωθῃ



κρίβω) καὶ κατὰ τὸ ἡμετέρον ἰδίωμα ἀρκύν-  
τως μεθύμεσθαι· καὶ τ' ἀληθεὶς εἶπεν, πο-  
σῶτον τῇ τ' εὐδοκίμων συγγραφέων ἀνα-  
γνωσθε δοκῇ συνομιλήσαι ὥστε πάντας τὰς  
ἀκρόντας τῶτον διαλεγόμενον ἐξηγέμενον  
μακαρίζειν τὴν περὶ τ' ψυχὴν καλλοπιδμάτων·  
καὶ γάρτοι τῇ κατὰ φιλοσοφίαν ἐννεάζει αἰολῇ  
καὶ ἐξ ἀπαλῶν ὀνύχων τῇ τ' ὄντων θεωρίᾳ  
περοβαλὼν, τὰ τῶν νῦν καλλι κακωπιδῶν  
δίκαιός ἐστι· ἐπὶ μὲν ὁ ρήθεϊς ἀνὴρ ἐνια  
φιλοπονήματα κατὰ ἐπίστασιν περὶ διαφορῶν  
ἐτύσχανε περὶ ματῶν ἐξυγγραφάμενος, ἐν  
οἷς ἦν ἐν περὶ τῶν ἀερῶν, τίπων, καὶ  
ὕδατων τ' βεληανικῆς ἐπαρχίας κατὰ μύμη-  
σιν τῶν ἱπποκράτους συντεθειμένον μέγα καὶ  
πινῶν παρὰ τῆς ἡρώων τρέπω ἐκπεπονημένων  
ἱπποκρατικῶν, ἡμεῖς σὺν ἄλλοις ἐπὶ σοφίᾳ πε-  
ρήμοις ἀνδράσι παρακεκλήμεθα τῶτον τύποις  
τοῦ ἔχατον σύνταγμα παρὰ τοῦτον, ἐμφανὲς  
τοῖς φιλιατρῶσι ποιήσασθαι· ἅτε ὅ τῇ  
ἰατρικῇ πατρῶν τ' τεχνῶν ἐπιδραυσάτη με-  
γίστην παρεξόμμενον ὀφέλσαν, περὶ τῶν  
ὅ ἐν τῇ ἐπαρχίᾳ· ἐκλιπαρῶμεν ἐν τὰς  
ἐπιδραυσάτους ευμένως ἀποδέξασθαι τὰ τῶν  
ἀνδρῶν

ἀνδρὲς γλαφυρά τε καὶ χεῖρμα ἐγχε-  
ρήματα καὶ κατὰ τὸ αὐτῶν φιλανθρωπὴν ἀ-  
μένως ἀναγνῶναι, ὥς ἂν καὶ ἄλλα γ'  
ἐπιβάλλοιτο μείζων τέτων ἔργα, εἰ τὰ αὐτῶν  
φιλοπονήματα καταμάθῃ αὐτοῖς ἐκ ἀηδῆ  
γενέας.

---

Ἐἰς τὸ φίλοπόνημα Κυεῖν

Καρόλ' τῷ Κλαερμόνι'

τῷ ἸΑΤΡΟΥ.

(γλοῖς,

Ἡ δὲ πονυμάτων Κλαερμόνι' ἤνυσεν Ἀσ-  
γῆς, πῆι καὶ ὑδάτων καὶ αἱμάτων.

Ἰπποκράτης ὡς ἄλλος ἔχων κλέος εἰς ἰατρῆν,  
ὃ ἀπέγε σόματι ῥήματα ρεῖ γλυκέα.

Τέτω νῦν ἴδριν θέτο μῦθ' ἐπὶ πάντα διαΐδης.  
ὅσα μέρεσι πέλει σύμφορα οἷς ἱατρίν.

Ταῦτα ἑκάστη πασὶ διακρίδὸν ἔξαπαφαίνην,  
ὥς ἱατρίν σώζειν, οἷσι μέμνη ἱατρῆς.

Κωνσταντῖν' ὁ Ροδοκανάκης  
χυμικὸς Βασιλικὸς.

Ὁ αὐλὸς εἰς τὸ αὐλὸν σίχρι  
Ῥυθμική.

Κλαυμόντι. ὁ κλένδος ἔργον ὀξακριβώσας  
Ἐξαίρετον, τοῖς ἰατροῖς αὐλὸν ἐσθλῶς.  
Ὡς πάλῃ πρόθυμος ἀνὴρ νοσηροῖς χρησιμεῦσαι  
Λόβοις, ἔρσοις τε, καὶ βελῶν καὶ ἰέλῃς θεραπεῦσαι.  
Περὶ ὑδάτων γὰρ καὶ γῆς ἔπ καὶ τὰ αἶερος  
Περσμάλδῃ ἀκριβῶς, ὡς καὶ αὐτῷ ἰατρικῶς.  
Ἀφ' ὧν αἱ νόσοι ἔρχονται καὶ βλάβαι τὸ σωμαίων.  
Ὡς ἱπποκράτης εἶπεν περὶ τῶν νοσημάτων.  
Ὅπως περὶ γε τῶν αὐτῶν σφώταλα σκοπέει,  
καὶ τὰς ποδῶν εὐρώσῃν παρὶκῶς νεφελέει.





*Caroli Claromontii*

D. Med.

LOTHARINGI

PRÆFATIO

A D

LECTORES.

**P**raclarum omnino mihi vide-  
tur illud inventum esse Phi-  
losophorum Antiquorum, quo  
penitus admirabilem hominis à Deo  
conditi naturam, cum hac immensa  
B rerum

## Præfatio ad Lectores.

rerum universitate comparantes, cum abbreviatam Mundi totius imaginem, Universi compendium, & multò significantiori vocabulo Græci (ut est in rebus exprimendis ingeniosa gens) *μνηστέριον* appellarunt. Verum ea ne similitudo valeat ad corporis facultates, an ad animi virtutes exprimendas, diu magnis studiis quæsitum est. Ego ad utriusque naturam spectare arbitror: Nam ut alias illius excellentis comparationis partes, quæ nihil ad propositum mihi nunc argumentum faciunt, prætermittam: cerebrum ipsum, in quo consilii sedem, atque rationis arcem, esse collocatam veteres voluerunt, Oceano simillimum esse judico: cujus reciprocantes æstus, undasque ac fluctus invicem propellentes, perenni motu,

## Præfatio ad Lectores.

*motu ; procellas & ventos, perpetua  
cogitationum agitatione representat.  
Neque enim tot ac tam frequenti-  
bus undabundum volvi fluctibus  
Oceanum existimo, quot & quàm  
variis & incertis & momentaneis  
humanus animus cogitationibus, paulo  
momento huc atque illuc impelli-  
tur. Et cum hæc singulis diebus,  
singulis horis eveniunt : tum se-  
cundum ætates, multo majores fi-  
unt in homine mutationes. Quem-  
admodum autem in hoc immenso  
terrarum orbe, si quis in longæ-  
vam quingentorum aut sexcentorum  
annorum senectutem vitæ produ-  
cere tempus posset, maximas ubi-  
que terrarum, transformationes re-  
periret : atque ubi tellus olim &  
sylvæ luxuriabant ; illic fluctuan-  
tem Oceanum cerneret ; ubi vero*

Præfatio ad Lectores.

quondam Oceanus, inibi domos & nemora, viridantiaque prata, non sine admiratione conspiceret: rursus, ubi populosa civitates olim & minantia cælo tectorum fastigia cognovisset, illic deserta omnia, vastamque solitudinem, & horrentem quodammodo naturam videret: haud absimiliter hominum & animis & corporibus evenit. Senescunt ista, & quem puerum pulchellum & elegantulum vidimus, vix senem canis aspersum & incurvum agnoscimus. Animi quoque cogitationes, & sententiæ planè diversæ; ὅτε ἡμῶν νῦν ἐστίν, inquit Magnus Paulus, ὡς νῦν ἐστὶν ἐλάλειν, ὡς νῦν ἐστὶν ἐφρόνεν, ὡς νῦν ἐστὶν ἐλογίζομεν, ὅτε ὁ γέγονα αὐτῆς κατὰ τὴν νῦν. Atque id non magis singulis hominum accidit, quàm universis. Fuit tempus,



Præfatio ad Lectores.

tempus, cum qui Antipodas esse  
dicerent, Hæreseos accerserentur,  
at nunc pueris & tonsoribus, An-  
tipodes jam toto orbe sunt notissimi:  
adeo ut majorum nostrorum simpli-  
citatem in ea re vehementer adm-  
remur. Quod si nunc Democri-  
tus, ac Democriti discipulus Epi-  
curus reviviscat, rideat sane, cum  
atomos suos tot annis explosas &  
sepultas, nostro seculo revocatas,  
cernat & multò quàm unquam antea  
florentiores. Contra mæreat opti-  
mus senex Hippocrates, doctrinam  
suam irrisam, se stuporis accusa-  
tum, nedum imposturæ damnatum  
videns; opera verò sua, in quibus  
tantum & opera & olei posuit, ni-  
gram in culinam rapta, ut.

Præfatio ad Lectores.

Cordyl'as madida tegant papyro,  
Vel thuris piperisque sint cuculli.

*Nec letior existat bonus ille victoris  
tot gentium Alexandri praeceptor  
Aristote'es, sua rejici dogmata,  
sequi ipsum indignis vexari modis  
sentiens. Quid autem divinus  
Plato? Cui nusquam locus nisi in  
illa republ. quæ nullibi gentium  
unquam extitit. Quid igitur ille  
diceret si hoc eruditissimo saeculo,  
juvenes videret multo quam ipse,  
cum grandis natu fuisset, sapien-  
tiores? Sed veterum illorum Phi-  
losophorum, qui veri Dei cogniti-  
one caruerunt, rescindi placita ni-  
hil mirum est. Quid autem si  
Chrisostomus? quid si Ambrosius  
& Augustinus? imo verò quid Petrus  
&*

Præfatio ad Lectores.

¶ Paulus, si nunc è cælo descen-  
dentes, rursus mortali habitu, in-  
ter mortales versarentur; cum tot  
conciones, tot commentarios, tot  
notas, tot observationes viderent,  
nonne cogerentur confiteri, se nimi-  
um bonos & simplices fuisse, qui  
existimâssent, nihil ad scriptorum  
suorum perfectionem addi potuisse?  
& magnopere obstupescerent ad a-  
cerrima sapientissi-  
morum Magistrorum  
nostrorum ingenia,  
qui tanto acumine,  
tam novam, quotidie in Theologia  
scholam, lucem inferant? Non-  
dum enim ulla scientia, suis omni-  
bus absoluta numeris reperitur:  
nondum artibus ultima hætenus est  
manus imposita: Neque (ut id  
quod sentio liberè dicam) meher-

Sic vocantur  
Doctores The-  
ologi, in Gallia.

## Præfatio ad Lectores.

*cules unquam, quamdiu mortales erunt, imponetur. At multa quotidie nova reperiuntur, quibus magna fiat ad omnes cum Mechanicas, tum liberales artes accessio. Equidem ea de re quidquid volent alii, sentiant licet: mihi longe diversa sententia est. Nullum enim jam dictum est, quod non dictum fuisse prius putem. Et ut verum fatear me summopere commovet istud sapientissimi Salomonis effatum. Quid est quod fuit? ipsum quod futurum est. Quid est quod factum est? ipsum quod faciendum est. Nihil sub sole novum, nec valet quisquam dicere; Ecce hoc recens est. Jam enim præcessit in sæculis quæ ante nos fuerunt. Mihi vero sollicita mente perquirenti quid sit, cur*



## Præfatio ad Lectores.

cur tot ac tam varia sint, hominum opiniones, cur vè nullus artium perficiendarum finis hactenus inventus sit, quinque causæ graves, ut mihi quidem videtur, potissimum

occurrerant. Nam cum Deus optimus Maximus, hominem ad suam conditum imaginem

omnibus animi corporisque dotibus exornasset, tum in-

credibilem indidit veri cognoscendi cupiditatem. Cui ut satisfaceret, non potuit sibi ipsi imperare, quin decerptum ex arbore vetita fructum degustaret, atque divina infringens mandata, beatæ immortalitatis, ad quam destinatus erat,

Quinque causæ cur tot sint & tam diversæ opiniones inter homines, & cur artes adhuc imperfectæ remaneant.

1 Causa Immensate sciendi cupiditas.

Præfatio ad Lectores.

*spe decideret : hinc in ejus posteris  
insatiabile sciendi desiderium, præ-  
posteraque & obstinata naturæ per-  
vestigandæ curiositas. Huic accedit  
arbitrii libertas, cum*

2. Arbitrii li-  
bertas & phi-  
lantia.

*incredibili sui ipsius  
amore conjuncta, quâ  
fit ut cum hoc atq; illuc  
animus incertus se converterit, atque  
nunc hoc nunc illud plane diversum  
adprobaverit, tandem suam quisque  
malit, quam alterius sequi senten-  
tiam. Et quamquam huic occur-  
rere malo, veteres aliqui volue-  
runt ; sisti tamen haud potuit ;  
serpit usque & serpet in omnem  
futuri temporis posteritatem. Ne-  
que Pythagoras, vel diuturni se-  
veritate silentii, vel summa quam  
in discipulos obtinebat authoritate,  
perficere potuit, ut aut à sciiscitandi  
curiositate*

## Præfatio ad Lectores.

curiositate abstinerent aut non iis  
quæ dicta erant, contentiosè con-  
tradicerent. Quid

quod perangustis de-  
finita limitibus est  
humani ingenii capa-

3. Humanæ ca-  
pacitatis imbe-  
cillitas.

citās, & quidquid homines capi-  
unt, non potest ipsorum ingenii fi-  
nes excedere? Inde fit ut cum ad-  
modum varia atque inequalis sit  
ingeniorum ad discendum aptitudo,  
una eademque res, diverso modo  
ab diversis intelligatur. Hinc na-  
tum illud Scholasticum axioma;  
Quidquid recipitur ad modum  
recipientis recipitur. Ex eodem  
fonte manant graves illæ atque im-  
placabiles discordiæ, ardentes con-  
tentiones, studiorumque dissidia, ac  
sæpe alienationes voluntatum inter  
doctos, imo etiam inter ejusdem  
pre-



## Præfatio ad Lectores.

præceptoris discipulos. Quare haud mirum est unamquamque disciplinam, in tot ac tantas lacerari distrahique factiones.

4. Obscuritas naturæ.

Ipsius vero natura, quæ investigatur, obscuritas, ingentem quoque nostris addit studiis difficultatem. Cunctæ res difficiles, inquit is qui non ex vano Apollinis Delphici oraculo, sed secundum Dei veri pronuntiatum, omnium regum sapientissimus habitus est, non potest eas homo explicare sermone. Ne longe & extra nos abierimus: quot jam sæculis, de humani corporis structura, deque variis ejus partium officiis usibusque disceptatur? Quotam autem rerum partem cognoscimus? quis vel unius formicæ naturam penitus intellexit? Neque tamen  
ab



Præfatio ad Lectores.

ab investigando cessamus, neque desideriorum nostrorum satisfacimus immensitati. Mag-

no nimirum argu-  
mento, aliquam no-

5. Immortalitas  
animi.

stri partem esse immortalem. Nam quò plus scimus, eo ardentiori ulterius cognoscendi, cupiditate conflagramus. At nihil unquam flagrantem illam veri videndi sitim explebit, præter Deum, qui cum sit omnibus attributis infinitus, solus verus & æternus, omnis boni fons & origo, nos omniaque desideria nostra cumulate satiabit. Sed quid interea? quid? nisi ut id faciamus cujus gratia in medio hujus Universitatis Theatro positi sumus, nimirum & pulcherrimam hanc Machinam assiduò contemplemur, & agamus semper aliqua, cum nobis  
ipsis

Præfatio ad Lectores.

*ipsis utilia, tum etiam cæteris hominibus profutura? Certe enim cum omnes homines naturâ instigante, tum optimus quisque, maximè cognitione ducitur. Ea autem toto orbe quàm immensus est, extat amplissima, pulcherrimaque cognitionis exercendæ materies. Nam quemadmodum præclare Pacificus ille Rex admonet: Cuncta fecit, Deus, bona in tempore suo & Mundum tradidit disputationi eorum. Verumtamen quidquid agamus, quidquid moliamur, ut ut novas ad artium inventionem fieri quotidie accessiones arbitremur; nunquam tamen id quod querimus, perfectum & absolutum assequemur. Ut non inveniat homo opus quod operatus est Deus, ab initio usque ad finem. Quæ cum animo*  
*meo,*

## Præfatio ad Lectores.

meo, seridè reputans, ita quidem ingenitæ veri cognoscendi cupiditati moderatus sum, non ut languori me dederem & inertì otio; sed ut Antiquorum placita peruestigans; quantum quidem per ingenii mei mediocritatem liceret, intelligerem; quæ cum bene & eleganter esse constituta viderem, confirmataque tot sæculorum diuturnitate: atque omnium sapientissimorum virorum, qui superioribus ætatibus vixerunt autoritate comprobata; nullam mihi causam satis esse gravem putabam, cur ab eorum disciplina discederem. Neque tamen, ut ingeniosissimorum hominum, qui nostra patrumque memoria, novis rebus investigandis, omne studium atq; operam contulerunt, industriam reprehenderem, mihi committendum.



Præfatio ad Lectores.

mittendum putavi. Sed ne omnes quidem usquequaque adprobandos judicavi. Enimvero, extitère & extant etiamnum aliqui; quorum elaborata lucubrationes, & accurata experimenta, cum toti Philosophia, tum Hippocratica doctrina, plurimum & lucis afferunt & ornamenti, quibus eo nomine devincti sumus. Sunt quoque (quod cum bona ipsorum venia dictum esto) sunt, qui cum antiqua dogmata convellant; nihil ipsi melius afferre possunt. Qui quo jure à nobis petant, ut ipsorum inventa comprobemus, haud sanè video. Non enim ij sumus, qui, statim ut novi aliquid allatum erit, admirandum & amplectendum putemus. Novitas ipsa quidem sua jucunditate, sensus demulcet; at enim  
haud



Præfatio ad Lectores.

haud semper tuta solidaque est. Nolo  
cujusquam laudi ac laboribus ora-  
tione mea detractum esse ; sed ta-  
men ut vino veteri , cum domi  
essem, quotidie nutriebar ; delecta-  
bar interdum novo : sic novæ mihi  
quidem nunc placent Inventiones, at  
priscâ doctrinâ pascitur animus. Ut  
bellaria secundasque mensas sic nova  
dogmata , non ad pastum sed ad  
gustum adhibenda censeo. Fæmi-  
nas quidem videmus conditis fru-  
ctibus mellitisque libis ac mulso ,  
relictis solidis cibis , rejectoque de-  
fæcato vino , sic delectari ut iis  
sæpe se ingurgitent. Et sunt de-  
licata quedam ingenia quæ vete-  
rum placitorum acrimoniam non fe-  
rentes , totos se novorum inven-  
torum dulcedine proluunt. Qui  
mihi videntur Terentiane illi mu-  
lierculae

Præfatio ad Lectores.

*liercule non abſimiles pitiffanti ac  
dicenti,*

Asperum, (vide.  
Pater, hoc eſt, aliud lenius, fodes,

*Quibus ego mulſi calicem, quàm  
ſepe volent quin ebibant non im-  
pedio: mihi certè mero illo, &  
linguam pungente, & calfaciente  
ſtomachum, Cratera coronari pati-  
antur. Eſt enim ejus austeritas  
mei palati. Uſus vero mulſi non  
tam prodeſt, quam obceſt abuſus.  
Nam præterquàm quod ætatem non  
fert, aceſcit enim; vapores inſuper  
in cerebrum ex eo pote feruntur  
multò tetricius, multoque perni-  
tioſiores quàm è vetuſto. Tormina,  
lienterias, dysenterias, parit; im-  
puris ſuccis opplet viſcera, hydropi-  
ſim.*

Præfatio ad Lectores.

*sim saepe, convulsiones interdum, nonnunquam paralytim, & alia id genus inducit mala. Vetustum vero, quid? Nihil horum, si moderatè bibatur. Contra spiritus fovet & exhilarat, sanguinem gignit puriorem, omne corpus probo alit succo, denique poëtas & oratores efficit, & omnem pellit ex animis stuporis atque hebetudinis & mœroris nubem. Postremo*

In prælia ducit inertem,  
Sollicitis animis onus eximit, ad-  
docet artes,  
Fœcundi calices quem non fecere  
disertum?  
Contracta quem non in pauper-  
tate beatum?

*Similiter in antiqua doctrina,*  
com-



Præfatio ad Lectores.

compluria bona reperiuntur si sapienter utare. Solidis enim & constantibus virtutibus implet animos; cogitationes non fecundas modo, sed sublimes etiam & vere masculas suggerit; sedat perturbationes; & quantum ad Medicinam attinet, multo & tutius & ocyus, & jucundius sanat morbos. Nam illud à præstantibus rescire Novatoribus pervelim: quæ reperiisse aiunt, ea ne ad Medicinam Contemplativam spectant, an ad activam pertinent? Si ad Contemplativam, inanes plerumque sunt, verborum immutationes, quæ nihil aut parum ad rem faciunt: sin autem ad Activam referuntur, certe dubiis inniti conjecturis necesse est, itidem ut Antiqua, imò etiam multò incertioribus. Nam Antiqua, longa jam  
ve-



## Præfatio ad Lectores.

vetustas commendavit. Neque enim quidquid agant ; quo se cumque vortant , efficere poterunt , ut ars Medica non sit tota conjecturalis. Hoc perficient potius, ut à conjecturis , in vagas & ancipites contentiones dilabatur , inde in nihilum recidat : sintque Medici deinceps omnibus cerdonibus irrisui, ac veterinariis multo deteriores. Verum posterior ætas Medicamenta reperit , veteribus longe præstantiora. Rhabarbarum , Sennam , Cassiam , & ne suam Hermeticis surripere laudem videar , spiritus , Elixiria , Sales , Elateria , &c. , Crystallus , Entia , Essentias , & ejus generis innumera, quorum nomina ne Hippocrates quidem tam sapiens fuit, ut cognosceret. Fateor. Sunt vero etiam que quod singulari

Præfatio ad Lectores.

lari quadam facultate, morbos depellere putentur, specifica nominaverunt. Et istud quoque concedo. Sed quid tum? Nego enim in quoquam illorum, tam certam & nunquam fallacem inesse vim, ut ullum omnino morbum, semper & quocumque loco, & ab quovis agro exterminet. Quod si esset, Deus bone! quam divites; divites? imo, quam divini forent Medici? adorarentur, Mchercules, & in omnibus compitis, aræ ipsis ponerentur, thure semper fumantes. Ne Hermitica quidem, quæ tanta cum laude celebrantur, utiliter adhiberi possunt, nisi secundum antiquæ doctrinæ placita. Nam si Diaphoreticum aut Emeticum, aut Elixerium vehemens die critico, vel morbo vigente propinabitur: ne peri-

## Præfatio ad Lectores.

periculum summum erit, ne ante  
diem ad interitum ager impellatur.  
Postremo velimus nolimus ab hac  
vita migrandum est, & undecum-  
que remedia petamus, nos non ef-  
ficient immortales. Verumtamen  
adhibenda sunt, quoniam sic à Deo  
constitutum est; ne nos abjecisse &  
ad spontaneam necem ultro præcipi-  
tasse videamur. Sed quorsum, tan-  
tum præfationis, scilicet ut intel-  
ligant Lectores, quæ me causæ mo-  
verunt, ut secundum Antiquorum  
doctrinam scribens, parcè admodum,  
nova hodiernorum dogmata attin-  
gerem. Quos quoniam in sua sen-  
tentia sino; oratos velim, mihi  
quoque vicissim permittant, meis  
contentum studiis, tantum ex alienis  
sumere, quantum probandum judi-  
cem, quantumque satis fiet, ad ve-  
tera

Præfatio ad Lectores.

*tera placita; quæ sequor, vel confirmanda vel exornanda.*

Pallas quas condidit arces  
Ipsa colat, nobis placeant ante omnia sylvæ;  
Torva læna lupum sequitur, lupus ipse capellam,  
Florentem cytisum sequitur lasciva capella;  
Te Corydon, O Alexi; Trahit suas quemque voluptas.

Procœmium.





## Prooemium.



ST profectò, eritque semper,  
cur summas hanc immen-  
sitatem rerum administranti  
Providentiæ gratias habe-  
amus; cùm alias ob causas,  
tum quòd singulis ætatibus  
excellentes in unoquoque

doctrinæ genere viros extrare voluit, quos se-  
quutura longo ordine posteritas, principes ag-  
nosceret; & in quos, tanquam in absolutis-  
sima exemplaria, cum aliquid egregium præ-  
stare vellet, intueretur. *Homerum, Pindarum,*  
*Virgilium, Ovidium*, ne Tragicos commemo-  
rem *Sophoclem & Euripidem & Senecam*, Poetæ,  
velut artis, suæ Magistros, observant. In Ma-  
thematicis & Geometricis, *Archimedes &*  
*Euclides* excelluere. Oratorum & Rhetorum  
antesignani, *Demosthenes, & Cicero & Lysias, &*  
*Aristoteles & Isocrates & Quintilianus* exstite-  
runt. At in Philolophia, quis cum *Platone*,  
cum *Socrate*, cum *Aristotele*, cum *Seneca* con-  
ferendus? Nam de scientiarum dominatrice  
Theologia, nihil hîc, propter summam vene-  
rationem, dicere audeo; in qua *Nazianzeni,*  
*C* *Basilii,*

*Basilii, Chrysostomi, Augustini, Hieronymi, Bernardi, Aquinates*, mirifici fuere. In Medicis quidem certè, quam artem ad mortalium salutem divinitus repertam esse omnes confitentur, nemo est, qui minimam partem, Hippocraticæ excellentiæ, ulla industria, ullo studio, ulla contentione consequi possit. Scio equidem nonnullos posteriori hac ætate, eò processisse vanitatis ut se ea intellexisse jactarent, quæ nunquam viderit *Hippocrates*; quos ego tanquam parum modestè sentientes cum bona pace dimittendos esse sine responsione censeo. Neque tamen non in eâ sum opinione complures superiori sæculo, præstantis ingenii viros exortos esse, quorum industria in illustrandis *Hippocratis* monimentis magna cum laude versata sit. Inter quos, *Duratus & Hollerius & Heurnius & Fernelius & Senertus & Platerus* ordines duxere. Quare ego cum jam indè à principio studiorum meorum non segniter in veterum monimentis versatus essem, incredibili quodam Hippocraticæ disciplinæ admiratione captus omnes in id unum, ingenii mei vires contuli, ut me ad illius excellentis ac pene divini senis imaginem efformarem. Cujus præclara documenta, quamdiu in facienda medicina sequutus sum, nunquam in irritum mei conatus cecidere. Enimvero nihil est ejus doctrina tutius ac certius: nihil ægro, qui ex illius præceptis curatur, salutaris: nihil honorificentius Medico, qui eadem in curandis ægris cum judicio sequitur. Nam ejus libri præceptionesque, tam divina sapientia refertæ sunt,

Sunt, ut eas sequens errare nemo possit. Procul ab eo omnis Empyrica temeritas; sordities mercenarii lucri: præcipitati iudicii audax & cæca impudentia, & impostura circumforaneæ iactantiæ. Considerare & suspensè agi vult omnia, quippe cum incerti sint morborum eventus: expertem avaritiæ cupit esse Medicum; nam eundem & Philoſophum dicit esse oportere; sedati, maturi, alique iudicii; cum sæpe fallacis naturæ impetus vel prudentissimis & in arte versatissimis imponat: modestum denique & omnia provide consulentem, quo maiorem apud ægros & fidem & auctoritatem obtineat: potestremò naturæ rerum intelligentem, & aërem solumque & aquas, & positus regionum & hominum variantes cognoscat mores. Ac etiam ea de re libellum sanè perdoctum scripsit. In quem ego libellum cum nuper incidissem, evolvi cum studio; deinde periclitatus sum, num & aliquid de hac Insula, commentari ac literis tradere possem; in qua jam aliquot annos Medicinam haud improspere fecissem: & in qua reperissem morbos longè dissimiles iis quibus Galli, Italique conflantur. Id quod non solum diversæ vivendi rationi, sed etiam partim solo, partim cœlo, tribuendum arbitrabar: statuebamque nihil prius agendum prudenti Medico, statim ut in civitatem aut regionem incognitam sibi venisset, quàm ut ejus situm diligenter inspiceret, & quibus ventis perflaretur, quibus irrigaretur aquis, & qua uteretur cœli temperie; quibus alimentis, qui-



bus moribus, investigaret. Atque id à divino  
 fene in eo libro præscriptum est, his fere verbis.  
 ὥστ' ἐς πόλιν ἔπειδ' αὖ φέκηται πρὸς ἡμᾶς  
 ἀπειρός ἐστι διαφρονίσσαι καὶ τὴν θέσιν  
 αὐτοῦ, ὅπως κείναι καὶ πρὸς τὰ πυνά-  
 ματα καὶ πρὸς τὰς ἀνατολὰς τοῦ ἡλίου.

Quod quidem quisquis in arte Medica  
 rectè atque integrè versari cupit, inprimis  
 studere debet, sicut in illius libri prin-  
 cipio traditum reperitur. Hoc autem opus  
 à me multas ob causas est institutum. Pri-  
 mum ut Medicam facultatem, id est, suscep-  
 tam provinciam exornarem, deinde ut  
 tyronibus viam medendi commonstrarem; de-  
 nique ut Gallis cùm medicinam facientibus,  
 rum qui Medicorum ope indigent, ostende-  
 rem, non simili ratione morbos hic gentium  
 curari, quàm vel *Lutetia Parisiorum*, vel in aliis  
*Gallia* locis curantur; quando longè absimi-  
 lia sunt in utraque regione temperamenta.  
 Nam illi, Mehercules, magno in errore ver-  
 sapur, qui sanguinis detractionem, tam cre-  
 bram hic esse debere putant, quàm est Lute-  
 tiæ; quique aut levi Pharmaco depelli mor-  
 bos posse credunt, aut perfectas statis diebus  
 expectant crises, aut denique exactissima  
 diæta satisfactum iri edacibus arbitrantur:  
 Certe nostri Galli si fors in morbum incide-  
 runt, quicumque demum ille sit, aut clyste-  
 rem injici, aut detrahi sibi sanguinem postu-  
 lant, idque fieri Luteriæ distitant; ac si Me-  
 dicum accersiverint, volumus, inquirunt, no-  
 biscum



biſcum agas Luteriano more. Quibus ego  
viciſſim ſoleo reſpondere. Dæ mihî vos, cœ-  
lum, ſolumque & aquas *Parienſes*, & *Tari-  
ſienſia* alimenta, & temperaturas & exercita-  
tiones, atque *Tariſienſi* vos more percurabo.  
Quid ? jamne illud *Lucretia Pariſiorum* inolevit,  
ut ægroti leges ferant Medicis, non ab iſtis  
accipiant ? Nunquam cum ego morem vidî,  
tameſi *Parifis* ab ineunte adoleſcentia ſtudiis  
operam dederim. Hunc noſtratum erro-  
rem fovēt etiam, ſi diis placet, vulgares  
Medicaſtri qui huc ſubinde veniant, mi-  
nime illud *Hippocraticum* intelligentes :

δοτεὸν δὲ π καὶ τῇ ἄγῃ, καὶ τῇ χώρῃ-  
καὶ τῇ ἡλικίῃ καὶ τῷ ἔθει · neque hoc al-  
terum conſiderantes. ἔ γὰρ τὸ το δύναται  
ἡ πόλις ἢ πῆς πρὸς βωρέην κέεται, καὶ  
ἢ πῆς πρὸς νότον · ἔδ' ἢ τις πρὸς ἥλιον  
ἀνιόρνῃα ἔδ' ἢ πῆς πρὸς δύονῃα.

Sed illi nimirum plauſum quærentes, ægrotos  
ambitioſe viſunt, & ſe intinuant in eo um  
gratiam, eâ maximè pollicitatione, quod  
eos novo plane & *Parienſi* more modoque  
curaturi ſint. Scilicet quemadmodum *Parifi-  
enſem* & aulicam veſtem omnes Urbani pro-  
bant uturpantque, ſic deinceps & medendî  
ratio erit ad eundem modum Inſtituenda ?  
Quis autem dubitet, quin novo quoque & au-  
lico more multi mortalium ante diem à deli-  
catulis illis & venuſtulis Medicaſtris ad interi-  
tum præcipites depellantur. In veſtibus qui-

dem, in sermone, in congressibus, aulicam & elegantiam & mundiciem & humanitatem, quin exprimamus haud recuso ceterum in curandis morbis priscam & Hippocraticam doctrinam cum iudicio delectuque & habita locorum & temporum & hominum ratione, sequendam & usque retinendam censeo. Et cur ita censeam multis ac magnis rationibus inductus sum ac illustrium virorum auctoritate commotus; quos ego libenter hic honoris causa nominarem responderemque contra sententiarum opinionem si non id esset, ab eo quod mihi propositum est, alienum. Dico igitur incurandis morbis habendam esse locorum & temperatum & hominum rationem. Mutationes enim varias morbi subeunt: & quemadmodum tempestates & ætates & regiones jam salubres jam insalubres, jam neutrae sunt, aut in alterutrum confinio positæ: haud absimili ratione, morborum alios salubres, quosdam proflus exirribiles, plerosque plane dubios & anceps esse longa experientia usuque comprobatum est: semper vero cœli solique & ætatis sequi temperiem & easdem pati vicissitudines. Idque non in patriis solum & vernaculis, qui cuique genti singulares habentur: verum etiam in communibus, quorum est magna pro vario regionum positu vivendique ratione diversitas, ab iis qui apud exterarum nationes aliquamdiu peregrinati sunt, quotidie cernitur. ἅμα γὰρ, πῖσιν ὄρησιν ἢ αἰ κοιλίαι μεταβάλλουσιν τοῖσιν ἀνθρώποισιν, ut est à Coo Præceptore præclare dictum.

Unde

Unde necesse est consequi, ut ij qui regionum & tempestatum & hominum considerationem in administtranda Medicina negligunt, magna in ex ceta e versantes perperam & ausu temerario multa faciant, pluribusque perniciem quàm salutem afferant. Quod si qui periculo eximantur, cum id sit propitiâ Fortunâ & quadam naturæ bonitate potiùs, quam arte ulla; tum ij demum lente & non absque magno metu convalescunt. Ego profectò semper in ea fui sententia, ut existimarem consiliis facturos agros si sese totos naturæ sapienti committerant, quàm imperitis & audacibus blatteronibus, circulatoribus & agyrtis jugulandos tradant. Nam sequentibus naturam optimam ducem, multa semper salutis spes est: contra circumforaneis se curandos dantes, & in incerto præcipiti que versari & per multiplicia discrimina evadere, aut quasi belluam uno vehementis & lethiferi medicaminis ictu mactari, summo circumfudentium horrore plerumque contingit. Neque tamen aliorum damno sapere discunt stulti mortales ac ne suo quidem. Et nescio quonam fato sit ut cuicumque se Medicum in foris & circulis & triviis proficienti statim credatur imo etiam magis quò id vocaliùs & clamosiùs & impudentiùs mentitus erit, cum sit periculum in nullo mendacio majus; docti vero per diuturnos labores, multasque vigilias & longas peregrinationes a que longinquas, in quiete & silentio & tenebris obsolescere sinantur: credo quia rarò & non nisi modeste de se loquuntur nec se vulgo venditant; &

C 4


quia



quia dubios morborum eventus cognoscentes, non nisi consideratè & deliberatè omnia faciunt, nihil temere pollicentes. Ubique vero gentium, non solum urbes & vici & fora agytarum plena sunt: sed innumerabilem quoque *Juvenum* imberbium multitudinem videas qui non imbuti politiori litteratura, ac ne Philosophiæ quidem rudimentis instituti, vixque degustatâ primoribus labris Grammaticâ se in Medicam Scholam obtrudunt; ubi cum aliquot lectiones nec eas satis intellectas quasi per transennam audiverint; tum non verentur illotas & profanas ad tractandam Medicinam manus admove-  
 re. Dicam mehercules, sed invitus, & magna ipsorum confusione dicam: veniunt illi in Academiam tanquam canes ad Nilum; properanter lambunt & fugiunt. Ac vix dum inde digressi inflatis buccis crepant inusitatæ cujusdam doctrinæ somnia; demum eò progrediuntur impudentiæ, ut clarorum virorum luminibus obstruere se posse credant. Quod si qui forte fortuna domo pedem aliquanto longius exiulerint, aut in aliqua navi fuerint, aut quod summum est, *Gallia* verbi gratia vel *Hispania* o as legerint, tum, ô dii immortales! quàm immare spirant, adeo ut eos quanta quanta est, sua jam patria non capiat. Conclamant audaci voce se longinquas nationes diu multumque peragiâsse, ubi miranda viderint; & tamen quid morborum domi gignantur, aut unde veniri possent, penitus ignorant. Utinam vero doceri vellent. Neque hæc eo dico quod permultos ingenuorum *Ju-  
 venum*



venum, à perdiscenda Medicina perterritos  
velim; sed quod illos audaces & perfrictæ  
fronnis, vehementi objurgatione dignos, hos  
vero modestos & industrios leni & amica o-  
ratione, monendos censeam, ne in eisdem  
scopulos impingant. Certè enim humaniorum  
literarum, & scientiæ naturalis alta jacere  
fundamenta debent, tum demum accedent,  
atque admittentur ad sacra Medicinæ percipi-  
enda. Cujus posteaquam erunt mysteriis rite  
initiati; securi calumniarum auxiliares ma-  
nus ad invocantes ægros porrigent; non adeo  
tamen confidenter, quin aliquem senem eli-  
gant, quem sectentur & cujus vestigiis in-  
sistant. Quod ubi aliquamdiu scitaverint,  
jam licebit ut faustis avibus ad exterarum na-  
tiones proficiscantur, unde postliminio redeant,  
multiplici doctrina & varia rerum observati-  
one decorati. Domi enim antea præparandus  
est animus Juvenum, quam ad alias gentes  
emittantur, alioquin plus inde nugarum, quàm  
solidæ virtutis reportaturi videntur esse. An-  
gustia quidem, ut verum fatear, haud deest, ex  
quo abundè viri juxta ac juvenes crudiantur.



D E

AERE LOCIS &amp; AQUIS.

T E R R Æ

A N G L I Æ.

*Anglia  
laus.*

**N**AM ut jam tandem ad  
propositum aggrediar, est  
*Britannia* omnium am-  
plissima Insularum quæ ad  
*Europam* jacent, quæque

nomen Orbis alterius ob magnitudinem apud  
veteres obtinuit, dives opum omnis generis,  
egregiorum virorum & elegantissimarum scæ-  
minarum ferax; clara *Græcis*, clara *Latinis*  
monimentis, ac nunc quidem omnium gen-  
tium literis ac sermonibus cele-

*Tropositum  
Auctoris.*

brata. De hujus igitur Insulæ  
positione, de ventis quibus per-  
flatur, de aquis & fluminibus &  
fontibus quibus irrigatur, de vivendi modo  
quo Insulares utuntur, postremo de morbis  
quibus ut plurimum infestantur, meo more  
dicturus sum, id est non ut *Geometra* qui  
singulos

singulos pedes admetiuntur, neque ut Astrologi qui ad syderum motus & influxus omnia referunt: nec item ut nautæ quorum omnis in ventorum nominibus & regionibus sermo versatur; non denique sicut milites & Rerum-pub. administri, quibus omnis est in castris munitionibusque & hominum moribus examinandis labos: at quemadmodum non imperitum rei Medicæ decet, & quantum satis esse videatur ad morborum curationem cum iudicio susceptam, tutò citò, iucundeque perficiendam. Ac fortassis olim eveniet cum aut ego factus prudentior uberius scribam, aut certe aliquis meo exemplo incitatus eadem haud paulò doctius tractabit.

Variis ea nominibus appellata est Insula. Nam & Albion antiquitus dicta est, à rupium candore *Anglia nomina sua. & magnitudo.* quæ procul navigantibus apparent; & Britannia quasi Pictorum regio, propterea quod vario pingere corpora colore soliti essent incolæ: & Anglia ab Anglis Germanicis populis, quorum in eam Insulam, magnam confluisse multitudinem, ac pulsos indigenis, sedes inibi fixisse, priscarum Historiarum memoriæ proditum est. Ejus forma triangularis esse perhibetur quemadmodum Sicilia; sed quàm Sicilia multo est exporrectior. Nam longitudinis obtinet à Tarvidio promontorio, Dubrim usque, milliaria Germanica circiter centum & quinquaginta. Septuaginta verò, non amplius extenditur, quæ latissima est, inter

## 12 De aere locis & aquis

inter *Dubrin* & *Bolerium* itidem promontorium. *Angulorum* autem in quos se cuneat, unus ad septem triones spectat, qua vastum & apertum est mare, nullis contra terris, nisi quodam immenso spatio diffitis: alter *Belgas* & *Rheni* ostia prospectat; tertius in *Hispaniam* vergit. Et quâ Sol est Oriens, id latus veteri *Germania* obtenditur, quâ Meridies, obversatur *Gallia*: denique adversam habet *Hiberniam*, qua Sol occidit. Oceano circumundique proluitur: *Hibernico* ab occatu, ab ortu *Germanico*: *Britannico* à Meridie, ubi fletum quoque *Gallicum* est inter *Dubrin* & *Bononiam*, denique à septentrionalibus *Caledonico*. Quod si tota Insula universim consideretur, habita *Gallia* *Hispaniaque* & *Italia* ratione, sita ad septentrionalem plagam esse videbitur. Minus est tamen quàm *Norvagia* septentrionalis. Jacet ad septimam Mundi plagam sub *Arietis* signo, atque ut Astrologis placet, plurimum obtinet in eam Luna dominii. Id sidus cum & frigidum sit & variantis luminis, & terræ vicinum, maximas patit vicissitudines; & summam in commovendis, in quâ dominatur, corporibus habet potestatem: unde morum inconstantia, mutabilitasque tempestatum, nimborumque & frigo is incommoda. Atque is quidem est *Anglia* positus, qua vero sit aeris temperie nunc inquiramus.

**AER** Peripatetici omnium elementorum esse humidissimum dixerunt. Ac  
*Opinio Arist.* divinus Interpretes naturæ *Aristoteles* primo Meteorologico-  
*de aere.* rum libro, eam quidem aeris  
 partem



partem quæ circum terram est, subcalidam atque humidam affirmat esse : quæ vero super ior ac celo vicinior est, calidioris atque aridioris esse participem. Ejus verba placet adscribere.

ἀλλὰ δὲ νοῆσαι τὴν λεγομένην καὶ καλομένην ὑπὸ ὑμῶν αἰρᾶ · τὸ μὲν περὶ τὴν γῆν οἷον ὑγρὸν καὶ θερμὸν εἶναι, διὰ τὸ ἀτμίζον τε καὶ ἀναθυμιάσιν ἔχειν γῆς · τὸ δ' ὑπὲρ τῆς θερμὸν ἦδη καὶ ξηρὸν · ἐστὶ καὶ ἀτμίδος μὲν φύσις ὑγρὸν καὶ θερμὸν · ἀναθυμιάσεως δὲ θερμὸν καὶ ξηρὸν. Quæ cum ita sint, mea quidem

sententia · optimum aerem omnis esse expertem qualitatibus oportebit : optimo, bonitatis gradu proximum, qui minimè laudentibus qualitatibus erit præditus. Nocet autem aut prodest pro veniorum natura, à quibus agitur, proque vaporum atque exhalationum quibus alitur, diversitate. Diversi vero vapores, exhalationes quoque diversæ sunt, secundum solorum & aquarum, ex quibus efferuntur, varietates. Sed nec aer aut optimus atque omnibus prodest, aut pessimus atque nocet omnibus. Est enim cum salubris laedit aliquos, quæis insalubris erit adjumento : est contra, cum alios male salubris juvat, quibus nocumento foret salubris. Non igitur aer à Medico debet simpliciter & absolute considerari ; soli quoque natura hominumque temperies, simul cum aliis adjunctis in eandem

## 14 De aere locis & aquis

candem contemplationem advocandæ sunt.

Quod si ex fecunda lætaque rerum omnium productione, possumus de aeris bonitate ferre sententiam :

profecto *Britanniam* aere frui longe optimo confitendum est. Nam omnia illic grandiori nitidiorique formâ prognata benignius fovet alique tellus, quàm alibi locorum ubi videtur aer esse salubrior. Non enim mulieres modo numerosâ beas, pulchraque sobole cernas : sed reliqua etiam animantia multiplici foetu usque renascentia cum admiratione perspicias. Illic boves enormi magnitudine, illic equi cum formosi, tum pernicissimi, illic canum ingenium & immani rictu formidandorum magna vis : illic denique cum virorum tum sceminarum adspectabilis & erecta decoaque species, summo cum voluptatis sensu visitur. Color eis floridus, læta frons, vivaces oculi, subflava promissaque casaries, totus habitus ad elegantiam compositus. Solum vero ipsum uberrimum, statis anni temporibus, omni bonorum genere ditat colonos, floribus, herbis, arboribus, frugibus. *Laurus* illic & *rosmarinus* instar magnarum arborum crescunt. Nec usquam fere gentium lætiora pascua. Quid hic fontium gelidas perennitates, liquores pellucidos amnium, floridam hortorum amoenitatem ; montium ubertatem, pecorum multitudinem, omnesque ruris divitias commemorem ? Quæ omnia profecto summam aeris clementiam arguunt. Nam quibus locis minus fecunda terra est, iis locis haud

aud paullo ditiores, æris, plumbi, stanni  
æri argentique venas, alto recondit sinu.  
Nam margaritas quidem mare ipsum, ne quid  
infœcundum in ea Insula sit, tanta copia pro-  
fert, ut jam olim *Julius Cæsar* thoracem  
Veneri genitrici ex *Britannicis* margaritis fa-  
ctum dedicaverit. Nec minus ora littoraque  
grata sunt partim munita saxis, ad quæ nati-  
vis testis inhærent pisces, partim strata con-  
chyllis aut arenis, in longas diducta planities.  
Fluminum etiam ripæ lætè germinant, & aut  
arboribus inumbrantur, aut vestiuntur flori-  
bus. Ipsi vero amnes suavissimi gustus pisci-  
bus referti sunt. Sol, medius fidius, Sol,  
caloris atque luminis principium, & ani-  
mantium genitor, lætis quam diutissime potest  
oculis *Britanniam* intuetur, ac radiis non ma-  
gis illustrat, quam fœcundam facit. Et enim  
æstare quidem quàm longissime producit diem,  
qui ferme decem ac septem horarum est:  
hyeme vero cum alter ei lustrandus est orbis,  
quasi invitus avertens curram septem hora-  
rum cum brevissima est dies, moram facit.  
Quæ me incredibili cum jucunditate contem-  
plantem facile impellebant ut crederem, nul-  
libi regionum aerem quam in magna *Britan-  
nia*, salubriorem esse posse. Sed cum incolas  
viderem longis ac difficilibus & sæpe contra-  
giosis morbis affligi, miserandumque in mo-  
dum languere, frustra adhibitis omnis generis  
medicaminibus: cum ulcera febresq; mali mor-  
tis & alia id genus mala, rara apud alias gen-  
tes, apud *Britannos* nativa & vernacula animad-  
verterem, rursus labefacta cadebat, quæ ani-



## 16 De aere locis & aquis

mo mihi præcepta erat de salubritate aeris opinio. Cujus rei causam investigandam esse duxi.

Aeri tantum ab Hippocrate tributum est, ut mortalibus vitæ, morborum autem ægrotis autorem esse pronuntiavit; imo etiam membris & motum & sapientiam præstare crediderit. Sic enim in libro de morbo sacro loquitur.

ὁ δὲ ἐς τὰς φλέβας αἷρ συμβάλλεται ἐς τὰς κοιλίας εἰσών, καὶ ἐς τὴν χεῖραλον, καὶ τὸτο τὸ φρόνησιν, καὶ τὴν κίνησιν τοῖσι μέλεσι παρέχει.

Et alio libro de flatibus hanc habet sententiā.

Τοῖσι δ' αὖ θνητοῖσι ἐτὶ αἷσι τὸ πνεῦμα, καὶ τῶν νοσέων τοῖσι νοσέουσι.

Ego quidem ægrotis morborum esse causam facile adducor ut arbitrer. Quippe infirmissima quæque, cælo sunt obnoxia maxime. In universum autem Insulas insalubrioris esse cæli quam continentem, permultis probari documentis potest. Et quo longius in mari posita à continen'te recessere, eo graviolem esse aerem constat, ob nebulas è mari evolutas, quæ vix, ac ne vix quidem à sole dissipantur. Idque non æstate solum, sed etiam hyeme, imo etiam magis. Nam tum aer tepescit ob solutas nives. Tepidus autem aer insalubrior. Immensis autem undabundi oceani campis undique *Britannia* circumdatur: nisi qua spectat *Hiberniam* aut *Galliam*: ea enim parte brevis sed æstuosus & confragosus, in continentem trajectus est. Ac longe etiam periculosior in Insulam *Hiberniam* cum ob saxa



& brevia, & scythes, tum ob æstuum reci-  
 procationes, turbidosque  
 conflictantium undarum vo- *Vide A. Gel-*  
 ragines. In Anglia certe *lum nost. at-*  
 coelum plerumque densum *ticar. lib. 4. c. 9.*  
 & obsitum nubibus, non mo-  
 do cum hyems est, verum æstate quoque me-  
 dia. Rara omnino illic serenitas. Fereque  
 semper similis autumnæ tempestas est, aut  
 brumalibus diebus. Vix enim aliquot dies  
 solum fuit, cum toto coelo pluit, mox squa-  
 lor, repentina deinde pluvia in multos dies,  
 cum aere gravi & suffocante. Quæ causa est  
 multorum & diuturnorum morborum; au-  
 tumnalium præsertim, quemadmodum dein-  
 ceptus ostendimus. Atque hæc quidem de  
*Britannia*, quantum assequi aliquot annorum  
 experientia potuimus, universim esse intel-  
 lecta volumus. Nam in eadem insula, aliis  
 locis, alia longe salubriora sunt. Id quod  
 haud dubitabili superiorum temporum, pos-  
 sumus experimento comprobare. Quibus  
 quando pestis exitiabiliter *Londini* grassaretur,  
 ferme ipsam Insulam continentem non attingit,  
 nisi quantum esset in *er Londinum* & aliquot  
 civitates, ad oram maris sitas, commercii.  
 Quæ montana & campestris est, ut in *Cambria*,  
 ut in agro *Saroniensi* & quo longius à mari  
 porrigitur simpliciori fruitur aere. Sig-  
 num autem aeris obscurioris & gravioris,  
 vocis raucitas, quod *Anglis* ferme com-  
 mune est. Nam qui claro & acuto so-  
 no modulentur, illic paucos reperias.  
 Nempe ut de *Thasians* ait *Hippocrates*,  
 ἐστὶ γὰρ ἰσχυρὸν

18 De aere locis & aquis

εἰς γρόνθα βαρύτερον τῷ ἡεὶ χροώ-  
μενοι ἢ λαμπρῷ ἀλλὰ χνιώσει τε καὶ  
σιεῖ. Id quod equidem non in eorum  
conumeliam dictum velim. Nam re vera ne-  
que in templis, neque in Scholis adeo vocales  
sunt & canori ut aut *Itali* aut *Franci*. Igitur  
pleraque anni pars *Britannis* nimborum, sed præ  
ceteris hyems quandoque tamen & glacialis  
& maximè nivalis est. Vidimus aliquando  
tellurem obstrictam gelu, & nivibus obstruam  
in plures menses, & id non procul à mari  
solum; sed etiam in ipsis prope littoribus.  
Ac mihi nunc ista mense Maio scribenti vi-  
dentur brumales dies; usque adeo denso &  
caliginoso aere circumfundor. Sunt enim ve-  
ro qui haud abique ratione existiment, pen-  
dulis nubibus obscuratum aera, multo ma-  
gis sanitati contrarium esse, quàm cum toto  
coelo ruunt nimbi. Aer corpus quidem est,  
sed adeo tenue ut visu percipi nequeat, quare  
candidus crassus est, infuscatus longe crassior,  
cæruleus omnium minime. Humidus, qualis  
nebulosus & pruinosus & nimbosus est, pu-  
tredinis atque habetudinis parens. Nam quod  
aiunt humido aere refici, recrearique nativum  
in corporibus nostris humidum, vanum est;  
auget enim potius vim non naturalis, ac si-  
mul incommoda valetudinis adverſæ fovet.  
De aeris autem *Anglicani* temperie melius ju-  
dicare mea quidem sententia nemo potest,  
quam qui illuc ex *Hispania* aut *Italia*, aut edi-  
tissimis *Gallia* partibus commigrant. Ex-  
periuntur enim in se ipsis singularem aliquam,  
intra

terra paucos annos commutationem. Præ-  
sertim verò quibus splendida & sicca bilis est.  
Nam illi omnium optime in hac Insula de-  
gunt. Secundum eos, valde sanguinei; de-  
inde Melancholici. Pituitosi & catarrhis  
obnoxii, deterrime. Contra qui ex Anglia,  
Phtisi & Scorbuto laborantes in Galliam pro-  
ficiliuntur, ij ferme, hausto illinc aere puri-  
ori, convalescunt.

*Nonne vides etiam cæli novitate, & aquarum  
Tentari procul à Patria quicumque, domoque  
Adveniunt. ideo quia longe discrepat res?  
Nam quid Britannis cælum differre putamus,  
Et quod in Ægypto est qua mundi claudicat axis?  
Quidve quod in Ponto est differre à Gadibus, atq;  
Usque ad nigra virum, percocta que secula colore?  
Qua cum quatuor inter se diversa videmus,  
Quatuor à ventis & cæli partibus esse  
Tum color & facies hominum distare videntur  
Largiter & morbi generatim sacra tenere.*

Quamobrem vitæ valetudinisque nostræ sum-  
mopere interest, ut optimo, id est, tempera-  
mentis nostris maxime conducibili aere per-  
suamur. Quoniam ut eximie docet Hippocrates  
*μᾶλίστος ὄζειν ἐν ἀπαισι τῶν συμπτω-  
μάτων δυνάσθης.*

Jam venti quantum opere ad aeris salubritatem  
conferant nemo mediocriter in naturæ cogni-  
tione versatus nescit. De quorum natura at-  
que origine, perinde ut de re prorsus admi-  
rabili & arcana Regius vates dicit: *Qui edn-*  
*cit.*



## 20 De aere locis & aquis

cit ventos de thesauris suis: Et ipse hominum  
 Salvator Iesus Christus, Spiritus, inquit ad  
 Nicodemum, ubi vult spirat, sed nescis unde  
 venit, aut quo vadit. Quæ verba sapientissimi  
 Theologi multò aliter interpretantur. Sed  
 de his non est nostri instituti disputare. Hip-  
 pocrates quidem certe, cujus in re Medica  
 scientiæ tantum tribuendum puto, quantum  
 nemini fortasse mortalium: Ventum ait  
 esse undam & fluxum æris ἀνεμῶν καὶ ὄντων  
 ἡέρι καὶ περὶ αὐτὰ καὶ ὑπὸ αὐτὰ. Re vera videmus  
 quemadmodum agitatæ aer conturbet omnia  
 infra se & circum se posita. Quo impetu, quo  
 turbine, qua tempestate, quo sonitu, quo  
 fragore domos quatit, exstirpet arbores, sara  
 convellat, susque deque convolvat, converratq;  
 maria, & vastos ad cœlum tollat fluctus, vi-  
 demus. At acutus Aristoteles, in libro quem de  
 meteorologicis inscripsit, ex tenuibus ac sub-  
 tilibus quibusdam fumis qui è terra & aquis  
 exhalantur constari ventos ostendit. Quod si  
 ita est, haud raro negotiò naturam atque  
 temperiem ventorum assequi poterimus. Nam  
 sine dubio tales erunt; qualia sola & aquæ ex  
 quibus orientur; qualia item loca & regi-  
 ones & unde efflabunt & qua perflabunt.  
 Magna certe Britannia, cum omnibus ventis  
 perflatur, tum maxime in ea regnant Australes  
 & Septentrionales. Qua hyperboreo alluitur  
 Oceano, frigidis & humidis, maximeque  
 procellosis ventis agitur. Interdum verò  
 æstate, subsolano leniter & jucunde recreatur,  
 idque ante meridianis horis. Nam ferme sub  
 Meridiem concrefcit aer ac situ nubium in-  
 quinatur,



quinatur. Quantum quidem ad me attinet, nihil aquilone expertus sum insalubrius. Nam ubicumque locorum in hac Insula versatus sum, si contigit cubiculi mei fenestram ei vento obversam fuisse, perpetua fere gravamine & raucitate laboravi; erraticis quoque febribus sæpe, sed non diuturnis, credo ob exactissimam temperantiam. Maximam tamen partem *Circias* & *Trascias* dominantur, aut *Libanotes* & *Euroafricus* quorum hi perhumidam ac suffocantem efficiunt tempestatem; illi perfrigidam & caliginosam & nivalem. Non ita multum tonat, fulminat raro: fulgurat quandoque adeo, ut incensum fulgure, filicum & myricarum cumulum superiori æstate in *Devonia* viderim; conceptis ex magna fulgetri coruscatione flammis. Et quoniam in fulgurum fulgetrorumque incidim mentionem: Rem narrabo paullum quidem à proposito remotam; sed tamen dignam Philosophica disquisitione, dignam contemplatione Theologica; dignam quæ posteritatis memoriæ commendetur, dignam quæ ab exteris quoque nationibus, cognoscatur. *Landuni* evenit, quod municipium est sane elegans in *Armorica Gallia* provincia, ad oram maris amœno, commodoque situm loco. Sive forte fortuna; sive animi, seu officii gratia, duo Municipis honesti sane viri in agrum exeuntes, in queadam nobilem familiaritatis & amicitix iure conjunctum inciderant, & cum eo sphaera luserant, adscitis aliquot sociis. Post lusum, ut fit, ad merendam itum est, inde ambulatum, lusumque rursus. Postea coenatum

coenatum adeo genialiter & hilariter, ut nemini tamen nimio potu ratio vacillaret. Denique nocte jam appellente, aliis quidem in Municipium reversis, duo Municipes ruri mansere apud amicum. Ibi lectis constrictis antequam se somno darent in genua procumbentes sicuti probis Christianis mos est, enixis precibus Deo se commendabant; cum interim ille alter detractis propere vestibus, è vestigio medium in lectum se coniecit, diæmoni insuper, anilem sociorum superstitionem insectans. Sed sua ei dicaeiras magno constitit. Nam vix hospites in lecto se composuerant, cum ille horrenda voce exclamat se incendi. Re autem verà pectus ei barbaque conceptis repente flammis ardere cœpit adeo, ut indusii parte in cineres redacta, pectoreque & mento ustulatis, vix restingui flamma posset. Ac sine dubio totus conflagrasset, nisi quibuscumque fieri potuit modis subventum foret. Vidi egomet hominem postea, cœlestis iræ (sic enim mihi persuasum est) vestigia, ambusto sinu facieque præferentem. Et percuriose sciscitatus, num tonuisset, num fulgurasset, num cubiculum, ad aratum recenter agrum, aut ad sepulchretum aliquod apertum esset, num aut ignis aut candela illata esset; nihil horum reperi. Cæterum media id æstate factum est, quæ tum erat æstu flagrantissima. Sed ejus infortunii causas, si quæ naturales existerent, Philosophis disquirendas relinquens ad propositum revertor. De terræ motu, nunquam in *Magna Britannia* audivisse, legisse quidem rem insignem memini. Nempe tunc

am ac tam repentinum aliquando exortum  
 Te, ut collis complanatus, sparsaque per  
 circumjacentes agros humus una nocte fuerit.  
 ut autem infrequentes, admodum terræ  
 motus fiant causam arbitror, quod insula mi-  
 nimè cavernosa sit; & quia cavernæ sunt,  
 hinc magna copia scaturiant aquarum fontes.  
 Jam enim ut ad aquas veniam, quoniam de  
 pere ventisque satis quidem

l instituti operis rationem *De flumini-*  
 tum est: Anglia cum erup- *nibus & aquis*  
 tionibus fontium, abundanter *Anglicanis.*  
 rigatur; tum magnis allui-

ar fluminibus quorum maxime illustres sunt  
*Thamisis & Sabrina.* Ac *Thamisis* quidem du-  
 tum amnium aquas, suo admittit alveo,  
*Thameos* nimirum & *Iseos*, & ex amborum  
 confluentibus nomen accipit. Confluunt au-  
 tem paullò supra *Londinum* & infra *Oxoniam*.  
 Nam *Isis* placidissimas leni cursu, volvens  
 aquas, illius Collegii quod *Oxonie*, sub D.  
*Agdalenæ* nomine consecratum olim est à  
 purpurato *Wolſio*, lambit muros. *Iſea* deinde  
 magnorum capax navigiorum *Thamis*, super  
 fluentibus admiscet undis & inde nomen am-  
 plicat. Et quoniam molli

flumine sensim nos deduxit *Oxonienſis A-*  
*oxoniam*, piaculum est eam *cademæ laus.*  
 Civitatem insalutaram dimit-

tere, quas *Britannicas Athenas* nominare jure  
 possumus. In ea est toto celebris orbe *Aca-*  
*demia*, Musarum sedes, ingenuarum artium  
 domicilium, *Britannica* Reipublicæ seminari-  
 um, *Insulæ Oceano* imperantis lumen & or-  
 namentum



## 24 De aere locis & aquis

namentum. In ea præter amplæ & magnificæ structuræ collegia amphitheatrum est *Anatomicis* destinatum spectaculis superbo sane opere, monumentum ingens *Gilbertianæ* magnificentiæ. *Gilbertus* enim *Britannicarum Athenarum* Moderator, ac summus *Anglicanæ* religionis & coëremoniarum *Antistes* id amphitheatrum exædificavit, animo prorsus regio, magno sumptu; famâ, si non vecors sit posteritas, perpetuò duratura. In eam *Academiæ* trium Regnorum soboles, flos juventutis, spes nobilissimarum familiarum confluit, omnibus imbuenda doctrinis, & omnibus virtutibus innutrienda. Ibi enim oracula sapientiæ funduntur. Ibi patent divæ *Thermidos* templa. Ibi *Esculapii* sacrarium aditur. Ibi veterum Philosophorum placita explicantur. Ibi panditur ad honorem & immortalitatem via. Libet autem in his amœnissimis Musarum hortis paululum immorari. In quibus cum multa meos oblectant oculos, tum nonnulla sunt quæ animo displicent. Ex magnificis illis structuris, non possum quin magnam capiam voluptatem: ac me porticum laxitas, Xystorum umbacula, varietas librorum mirifice recreant; sed vellem tot ac tam opulentos Musarum alumnos, liberalius cum suis nutricibus agere. Utinam ne tantum & Libero Patri, & Cypriæ genitrici. Sed reprimam me, & ad flumina redibo. Igitur *Sabrina*, *Silures* & *Cambros* at *Anglia* determinans peninsulam efficit. In ipsa *Cambria*, *Cotius*, *Tobius*, *Tibius*, *Guilius* quæ feruntur, maxime foecundant solunt.



& amœnam efficiunt, regionem. At parte ex  
 alia *Tueda* & *Solveius Angliam* secernunt à  
*Scotia*. Aliis quoque amnibus irrigatur ob-  
 scurioris nominis, de quibus nihil attinet hoc  
 quidem loco dicere. Sunt ubique ferme lætæ  
 fontium scaturigines, ac subitis rapidisque  
 torrentibus *Cambria* intersecatur, maximè hy-  
 eme, & ubi vel toto æthere cadunt nimbi  
 vel nives liquantur. Est vero Paludosa etiam  
 multis locis, & stagnantibus atque tectis &  
 cœnosis aquis obsita. Id quod alibi salutife-  
 ris & calentibus balineis, alibi Medicis fontibus  
 compensatur. Aquarum certe magna ne-  
 cessitas magnaque commoditas est, non solum  
 ad conservandam valetudinem in potu ci-  
 bilisque parandis, utentibus: sed etiam cum  
 morbis consistantur ad medicandum adhi-  
 bentibus. Nam si graves, acres, gelidæ, cor-  
 ruptæ sint, innumeros pariunt morbos eos-  
 demque sanari difficillimos. Id nimirum  
 suo malo sciunt, qui ad *Pyrenæos* & *Alpinos*  
 montes accolunt, quorum plerique inflato  
 gutture sunt, & strumosis cervicibus (id mali  
*Bronchoelen* & *Scrophulus* sive strumas appel-  
 lamus, *Angli* sua lingua *KINGS EVIL* id  
 est regium malum) ob frigidissimarum a-  
 quarum portionem. Interest igitur cuiusque  
 loci Incolarum; optimis aquis ipsorum solum  
 irrigari: sed tum maxime optabile est, cum  
 Vinetis destituuntur. Fontes autem flumini-  
 bus habentur salubriores præsertim in *Anglia*.  
 Nam nisi quæ propius à fonte manant, potui  
 sunt inutilia: non modo quia lutulentis in-  
 quinantur torrentibus, & nivibus eliquatis,

## 26 De aere locis & aquis

quæ magno impetu à montibus devolvuntur ;  
verum etiam quod amplissimis in Oceanum fe-  
runtur ostiis, & à marinis undis, quas illabente  
æstu recipiunt, amarulentiâ quadam, & sal-  
sugine inficiuntur. Isis limpidus fluit, &  
potui condiendisq; cibis idoneus est per se  
quidem ; sed tum eas utilitates maximam  
partem amittit, cum immiscetur *Thamidi*, *To-  
bium* quoque *Meridunenses* agros alluentem, quâ  
minus profundus est, potui gratum & utilem  
scio & qua per arenas & saxa volvitur. Nam  
alibi turbulentus labitur & coenosus. Et quod  
haustâ ex illo aquâ *Zithum* conficitur, id longe  
jucundissimum atque saluberrimum expertus  
affirmo. Nam plerisque *Anglia* locis, tur-  
bida, crassa & gravis cervisia est : credo ma-  
gis ob pravam aquarum qualitatem, quam  
quod hordeum haud ita recte paratum sit. Nam  
sunt qui in universum *Anglicanarum* aqua-  
rum potum non possunt commendare, pro-  
pterea quod noxias eas & insuaves esse  
maxime *Londini* suo malo didicerunt. Quam-  
quam & *Londini* suaves & potabiles reperiri  
constat. Verum tamen cum quidam è *Fran-  
cia* *Iuvenis* magnæ & probitatis & pudicitix,  
vino assuetus *Londinum* appulisset magnope-  
reque à cervisiæ potu abhorreret, neque vinum  
quod inibi medicatum & multis corruptum  
modis plerumque bibitur, ferret : aqua usus  
est aliquandiu, ingrati admodum saporis, &  
quasi ferruginea : unde contigit ut intra men-  
ses aliquot, scabie quadam haud secus ac  
lepra totum ejus corpus dehonestaretur.  
Tum enim vero ad cervisiâ & eam tenuem,

meo

meo suafu se contulit, & ut æquum fuit, re-  
 jectis aquis, communi gentis potui infuevit,  
 & est integræ redditus sanitati. Existimo au-  
 tem idcirco minus salubres in ea insula aquas  
 esse, quod illic ær fere semper nubibus ob-  
 ductus sit: fluminaque & fontes, non ita  
 multum à sole illustrentur. Nam quæ fontium  
 & arigines, & qui fluvii solis radiis illustran-  
 tur, eos & fontes & fluvios repurgatos, &  
 leviores fieri nemo nescit & potui cæ-  
 terisque humanis usibus commodiores.  
 Atque ea est Coi præceptoris doctrina.

Γὰ ὕδατα ὁκόσα πρὸς τὰς τῆς ἡλίου  
 ἀνατολῆς ἐστὶ πάντα λαπρὰ τε εἶναι  
 ἰνάγκη καὶ δῶδὴ καὶ μαλακὰ καὶ  
 ῥάτινα ἐγγίγνεται ὃ ὡς ἡλιος κωλύει  
 τὴν ἰσχύον καὶ κατὰ λαμπρῶν, &c.  
 In aliquibus autem *Cambria* apricis & editis lo-  
 cis, salubres admodum aquas reperi. Ac eas  
 probanti succurrit Magni Magistri sententia,  
 εἰτα δὲ ὕδατα ὁκόσα ἐκ μετεώ-  
 ρων χωρίων καὶ λόφων γεμῶν.

De aquis vero ut universim dicamus: que in-  
 modum ventorum, sic earum intricatam esse  
 naturam æstimamus. Nam cum locis unde  
 fluunt & quâ fluunt, & temperiem mutant,  
 & variam habent utilitatem. Ex vaporibus  
 ætheris fieri credidit *Aristoteles*, eadem minime  
 nubis & pluviae materia. Quippe va-  
 pores è terra sublatis, nubes: subterraneis  
 autem cavernis fontes efficiunt. E fontibus



## 28 De aere locis & aquis

vero fluvios fieri non est perpetuum. Nam multi fontes sine fluviiis; quamquam nulli fluvii, nisi manantes è fontibus; non enim enascuntur subito fluvii. Nec omnes aquae è mari duci crediderim: fontes enim ex deiciduis & collectis imbris fieri quid improbitur? At neque mare, neque fontes, neque flumina, simplicia esse elementa inde constat quod variis & saporibus & odoribus, & coloribus & facultatibus praedita sint; quas facultates ex primarum qualitatuum oriri temperata docent Philosophi. Haud tamen adeo perfecta est ea commistio, atque temperies, ut cum elementorum classe exempta sint, ad perfectiorum & temperatorum corporum ordinem transferri queant. Manent igitur

ἐν τῇ τῶν μεταβολικῶν τῶν

In mari dulces & alterius saporis quam ipsi est, scaturigines reperiri mirum; tamen verum & mihi compertum. Dixi supra non semper ex fontibus effici fluvios: cum tamen fluvios è fontibus oriri necesse sit. Nam ad collecta & emergens & exiliens, ea fontem citur, quae cum labitur, tum efficit fluvium. Non autem labuntur omnes fontes, igitur omnes fontes producant flumina. duo sunt prope Oxoniam fontes, ad bibendum sane gravissimi leves & limpidi. Sed qui ad orientem solem est, multo salubrior asperius. Nam hyeme, luto inquinatur non sole illustratur. Alter verò mihi videtur gignitior ac vivacior, & quam unum experiri potest intestina: nisi tum ex eo haurias, cum sole meridiano collustratus est. *Bristol.*



oram maris è rupe fons oritur, hand quidem doneus usui quotidiano, sed ad sanandos morbos aptus; de quo quid mihi videatur antequam scribam, rem narrabo veram quæ mirifice ad propositum argumentum facit. Venit ad me consilii causa quidam *Hongarus*, cui cum auctor essem ut austero vino uteretur eoque & puro & pauco, respondit se esse abstemium, ac ne cervisiam quidem posse bibere. Cui ego: quid igitur, inquam, hic gentium bibis? Ea me res inquit, maxime torquet; nam aquas *Anglicanas* ingratisimas & summopere mihi noxias comperior. *Stomachum* vellicant & movent nauseam. Cui ego: utere, inquam, *Oxonienfibus* aquis eas ego potabiles neque nocivas affirmo. *Ufus* est, necessitate compulsus sed neque illas admodum probabat, distitans haud parvis videri comparandas. Profecto sicut vinosi vinorum genera odore coloreque & sapore discernunt, sic qui aquæ potui assuevere, & præter ceteros abstemi, nullo negotio quid intersit inter aquas, & ejus sint loci non gustu modo sed etiam odoratu, coloreque percipiunt. *Oxonienfium* tamen fontium aquas si aliquid Iudici mellis admisceatur longe gratissimas & omnium tota illa regione saluberrimas esse iudico. *Cornubienses* & *Bristolienfes* non item. Illas ob stanni & aliorum fossilium, quæ præterlabuntur, adversas visceribus qualitates, has quia duræ sunt & crudæ & graves. Quæ autem ex *Vincennina* rupe fluunt, eas expellendis calculis & intestinis infarctu liberandis esse utiles aiunt. Eas ego certe fene non

## 30 De aere locis & aquis

potui, quod & vomitum mihi cicerent, cujus admodum sum impariens, & magna cum difficultate emingerentur. Acerbæ quoque gustu erant. Quæ ex rupe scaturiunt, ea perpulchra est; & adamantium aliquid habet simile. Re vera magno ferri molimine excinduntur ex ea lapilli, qui expoliti arte gemmaria plurimum splendoris habent, & ab imperitis pro adamantibus æstimari possunt. Fons è saxi radicibus, exoritur adeo in ipso æstuario, ut reciprocantibus maris fluctibus operiatur, qui ubi retro cessere, fontis aquæ nullâ maris infectæ salugine, pristinum, id est, subacribum retinent saporem. Eas aquas cum ex eiusmodi saxo exiliant, difficile coqui necesse est: quare si non aut emingantur, aut vomitu reiiciantur, intestina torquere & hernias parere compertum est. Magna vero copia præscribi solent à Medicis, ut necesse sit subverti ventriculum: qui si valens sit nec ad vomendum facilis, post longam cæcie & laboriosam, qualis imperatur ab illis ambulationem, per vesicam evacuabuntur. Aquæ vero *Barnesiæ* non procul ab urbe *Londino* schirrosis & lienosis, & qui viscerum æstu laborant, conducibiles esse perhibentur. Sunt in ea *Cambria* parte, quæ vergit ad septentrionem, sunt in agro *Meridunensi* fontes, quorum aquæ & medentur oculis, & scabiem abluunt. *Tumbrigenfis* quoque multis pollent virtutibus. Vidi in *Devonia* ferruginei & coloris & saporis. Sed nihil tota *Britannia* cum *Bathoniensibus Thermis* comparandum. Feruent illæ magno impetu erumpentes, & fumant adeo ut superpositum.

ositum ignem existimes. Non clare, non  
 ampide, non albæ & pellucentes sunt; sed  
 rubigræ & crassiusculæ & returbidæ cum  
 graptæ natura, tum ob multitudinem adeun-  
 tum. Nam illuc omnis generis omnisque  
 conditionis viri sceminæque, sanitatis, imò  
 pelliciarum causa, tota ex *Britannia* confluunt.  
 Et cum ipsa Civitas pro gentis captu non est  
 elegantis, tum ad comitantium populorum  
 usum porriticibus ornatæ balineæ sunt & con-  
 travibus distinctæ sic, ut adeuntes pudori con-  
 sulere & à nullo videri queant. In tres  
 quasi Classes distributæ sunt. Nam calidæ  
 quæ & regiæ appellantur primam faciunt clas-  
 sem, subtepidæ quas Regineas dicunt, alte-  
 ram; tertiam jam pene frigidæ promiscuo  
 caligo destinatæ: & aliæ quoque quibus lepra  
 infectos curari ferunt. Eas balineas paralyti-  
 singuidis, arthritide distortis, convulsis &  
 quibus torpent membra, & omnibus omnino  
 rigidis affectionibus mederi constans fama  
 est. Ego coli dolore cruciatis & lumborum,  
 podesse non dubitaverim. Sed tantæ tamque  
 tutares hominum generi facultates, unde  
 manent, qui enuntiaverit cum ego magnum  
*Spolinem* appellavero. Erunt qui ad astra  
 omni omnem referant; erunt qui ad fossilia,  
 mymicaque principia. Sed quæ  
 tandem? salem? mercurium? *Indit An-*  
*phur?* at neque sulphur, *thor.*  
 quantum quidem scio profert  
 quam *Anglia*. Neque sal nisi procul ab agro  
*athoniensi* effoditur. Ad bitumen fortassis?  
 sed ne id quidem passim sed uno tantum loco.



## 32 De aere locis & aquis

eoque à thermis remotissimo scaturit. Ad lithanthraces certe? fieri potest. Sed cur in *Cambria* quæ lithanthracibus abundat, nusquam aquæ calidæ fumantesque reperiuntur? Cur vero circum *Barthoniā* unde scaturiunt thermæ, nihil effoditur ejus modi carbonum lapidibus similem. Quid ea de re sententiam scribam alias fortasse fusius, nunc vero sic statuo. Fontes esse *ὄρεσιν ἐντέλειαν τῶν στοιχείων* quippe elementares virtutes contineri fontibus. Tameñsi verò non negem per metallamantes aquas, metallicam facultatem consequi, tamen quoniam nulla arte quidquam eiusmodi fontibus elici metalli plerumq; potest; inde est ut existimem inesse ipsis quiddam metallicum, *δυνάμει μᾶλλον ἢ ἐνεργείᾳ*. Propterea quod effectus habent similes ita qui ex metallis consequi solent. Id est Metallicos dici fontes, non tam à metallis ipsis quam à metallica facultate & virtute &, ut in scholis loquuntur, potentia. Idque eo magis quod sæpe neque per metalla fluunt, & sæpissime à metallicis quàm longissimè fluunt, à quibus si quid contrahunt, id omne elui viarum amfractibus & saxorum arque arenarum saebris quasi quadam percolatione potest. *Barthonienses* autem balineas sulphurea prædicas esse virtute constat cum ex caliditate, colore, fumo, odore; tum ex effectibus. Reperunturalii quoq; diversarum facultatum in *Britannia* fontes, de quibus longum foret disputare. Neque vero nos id hoc loco institimus.



ut de aquis enucleatim ageremus. Satis est indicasse *Britannicas* aquas ad sanandos morbos, quam ad communem potum esse utiliores.

Quæ quoniam unde à solo *De solo Angliano.*  
 effluunt & quæ præterfluunt, multas obtinet vires, reliquum est ut de *Britannico* solo dicamus tantum, quantum ad propositum argumentum facit. Quod quale sit ostendit pascuorum abundantia, copia legerum, arborum feracitas, & fere perpetua collium, montiumque viriditas. Hac omnia rursus aquarum ad eam fecunditatem faciendam confluentium bonitatem demonstrant. Ergo *Britannicum* solum ferme pingue & tenax & udum & uliginosum est, quibusdam locis arenosum, aliis argillosum, ac tota fere devonia rubrum ac densum. At ubi restagnant aquæ, id quod permultis fit locis, putridum. Ex quibus vero locis ferrum & stannum & plumbum & antraces effodiuntur, illic durum & nigrum, & infecundum & siccum est. Alicubi gravem & maxime noxiam auram exhalans. In universum pastioni accommodatius quam arationi. Vinetis vero prorsus inutile. Ac ne arbores quidem quamquam & late frondent & abundant fructibus, tamen eam obtinent in feracitate maturitatem, quæ omnem à fructibus acerbicatem tollat. Vix enim ullibi perfecte maturum fructum degustavi. Arbitror ævis densitatem, & nimiam soli humiditatem impedire quo minus maturecant. Facit quoque ea humiditas ut omnia illic animalia pinguedine distenta sint, nec ipsorum

D. S.

carnes.

### 34 De aere locis & aquis

carnes tam grare sapiant, quam aut in *Italia* aut in *Gallia Narbonensi*. Quæ tamen in editis *Cambria* montibus pascuntur haud tantæ molis sunt, sed saporis longe suavioris. Frumento omnis generis abundat, coque perquam bono. Sed illius asservandi non par ubique ratio. Nam aliqui sub testis, plerique autem sub dio illud coacervatum servant. Nec vero terra *Anglia* ubique ferendis & alendis arboribus benigna est. Nam vidi ubi neque crescunt, neque aliunde translatæ frondescunt; & si quæ frondibus ornantur, fructu carent. Vidi in quibusdam montibus quæ una tantum parte frondes emittunt, altera prorsus atidæ: nimirum, quæ ventis maritimis verberantur; quos tanquam fugientes in aliam se partem incurvant, mari oppositam, cujus auram sibi fatalem experiuntur & quasi sentiunt. Raros serpentes cujuscumque generis profert, viperas autem nullas. Atque *Hibernia* quos alit bufones, serpentesve, eos esse sine veneno comprobatum est. Ac de terra hætenus: cujus naturam intellexisse magis ad rem rusticam, quam ad Medicam pertinet. Deinceps de moribus *Britannorum* disputabimus. De quibus si vera dicta erunt, eos ut in bonam partem interpretentur oratos volumus.

Quod igitur ad corporis constitutionem spectat non ea deterrima utuntur, pingues ut plurimum & humidi, sed qui nauticæ rei dediti sunt, lacertiosi. De omnibus autem id affirmari sine mendacio potest; tam impatientes otii quam laboris cupidos esse: semper autem

autem fuisse pugnacissimos ex antiquis ipsorum monumentis constat. Non ita facile iracundiæ moribus impelluntur. Sed cum semel flammam conceperunt irarum & inimicitiarum reuoluentissimi. Equidem quantum ex longa cum ipsis consuetudine animadvertere potui iudicio pollent, nec in artibus cum ingenuis, tum illiberalibus sunt infœlices. In Memoria quidem exercenda non admodum anxii videntur esse; nam ex libro recitare non habetur apud ipsos indecorum. Et nolunt dies rerum, verbis inepte conterere. *Francos* imitantur, & blandum aliquid habent, sub incuntis consuetudinis primordia. Jam vero plebecula sicut alibi gentium nisi quantum cultura & legum severitas facit, ferox & peregrinis atrox & infensa; non modo quod ab illis commercia perturbari atque opificiorum eripi sibi commoda persuasum habet, sed etiam ob antiqua nationum odia. Communis toti genti potus cervisia est ex hordeo, avena, vel etiam tritico confecta. Vinum etiam & francicum & hispanicum, sed maxime hispanicum amoris mensis bibunt. *Francico* vero distillato, quod aquam vitæ appellant, delectantur. Non aliter ferme obionant quàm saccharo, id est, Indico melle, quod in cibis, inque pocillationibus usque usurpant. Bubula, suilla, ovilla, agnina vescuntur, elixis & tostis. Bellaria & secundas mensas vulgus ignorat, quæ præcipui nobilium habent in delitiis. Nec iuscula nec iurulentæ nec sorbitiones agri sanive probant, neque tam frequenter legumina & herbacea mensis adhibent.



## 36 De aere locis & aquis

adhibent, quàm solent aliæ nationes. Cæterum mane jejuni adhuc, majoribus poculis *Zithum* ebibunt abluendo ut distillant, stomacho. Sunt ad oram maris, quibus tale conditus & ad solem duratus piscis annona est, & quidem instat omnium cupediarum. Qui montana *Cambria* incolunt, caseo, lacte, pane avenaceo atque hordaceo vivunt. *Hiberni* autem & *Scoti* durius nisi quos cum *Anglis* commercium ad mansuetum & civilem traduxit cultum. Gravitatem *Angli* constantiamque cunctis in rebus affectant. In morbis vero lacte & cervisia temperant sitim, liquores etiam stillatitios varii & saporis & coloris & odoris potitant. Statim à lacte *Zithum* aut merum poscunt, fore enim alioquin ut Jecur albescat si non quam primum ab assumpto lacte proluatur. Nunquam ita vehementi uruntur febre quin & esitent & merum pocillent aut cervisiam *Zinzibere*, cinnamomo & nuce miristica medicatam. Medicorum præscriptionibus non obtemperant nisi quantum & ipsorum judicio consentiant & genti i vitæ cui plurimum indulgent. Est quoddam apud ipsos hominum genus qui nunquam advocant Medicos. Id enim esse superfluum. Nam ab æternitate decretum ac definitum unicusque vitæ spacium, quod proferri à Medicis nulla arte queat. Ergo cum in morbum incidunt decretum quoque, ipsos evasuros aut interituros. Si interituri sint, cui bono impentis illas quæ in Medicos fiunt, quorum opis non est ab interitu revocare? Sin autem, per suam recipiatur sunt valetudinem,



celinem, ne tum quidem opus esse Medicis sine  
æquorum præscriptis suapte natura sim con-  
sultaturi. Medicos autem, sive Doctores, sine  
ullo discrimine omnes appellant, quorum  
aut medicatam portionem, aut emplastrum,  
aut quidvis medicaminis adhibent seu recte  
sive perperam. Verumtamen haud ea laus  
invidenda est Angliæ quam ex doctorum  
virorum quos semper genuit, consecuta est  
monimentis. Sunt adhuc in ea Insula præ-  
stantes doctrina viri qui Medici nominis dig-  
nitatem egregie sustinent. Et fuerunt qui  
dignis sempiterna memoria scriptis rem Me-  
dicam illustrârunt. Sed doctos raro plebs ad  
morborum curationem accersit. Mercatorum  
aliqui sæpe, plerique cum extrema urget  
necessitas, & id gravatè & coactè. Ergo  
solis nobilibus, salutarem excellentes Medici  
præbent & opem & operam. Neque tamen  
qui nobilium curam suscipiunt, ij semper è  
doctorum numero seliguntur. Juvat & ipsos  
nobiles, agitarum vanitatem & muliercu-  
larum deliramenta sæpius quam aut prodest,  
aut decorum est, experiri. Postquam igitur  
& circulatores & anus morbum ac naturam  
perturbârunt, & jam in præcipiti versatur  
æger, tum itur ad Medicos, qui si non statim  
aliquid miraculi perpetraverint & ars & ar-  
tifices, omnibus execrationibus dirisque de-  
voentur. Quæ cum ita sint, cumque mor-  
bo um principii non adsint Medici, eos sæpe  
falli contingit, neque habere quid de morbo,  
deque ægro certi pronuntient. Et præter-  
lapsis medendi temporibus viribusque labe-  
factatis,

### 38. De aere locis & aquis

factatis, denique toto naturæ ordine perverso : eos aut vaticinari aut tumultuariò agere , aut magna cum confusione discedere necesse est. Si quid igitur successerit, id ferè casui & fortunæ , & temeritati potius quam aut prudentiæ aut rei Medicæ scientiæ tribuendum videtur. Quod si quis à vulgi conditione remotior statim ut ægrotare cœpit, advocaverit Medicos ; tamen ut est mos illius gentis, semper aliquid transvorsum fiet , quod si fortunate ceciderit , ut interdum evenit, tum vero temeritas erit pro consilio, casus pro sapientia ; & ars quæ tot mortalibus existit salutaris, muliereularum & impostorum calculis damnata ; ut à populi tabernis, sic à Regum turribus eicietur. Ex ea verò naturæ, de qua diximus, conturbatione, sequitur summa in morbis confusio, ut neque contemplabiles, nec indices, nec medici neque critici dies observari queant. Et vero raræ sunt admodum, perfectæ crises. Ac sæpe, malè curati ægri recidivam patiuntur, hinc morbi ex decidentia frequentes, & ex his frequentiores Chronici. Atque ita quidem *Angli* cum sani tum ægrotantes se habent. Quibus, in morbis, Cardiacas ut vocant pocillationes sumere familiare est, confectas ut antea diximus omni ex aromatum genere & stillatitiis liquoribus. Extra morbos, potu ex aqua & melle, cui lupulos adijciunt, aromatumque condituram, & cervisæ fermentum, magnopere capiuntur. Est is potus sane jucundus : sed nocivus iis in quibus bilis exsuperat : nocivus etiam hysterici, & cerebrum imbecillis : pulmonicis

vero

vero si parce & intelligenter præbeatur, con-  
ducibilis.

Corpora vero sic exercent. Jactu brachia,  
saltu crura, cursu pedes, lucta  
omnes artus firmant & labori *Exercitationes*  
durant. Hisque exercitationi- *Anglorum.*  
bus, multum mihi videntur re-

liquis nationibus antecellere. Jaculantur etiam  
ad scopum. Ac nobiles, præter venationem,  
discunt equos ingyrum flectere, ac pila chore-  
ique, & hastiludiis, militaribusque velitari-  
onibus ad bellicas difficultates præparantur.  
Sed nullum est oblectationis genus quod om-  
nes cujusvis ordinis æque distineat ac *Galli-*  
*naceus* conflictus. Eam ob causam *Gallos Gal-*  
*linaceos* alunt, quibus cristam, quibus plumas,  
quibus caudæ ornamentum abscindunt, ut sint  
ad pugnam leviores. Eis etiam è chalybe  
facticia aptant calcarea & eos ad pugnam ac-  
cendant certo passionis genere quo se mutuis  
proscindant vulneribus. Et uter vicerit mag-  
nam paciscuntur pecuniæ vim: inque id spe-  
ctaculum multi insaniunt. Nec vero in lusi-  
bus & corporis exercitationibus magna utun-  
tur violentia & contentione, & in omnibus  
omnino rebus remissiores sunt quàm *Galli*.  
Sed Mercaturam versutius diligentiusque faci-  
unt. Ac tales sunt quidem gentis mores, qui  
tamen in singulis diversi reperiuntur, pro in-  
stitutione & studiis & religionum cultu,  
quarum magna est apud ipsos discrepansque  
varietas. De *Britannica* Insulæ situ, de  
aere, de ventis, de solo, deque gentis moribus  
istâ quam proxime potuimus ad veritatem  
scripsimus.



## 40 De aere locis & aquis

scripsimus; non equidem ut quidquam de gentis laude, nostra detractum descriptione vellemus, neque ut sua ipsis vitia expiobaremus (quod procul est ab indolis meæ candore) sed ut in cognitionem eorum morborum, qui ipsis peculiares & vernaculi sunt, certiori via perveniremus. Enimvero nullus homo est, nedum nulla natio, quæ vitis careat. Et longè quidem certior & litium immunior à parentibus imp à tota natione venit ad posteros vitiorum, quàm aut virtutum aut prædiorum hæreditas.

*Nemo caret vitiis, sed qui paucissima peccat  
Ille probi poterit, nomen habere viri.*

Trahimus ab ipsa origine contagionem, deinde à nutricibus, à præceptoribus, ab ipsa patria corrumperimur. Nam ut animos patrii mores, patriæ leges, patriæ instituta fere magis depravant, quam ad recta formant: sic corpora patrius aer haustu suo inficit ac multiplici morborum impetitione præcipitat ad interitum.

Nunc igitur de patriis *Anglorum* morbis pro-  
instituti nostri ratione differamus.

*Anglorum  
Morbi.*

Nam etsi omni morborum generi obnoxii sunt, quemadmodum ceteræ nationes, tamen & hybernæ & autumnalibus maxime infestantur; sed autumnalibus fere semper. Quippe maximam anni partem in ipsorum regione autumnalis tempestas regnat, sicut ex iis quæ de aëre & ventis antea diximus, haud dubiis argu-

mentis



mentis quivis haud imperitus artis facile potest  
intelligere. Autumnales vero morbos libro a-  
phorismorum tertio recenset præceptor in hæc  
verba. Τὸ δὲ φθινοπῶρον καὶ τὸ θερινὸν  
τὰ πολλὰ, καὶ πυρετοὶ τεταρταῖοι καὶ  
πενήντες, καὶ σπληνες καὶ ὕδρωπες, καὶ  
φθίπες, καὶ σφαγγεῖαι, καὶ λιεντεῖαι καὶ  
δυσεντεῖαι, καὶ ἰσχάδες καὶ κυνάγκαι καὶ  
αἰσμαῖα, καὶ εἴλειοι, καὶ ἐπιληψίαι  
καὶ τὰ μανικὰ καὶ τὰ μελαγχολικὰ.  
Enimvero facit aëris fere semper nebulosi in-  
temperies ne liberi sint corporis meatus, atque  
ut humoribus introrsum versis & oclusis,  
morbi longi & ut plurimum haud sanabiles  
exoriantur. Est vero etiam humiditas quæ  
cum ob pluvias, tum ob aeris crassitatem in  
*Anglia* dominatur cacochimiæ ac putredinis  
parens. Inde morbi Chronici putridæque fe-  
bres & sine typo. Inde quoque est, ut aut  
nullæ aut imperfectæ admodum in acutis mor-  
bis crises eveniant. Inde lenti in febribus &  
incerti motus. Denique inde apparentium  
fallacia, & summa judicandi difficultas. Quam-  
quam habet aliquid ea tarditas commodi.  
Suppeditat enim Medico præsidiorum excogi-  
tandorum & adhibendorum opportunitatem,  
quæ sæpe celeriter in perniciibus acutissimorum  
morborum morionibus elabatur. Gravedines  
etiam & raucitates, & russes, & tenebricosæ  
verrigines, quos hybernos appellat morbos  
*Hippocrates*, *Anglia* incolis infestissimæ sunt.  
Sed

## 42 De aere locis & aquis

Sed nihil tam ipsis fatale, est quam peripneumonia, & quæ inde sequitur, tabes. Ulcera certe mali moris & exedentia & frigidos tumores in carcinomata degenerantes, ipsorum scædare corpora, non sine quodam horrore animadverti. Totâ quoque eâ Insulâ dysenterix & alvi proluiones scædum in modum grassantur, ac multos omnis & sexus & ætatis miserabiliter excruciatos ad interitum præcipitant. Mulierum vero plurimæ, fluoribus uterinis inquinantur, ac nisi expedire succurratur, extincto coloris flore, totiusque corporis habitu tabescente, languent & exitiabiliter emacescunt. Macrocephalos inibi gentium pueros videas, & pectore prominente, inflexa dorsi spina, laxis membrorum compagibus, abdomine turgido, emaciatos & languidos. Quod morbi genus *Anglici* Medici Rachitidem appellant, quasi spinæ dorsalis affectionem dicas, propterea quod præcipuam illic esse mali sedem arbitrantur. Sed omnium morborum longe funestissima est pulmonum tabes, & totius corporis scæda miserabilisque corruptio cui Scorbuto nomen fecere. Crassus aer & fere semper aut pluviosus aut nebulosus, gravedines & alia capiti mala invehit, quorum fluxus, cum haud facile sisti possit, inde pulmones obrui ac totum postea corpus lethifera affectum contagione marcescere necesse est. Nec vero minimum ad id mali confert ea consuetudo quæ jam, à priscis temporibus inolevit à maioribus derivata, ut adolescentes omnes in conspectu parentum aut herorum nudo semper capite sint, imo vero qui in tabernis opificum,

opificum, tyrocinia faciunt, quamdiu quidem  
 domi versantur aut in tabernis, etiam rigente  
 hyeme nefas sit caput esse contextos, nisi  
 morte lineo pileolo pertenui; id quod vix vel  
 egrotantibus conceditur. Utuntur etiam iis  
 cibis qui plurimum & nutriunt & humectant  
 pusque ad ingluviem, idque aut sine ullo, aut  
 cum paucis pane. Ea vero edacitas distil-  
 lationibus fomentum præbet. Scorbutum au-  
 tem à nautis investum esse arbitror, pessimam  
 sane mercedem, cujus pernities, maritimos po-  
 pulos, maxime infestos habet. Eam pestem  
 augent salsamenta, duratæ fumo carnes &  
 pisces ad solem resiccati, quas maritimi ho-  
 mines instar deliciarum mensis adhibent. Scor-  
 buto sanè haud aliter quam elephantiasi cor-  
 pora deformantur; & ejus calamitate totæ  
 familiæ, hæreditaria contagione funestantur.  
 Est vero etiam tabes non contagione solum,  
 sed translatione quoque communicabilis. Cujus  
 tres differentię sint, ea magis *Anglos* af-  
 ficit, quæ ab acri defluentione proficiscitur. Cu-  
 jus ego duplicem esse causam reperio. Aeris  
 intemperiem, ut jam antea dictum à nobis  
 est, & totius corporis mollitiem, pulmonum  
 vero imprimis constitutionem imbecillam.  
 Incidunt etiam sæpe in tabem à gravioribus  
 diuturnisque febribus, quas rarissimè apud ip-  
 sos perfecta crisis solvit. Ex tabidis vidi hic  
 gentium qui plures annos, vitam produxerunt,  
 quibus ex arte Medica parata præsidia fuere.  
 Sed omnes tandem animadverti, superveniente  
 alvi profluvio, sublato esse. Nam tabe la-  
 borantibus quamdiu alvus mediocriter ad-  
 ista



#### 44 De aere locis & aquis

stricta manet, haud omnino res desperata sunt. Quod si jam à principio tabis exorientis, citra & liquida feratur spes eos inchoare longam verat. Ad scorbutum vero quod attinet, tametsi & maxime in Angliagrassetur & à plerisque novus esse existimetur : tamen non solum apud Cornel. Celsum, verum etiam apud Hippocratem, Celsi longe antiquiorem, haud obicura ejus morbi vestigia reperio. Ac Celsi quidem hæc verba sunt, posita secundo de re Medica libro. Quibus magni lienes sunt & os olet, aut sanguis aliqua parte prorumpit, quorum si nihil evenit, necesse est in civibus mala ulcera & ex his nigra cicatrices fiant. At Hippocrates ita loquitur Ionico more ἡ γαστήρ φουσῶται, μέλα δὲ καὶ ὁ σπλῆν διιδέει καὶ σκληρὸς ὅστι καὶ ὀδύναι ὀξέται ἐμπύησι ἐς τὸ σπλῆνα, ἢ τὸ χροῖον γέπεται καὶ ὀξέται μέλας, ἔπωχετο σιδωμένος, καὶ ἐκ τῆς αὐτοῦ κακὸν ὄζει καὶ τὰ ἄλλα κακὸν ὄζει, καὶ τὰ ἀπὸ τῶν ὀδυνῶν ἀφίσταται, καὶ ἐκ τῆς κνημίων ἔλκεα ἐκρήγνυται ὁκοῖα περὶ ὀπυυκλίδες, &c. Qui vero de eo morbi genere scripturarunt, eos constat illius sedem in splene collocatam reperisse. Quamquam in eo maxime errare mihi videtur vulgus Medicorum, quod non satis accuratè morbos discernunt, statimque ut aliquem aut extussientem audiverint, aut anhelantem subpallidumque conspexerint, statim Consumptivum, aut Scorbaticum pronuntiant :



nuntiant : ea sunt enim verba, quibus illi in designanda phthisi splenisque affectibus significandis utuntur. Nam phthisin *Consumptionem*, & phthisicos *Consumptivos*, Lienosos vero *scorbuticos* appellant. Cæterum quocumque illo designetur nomine lienis affectus, haud minus quam lepra & elephantiasis aut aspectu foedus est, aut contagione formidabilis. Qua peste qui infecti sunt, eos videas fuscis, vultuosos, prominentibus labris, fetido halitu, ægre spirantes, totumque corpus sed imprimis crura maculosos, & cum summè increvit malum, ulcerosos. Gingivæ tumidæ & cruentæ & putridæ, erosi laxique dentes & omnis habitus deformis. Longæ diuturnæque febres & omnes omnino Chronici morbi in id mali desinunt. Sæpe febris errans & obscuri admodum ambiguique generis tanti mali comes accedit. Lividæ maculæ se ostendant ac rursus evanescent. Pustulæ interdum sanie repletæ, sæpe aquosæ certis anni temporibus erumpunt, concidunt, exsiccantur ac rursus ingravescent, dum in ulcera mali moris degenerent, si non maturè omni ope & industria occurratur. Atque hæc, *Scorbutus*. Habet vero etiam singularem malignitatem, quæ certis anni tempestatibus *Anglos* invadit alvi cruenta proluvies. At ejus quoque cum plura sint genera : Jecorariæ & Rheumaticæ ante omnes nationes obnoxii sunt. Et Rheumaticus quidem alvi fluor, fit humore multo & crudo ex Mesaraicis venis ad Intestina dilabente. Jecorarius autem ex eo quod alteratrix Jecinoris facultas infirma sit. Atque

utrumque

## 46 De aere locis & aquis

utrumque mali genus, *Anglia* terræ colonos facile invadit, non solum quia cœlo crasso, & edo humentique solo utuntur, sed etiam quia multi cibi sunt, multique potus, qui plerumque turbidus, fœculentus & crudus est, denique ut ego quidem existimo, quia omnibus obsoniis admiscet mella Indica. Nam & cibi potusque copia naturam gravans cruditatem parit: & quæ dulcia sunt, cum & avidè sumantur & abunde nutriant, Jocioris meatus obsarcunt, multaue inquinant bile. Inde laxitates intestinorum, ac dolores quibus ægri fœde fœtideque ac diu torti, indignantem efflant animam. Est enim vero dignum miseratione spectaculum, cum viri fœminæque & pueri subito correpti malo, primum varii coloris excrementa derepenitè solutâ citataque alvo egerunt, deinde sanguinea, tum languinem purum illum quidem & sincerum cum nondum invaluit morbus, denique atrum & spurcum & corruptum tanto fœtore, ut infecti aeris inspiratu assidentes ministrantesque contaminentur. Magnam vero tanti mali partem, ingluvici acceptam esse referendam, ne quis sit inscius passim audiat vulgus nidorosum eructantes, ac de cruditate & stomachi imbecillitate expostulantes. Quamquam cerè suo tandem malo post diuturna bella civilia temperantes esse didicerunt. Nam quemadmodum à natu majoribus accepi ante civiles dissensiones, vivebant *Angli* pergenialiter perque voluptuose, longis invicem convivii invitantes, & multo se potu proluentes. Ac ferme nullus erat adeo tenuis, qui

qui non, dico, vicinos liberaliter vocaret, sed advenas quoque comi & hilari hospitio exciperet. At postquam nescio quæ Religionum insania mentes hominum invadens, civilem pacem perturbavit, susque deque vertit omnia, & ille invitandi mos in desuetudinem abiit. Nimirum unoquoque vicinum suum, quod diversam colere Religionem videatur, obliquis oculis intuentes. Jam enim ad antiquam innocentiam mores componere religio est. Verumtamen unum hoc illis video tanta ex civili calamitate profuisse, quod ferme ubique detractâ coenâ, qua solebant uti profusissimâ, magnam simul compluribus morbis materiam & alimentum detraxerint. Jam enim haud tam sunt frequentes atque vulgares sudorificæ illæ febres, quas à fatali symptomate sudores *Anglicanos* appellabant. Quibus qui correpti erant, stomachi morsus patiebantur animique deliquium; ac deinde sudore tori diffuebant adeo, ut cum naturæ labascienti subveniri in tempore non posset, amitterent. Id symptomatis eos, qui multis seceratissque cibis ingurgitant, & fœculentæ cervisiæ continuo potu proluunt etiam nunc infestos tener.

Cæterum ut ea mandem litteris quæ mihi nonnullorum annorum eventu cognita sunt: magnam videor in hac Insula morborum varietatem observâsse. Neque id solum quia magnæ sunt anni mutationes, perturbationesque tempestatum: sed etiam & multo magis, quia diversam incolæ, vivendi sequuntur rationem. Atque ego ne de illa quam inibi animad-



## 48 De aere locis & aquis

animadverti morborum confusione, confusè scribam: Incolas *Magna Britannia* tres in ordines distribuam. Non equidem eorum, qui de republica disputant, documentis adhaerens, sed meum persequens institutum, & ut Medicum decet meum agens negotium. Totam igitur *Britanniam* quanta quanta est, in plebem in ingenuos & in proceres dividendam puto. Plebs, in agris praesertim, antiquum morem paullum immutatum ferme ubique retinet. Ingenuis diversa sunt studia, nam partim simplici cultu vivunt, partim nobiles imitantur. Apud Nobiles vero decorum & elegans aestimatur ad *Francorum* imitationem vitam & mores effingere. Ergo non solum *Francico* habitu vestiuntur, sed obsonantur quoque pari modo, & jam ubique ferme coquos habent accersitos è *Francia*. Quin etiam convivendo ludendoque saepe noctes integras trahunt, choreisque & venationibus & equitationibus vehementer exercentur. Nec eis vina desunt aliunde adsporrata è *Francia*, *Germania*, *Italia*, *Hispania*, imo hercle etiam è *Gracia*. Nam quod *Anglicano* solo deest, laboriosa mercatorum, suppletur industriâ. Quare cum ad imitationem *Francorum* vitam instituunt, haud mirum est, similibus eos tentari morbis, id est acutis & calidis, quorum & celeres motus sunt, & manifestae vehementesque crises. San si quis gnaviter ac intelligenter nobiles *Anglicuraverit*, non obscuras saepe crises in ipsorum morbis animadvertet, quas in vulgaribus per-raras esse omnes fatentur. Tamen metui enim aëris ferme semper nebulosum temperi-



temperies ad morborum tarditatem plurimum faciat, tamen haud minus est in victu ad eos citandos efficaciam. Nempe id *Hippocrates* mirifice docet in libro de flatibus

μετὰ πάντων ὃ τῶν ἐσθιομένων καὶ προμμένων εἰσεσι πνεῦμα εἰς τὸ σῶμα ἢ πλεόν ἢ ἔλασσον. Cibi crassi ac sæcu-

lentæ turbidæque portiones, crassos itidem ac lentos spiritus ingenerant, unde cruditas ac tarditas morborum & obscura symptomata infidæque crises: contra è cibis coctis digestisque facilibus calidisque & meracibus vinis, spiritus alacres & citatæ in morbis motiones, omniaque clariora quæ superveniunt. Igitur Nobiles *Angli* doloribus laterum, continuis ac tertianis febribus, inflammationibusque pulmonum magis ob victus rationem obnoxii sunt, quam plebii. Quamquam & plebeis morbis infestantur. At vero qui mediæ sunt conditionis, ingenui mercatoresque quorum varia vita est, variis quoque conflantur morborum generibus, & admodum dubiis, nec in totum aut longis aut acutis, aut manifestis obscurisve, sed mediæ cujusdam speciei, aut ut verius dixerim incerti & enormis, planeque inusitati generis. Erraticæ febres apud eos & sine typo plurimæ, tumores mixti, & modo apparentes, jam desidentes; nothæ pleuritides, infarctus meatuum, ac imprimis vasorum emulgentium; anhelitus, atque viscerum inquinamenta, cruditates, oris fœtores, totius abdominis turgescencia & quasi laburratio.

## 50 *De aere locis & aquis*

Nam ij non tam splendide quam oppipare & abundanter vivunt. Multam bubulam ovillamque assam, & placentas atque artocreata sarciminaque mensis, inferentes. Interdum etiam vino & lupulata cervisiæ inemperanter indulgentes, violentos accersunt morbos. Quamquam ego sic existimo: lupulatam cervisiæ, & bene coctam & defœcatam, haud ita esse insalubrem, si quis modum adhibeat. Lupulos enim multis mederi morbis comperitum est, adeo ut mirer nihil ab antiquis medicis de ipsorum facultatibus esse litteris commendatum. Ac eorum quidem tenerrimi apices præterquam quod oleo atque aceto conditi jucunditatis habent plurimum, id etiam obtinent commodi, quod alvum molliant, infarctu liberent intestina, sanguinem purum gignant. At flores & folliculi, aqua incocti haustique adversus impetiginem, scabiem, luem veneream, ac venenum eorum usui sunt. Dantur insuper ob jecinoris obstructionem febricitantibus, magno cum fructu. Sed & intritis seminibus epotisque cum idoneo liquore sua virtus est, quippe cum urinam atque menstrua fœminis cient, tum lumbricos interimunt. Denique floribus ac folliculis illud supra quod à nobis memoratum est, tribuitur ut injecti balneis, tumorem ac duritiem locorum muliebrium emolliant meiendique difficultatibus medeantur. Egomet aliquot annos, tenerrimis usus sum lupuli summitatibus olivo acetoque temperatis, interdum etiam cum butyro, & nuce miristicâ, magno meo commodo. Cæterum,

Cæterum, ut ad institutum redeam, *Anglorum* vulgus, caseo, butyro, lacte, & avenatis, rure quidem vescitur, in oppidis vero & urbibus, assa elixaque bubula porcinaque & marinis piscibus, paneque cibario; at secundaria cervisia pro communi potu illis est, Nam mane jejuni solent ingentia pocula bene lupulata fortisque cervisiz haurire; plerique vero turbidum *Zibum* dulce & absque lupulo bibunt. Id genus *Alam* appellant sua lingua. Quorum ego morem cur minime probandum censeam multæ causæ sunt. Nam jejunum ventriculum potu proluere nocivum est. Solvit enim fibras, calorem imminuit, ac vim omnem infringit. Sed enim si generosior potus liberali manu asfundatur tum multo graviora exoriantur incommoda. Inde enim dolores articulorum, convulsiones tremores, lævitates intestinorum, diarrhiz, cardiogmi & alia, quæ hic annu-merare nihil attinet, mala. Nec enim id nobis est hoc loco susceptum, ut quos affert morbos ingesta jejuno stomacho potio, singulatim omnes percenseamus. Verum enimvero sunt, quibus convenit jejunos potui indulgere. Quibus autem & quatenus, ad intelligentem Medicum definire pertinet. Quamquam sapientissimus author Plutarchus vehementer eos reprehendendos putat qui se jejunos multo proluunt liquore. Et quoniam non tam qualitate quam copia & quantitate insalubre est id alimentum, quo vulgares *Angli*, vescuntur, genus, tamen si qualitate quoque nocet, crassum est enim, & si robustis digestu difficile; complurimum est causa & origo morborum; quos equidem cvi-



## 52 *De aere locis & aquis*

tari hac una maxime ratione posse existimo, si quisque pro ætate, loco, tempore, conditione, temperamento, adhibito iudicio ac moderatione, crassis illis utatur cibis. At vulgus omnis expertus rationis, nulla in re tenere modum potest. Igitur ex huiusmodi potulentorum & esculentorum usu, spiritus impuri crassique generantur, ab his humores crassos produci necesse est, indeque sanguinem inquinari, oppleri obstruique viscera, oriri putredines, impetrigines scabiem, herpetas, aliasque cutis foeditates. Hinc atenuæ, urinæ stillicidia, oclusis nimirum humoris crassitudine & copia meatibus, oriuntur. Hinc totius corporis refrigerationes, temperamenti que solutio. Hinc tenesmi dejectionesque frequentes & mucosæ. Ex eodem fonte gravedines, œdemata, tyderationes, apoplexiæ, lethargi, paralyseis, & intercures aquæ manant. Nam obesitatem & inutilem membrorum molem & alia minora mala consultò prætereo. Minora inquam, si cum iis conferantur quæ rationis arcem, diæque mentis sedem petunt. Stupor enim, oblitio, socordia, vecordia, tarditas, amentia, vesania, unde quæso nisi ab impuritate crassitudineque spirituum, originem nanciscuntur? At vero spiritus tales evadunt, qualis & ær quem inspiramus, & cibi quibus alimur. Crassius igitur alimentis adhibitis, spissoque aëre inspirato, crassos itidem & inquinatos ingenerat spiritus necesse est. Et quo major fuerit esculentorum potulentorumque copia, eo graviore inquinatoresque fieri spiritus constat. Nimirum corpore maiorem in molem turgescente, e quo major quoque spiritus attrahendi necessi-



tas, qui quo impurius fuerit, eo funestius & spiritus laedet & corpora labefactabit.

Haec vero semper ex illius generis cibarium usu morbi fiunt, sed tum cum fiunt, tales fiunt, quales sunt à nobis commemorari. Tum autem fiunt, cum & maiori quam iure quem commodè ab nativo calore concoqui atque ab nutritivæ facultatis ministris æqualiter in omnia membra pro cuiusque natura distribui queat, ingeruntur; & corpora vel non exercentur prorsus, vel nimium & statim ab immodica passione exercentur, his enim excessibus maxime sæpissimeque peccatur. Medici quidem veteres, cum morborum causas pervestigarent eas in universum duas visi sunt reperisse, easque maxime contrarias, Repletionem & Inanitionem; quarum hæc in defectu, illa vero in excessu est. Ego vero quantum assequi iudicio possum, morborum *Anglicanorum* causam in repletionem esse existimo. Nam cum in summa pace tranquilloque otio, & uberrima rerum omnium abundantia vivant: non eos iam tubarum sonus excitet; non eis ullam exhibeat molestiam effrenata militum audacia; non oppidorum incendia videant; non agrorum populationes metuant; non liberorum atque conjugum captivitates construprationes, cædes pertimescant; Lautè nimirum & liberaliter indulgent corpori; illudque probe curatum & saginatum, & laburratum reddunt, usque adeo, ut cum regendis humoribus impar natura sit, aut eos effundat necesse est, aut eis exitiabiliter opprimatur. Quare ego sic statuo, omnium *Anglicanorum* morborum causam uni replezioni

## 54 *De aere locis & aquis*

acceptam esse referendam. Etenim humorum abundantia saepenumero natura sic obruitur, imo vero sic conturbatur, ut eos summa vi tummoque nisu propellens, necessariis simul & succis & spiritibus, sese miserabilem in modum exinaniat. Tum enim pessumdatis viribus sequitur, aut longa tabes, aut diuturnus marcor, aut cita mors. Vidi mehercules, haud raro, tanto impetu per sudores per alvum, per uterum, per nares, humores erumpere, ut inde tremores primum, tum convulsiones efficerentur, tum deniq; intra tertium diem afferretur interitus. Est igitur omnium malorum princeps & maxima causa repletio. Ejus vero parens intemperantia judicanda est quam Medicorum nutritionem scite admodum *Fernelius* appellavit. Est autem illud verum tametsi non ita elegans *Academia nova* placitum: *Quod est causa causa est causa causati*: unde consequitur morbiferarum causarum, fontem originem atque caput in intempestivo atque intemperanti ciborum usu quaerendum esse. Nihil enim eorum quae esculenta vel potulenta sunt nocet, nisi quis abutatur. At ne venena quidem, nisi magna quantitate sumpta, deleteria sunt. Quod si quis ex promiscuo atque modico cibi quo populus utitur, genere laesus est, id non tam ipsius cibi na via quam utentis mala constitutione factum esse non haesitanter pronuntio.

*Nec refert quidquam quo victu corpus alatur,  
Dummodo quod capias, concoctum didere possis  
Artubus, & stomachi humectam servare tenorem.*

Ut praecclare *Lucretius* qui profecto jucundus est.

est. Nam causam quærens, cur iidem cibi aliis grati dulcesque, aliis amari atque ingrati sint; aut omnia minutissimorum concursu co porum fieri: quorum variæ sunt figuræ, quadratæ, rotundæ triquetrae, leves item & a peræ & hamatæ. Porro animantes omnes quæ cibo utantur ex ejusmodi corporum variæ ac concretas; ut seminibus sic etiam figuris differre, cum extrinsecus tum intrinsecus: variaque habere foramina, cum in omnibus membris tum in ore & palato. Quæ cum posuit, tum ita concludit.

*Ergo ubi quod suave est aliis, aliis fit amarum,  
Illis quæ suave est, la vissima corpora debent  
Contrectabiliter caulas intrare palati;  
Et contra quibus est eadem res intus acerba,  
Aspera nimirum penetrant, hamataque fauces.*

Ex eodem fonte febris deducit principia. Con- turbati enim corpus ob commutationem, per- versamque earum atomorum posituram. Inde- que esse, ut quæ ante feb im exortam conve- n ebant, jam non convenient, & quæ antea sua jucunditate sensus demulcebant, eadem acerbo nunc amaro e lædant. Sed in illis nugis torus est *Democritus*. Nam *Democritus* vel somnians vel delirans eas atomos est commentus, deque illis Abderæ quæ stolidorum serax ingeniorum fuit, insano more Philosophatus. Cui ut ad sa- nam mentem reduceretur, opus fuit *Hippocrate Medico*. Verum ego *Democritum* ac *Democritens* sinens, ad propositum revertor a que aio, Mor- bos omnes cum à vivendi ratione, tum à spiritu quem viventes attrahimus originem habere, ac Magni præcep. oris acquiesco sententiæ:



56 De aere locis & aquis

αἱ δὲ νόσι γίνονται, inquit, αἱ μὲν ἀπὸ  
τῶν διαίτημάτων, αἱ δὲ ἀπὸ τοῦ πνεύμα-  
τος, ὁ δὲ σαγόνιοι ξώμεν. Ac eos quidem  
morbos ab aëre gigni, statuendum est, qui cum  
unius generis sint, multos uno tempore corrip-  
iunt. Diversos autem ad diversa referendos esse  
alimenta existimo. At cur non omnes qui eun-  
dem male temperatum aëra spirant, male af-  
ficiantur, hac in causa mihi videntur esse. Nam  
aut firmis beneque constitutis visceribus sunt  
& denso compactoque corporis habitu, sic ut  
ab aëris impressionibus lædi nequeant : aut ita  
moderate ac temperate vitam agunt, ut quam-  
vis tenui sint & exili corpore, tamen nihil ha-  
beant superfluum & redundans, quod pertur-  
bari à causis adventitiis, & aëris inquinamen-  
tis infici possit. His addo similitudinem & con-  
sentionem qualitatū, quam οὐπάθειαι Græci  
vocant ; qua fit ut qui purum ac liquidum aëra  
non ferunt, ij in uliginosis palustribusque lo-  
cis, & ubi densis obsitum nubibus cœlum est,  
optime degant. Jam vero corporum constitu-  
tiones cum variæ sint & multiplices, vario quo-  
que & multiplici modo ab alimentis afficiun-  
tur. Indeque est ut non modo quæ huic nociva  
sunt, conducant alii ; sed etiam quæ eidem ho-  
mini salubria hoc tempore sunt, eadem altero  
tempore pernitiem afferant. Inde quoque est,  
ut animalium quædam, herbis & aliis utantur  
quæ homini venena sunt, sic coturnices veratro  
pascuntur, sturni cicuta. Corvos etiam mandere  
serpentes cognitum est. Nos tamen coturnices,  
sturnos, cervos innoxie edimus ; cum veratri,  
cicutæ,



cicutæ, serpentium esus maxime nobis sit exitiabilis. Illud vero dignum observatu venit, quod ex innumerabili hominum multitudine qui in eadem civitate vivunt, eundem aëra exspiratu inspiratuque agentes, at longe diversum sequentes in cibis morem ac variis præditi temperamentis : tamen cum est cœlum pestilens, neque omnes assentur & qui assantur lethifera contagione, simili ferme agrosent modo Est cum omiſſâ plebeculâ, quæ & tenuiter vivit & naviter laborat, per procerum domos, ubi mollis & voluptuaria vita est, fatalis grassetur lues. Est cum validi vegetique ruant, sospites evadant imbellici, Nimirum vulgares labore durant, & simplici aluntur cibo, quique plus succi & roboris habeat, quam deliciarum. Divites vero undique cupedias accerſentes & semper crudi, superfluis redundant humoribus, & ex inerti otio laxissimæ texturæ corpora nanciscuntur. Ergo illi facile abs se propellunt nocentem auram, quam huc toto corpore, fluxu & raro & delitiis emolito admittunt. Strenuorum & vegetorum, & valentium alia causa est. Scilicet illi ex inconsulta, præſidentique temeritate periculis se obijciunt, conservantia remedia negligentes. Invalidis contra sua imbecillitas saluti est, cujus consciî à Medicina præſidium perunt, quæ cum divinitus hominum generi, tributa sit in tempore adhibita, multos ab interitu vindicavit.

Memini, & quanquam præteritorum iucundâ recordatio malorum est, tamen & cum dolore memini; & vix temperare possum quin recrudescere ad tantorum malorum cogitati-

Enem jam dudum obductâ cicatrice, lacrymas  
 ubertim fundam. Eheu tamen memini cum me  
 puero, vastata *Francorum & Suecorum* armis ef-  
 set, miserabilis *Lotharingia* : & cum ex antiquo  
 illius splendore nihil restaret, præter desertos &  
 spinis ac filicibus, dumerisque obstitos agros, &  
 fumantia colonorum tecta : cum Nanceium,  
 gentis caput, arce imposita hostili præsidio te-  
 neretur ; cum ferro cæsis aut in durissimam  
 abactis servitutem colonis, neque fereretur ne-  
 que metueretur tantaque annonæ gravitas esset,  
 ut agrestibus radicibus, canibus, felibus, equis  
 morbo confectis, glandibus & aliis humano co-  
 sui insolitis quiscuilibet, verius quam cibus, labi-  
 dam famem depellere, & in aliquot dies, horri-  
 dam differre mortem oprabile esset : cum igi-  
 tur tam tetra esset, florentis olim *Lotharingia*  
 facies ; ad omnium malorum cumulum, im-  
 missam ira numinis pestilentiam, reliquos ci-  
 vium quibus & hostilis mucro pepererat, &  
 omni atrocior hoste fames, aliquid spirabile re-  
 liquerat, pernitiabiliter afflixisset.  
*Pestilentia* Tum grave cælum & aura lethifera,  
*describitur.* si quæ spirabat, & squalens tem-  
 pestas, & omnis natura, quo te cumque conver-  
 teres, tristis & marcida, & fatali funestata con-  
 trazione videbatur. Arva ubique arentia, solum  
 ardore solis ustum, & arbores deciduis, fluxis-  
 que frondibus, tanquam positis capillis, mœstæ.  
 Sed infœlicium mortalium multo lugubrior  
 e at habitus. Nam qui dira contagione tacti e-  
 rant iis primum sopore gravi caput opprime-  
 batur ; sicut expergescentibus temporum ar-  
 teriæ vehementer pullarent, dolorque magnus  
 oriretur,

oriretur. Tumentes oculi, rubentesque, facies tota flamman, & per omnes artus manans sudor. Exinde vomitus, ventriculique vellicationes & animi crebra deliquia. Sed cum acri quodam mordacique sensu fluebat sudor, & in vomitu nihil erat levaminis, & ab animi deliquiis, in desperationem agebantur ægri. Neque sicis ardor in minimis numerandæ malis, exanimes sinebat; cum ærentes fauces, & lingua torrida nigroreque & lento situ deformis nullo possent, quantumvis gelido liquore mitigari. Quin statim ingestâ frigidâ, majus incensum viscera lethali afflata pernicio concipiebant. Quibus vel exanthemata vel bubones, ad diem septimum apparebant, si Medici suo non deessent officio plerumque liberabantur. Quod si tetrum virus, tarde maturiscentibus bubonibus vacuari non posset, inevitabilis sequebatur interitus. At enim haud omnibus exanthemata, bubonesve prodibant: quippe tot exorientibus malis, ex foeditates inter bona censebantur. Quorum qui immunes erant, eos horrenda insomnia, turbulenæque vigiliæ fatigabant; tum deliria & insanix & furores funditus evertebant. Ergo tot obruti calamitatibus, eluctantem animam, quidam inter lamentantium parentum amplexus efflabant: quidam omni humano destituti solatio, (meruendam pestem liberis & amicis & conjugibus longe fugientibus) miserabiliter expellebant. Nulla in tam ampla, splendidaque & populosa civitate domus erat ærumnarum & luctuum & lamentationum immunis. Ac tanto furore sava & inexorabilis



inexorabilis perniciēs omnia devastavit ; ut neque sepulchra corporibus humanis jam superessent, neque vivi tegendis effereendisque mortuis pares invenirentur. Ergo jacebant passim in domibus, in triviis, in compitis aut prorsus insepulta, aut exigua humo leviter contexta cadavera. Quæ cum lupi retexissent, ne urgente quidem fame, nescio quo horrore averfati, contingebant. Sed neque corvi & vultures quanquam male ominoso grege crocitantēs alasque complodentes, tabo manantiū cadaverum fœditatem sustinebant. Tota vero civitate, formidabilis erat eorum conspectus, occurfusve, qui funeream pestem evaserant. Pallidi macilentique & languidi, marcida neque bene coherentia membra baculis sustentantes vix imbecillum adhuc & titubantem regebant gressum, qualiter infantes cum prima ponunt solo vestigia. Tamen latebantur si cuiusvis amici superstitis intueri vultum, & deformia cicatricibus ora contigisset. Et quanquam summam omnes omnium rerum jacturam fecissent : tamen non tam amissorum dolore angebantur, quam sospitatorum ac tanquam redivivorum amicorum alloquio recreabantur.

Quæ ego tibi nunc, ô Deus optime, Maxime, hujus immentæ rerum universitatis conditor & moderator persolvam grates ! Quas tibi *Jesu Christo* verbum æternum, ab æterno Patre genite, Vindex, Servator, Assessor humanæ gentis ! Quas tibi Spiritus alme Patri Filioque par æternitate, substantia, potestate ; quippe ab utroque procedens excites, moves, expur-

gas,



gas, illustras omnia! Quas tibi sanctissima  
 augustissimæque Trinitas, gratias, pro summis  
 tuis in me misellum, atque abjectissimum  
 homuncionem collatis beneficiis referam! Tu  
 me, flagrante patria velut alterum *Dantelem* è  
 flammis eripuisti. Tu ne quid mihi puero &  
 omnium ignaro rerum in tanta tamque com-  
 muni popularium meorum calamitate deesset,  
 effecisti. Tu mihi nutricis ac parentis instar  
 fuisti tum, cum carissima mihi genitrix, paullo  
 ante immanè grassantem illam pestem longo  
 sublata morbo meis vivere commodis desisset.  
 Tu denique cum omnes Civitatis viæ cada-  
 veribus undique septæ præcluderetur me non  
 modo saluum sed vegetum etiam, lætumque  
 conservasti. Ergo tibi rerum omnium auro-  
 ri, conservatori atque administratori Deo, quantas  
 pro humana possum imbecillitate gratias ago;  
 primum quod in summa illa annonæ penuria  
 mihi perliberaliter administrari omnia volu-  
 isti; deinde quod gravi pestilentique coelo, ac  
 latente in meos cives irâ numinis tui, me  
 tot ac tantis intractum malis præstitisti. Etenim  
 memini & alia reconditum mente servo, mihi  
 vulgaria quædam, sed te volente, summarum  
 virum, medicamenta esse data. Nam iube-  
 bat pater meus, vir quidem militaris, cæterum  
 nec in octus & qui præstant simorum uteretur  
 consilio medicorum, ut sum-

mo mane itatim ac evigilaf-  
 tem accito quàm reperiri pos-  
 set ac primo temporaque &  
 os & volas & carpos ablue-

*Remedia adver-*  
*sus pestem effi-*  
*cacissima.*

ne n. In eo vero aceto inacerata erant totam  
 noctem

## 62 De aere locis & aquis

noctem piperis grana & *Gariophilli*. Tum crustam panis cui affricum erat allium, ederem, post hæc meri cyathum ebiberem. Semper autem quocumque irem, pixidem eburneolam manu tenebam, in qua erat spongia, aceto, cinnamomo nuce miristica, pipere & *Gariophillis* imbuta. Eam pixidem si quis ex adverso veniret, funesta contagione inquinatus, occurrebant autem singulis horis, quamplurimi naribus admoventes, Lethiferam auram à me depellebam. Credo quoque profuisse quod aliquanto ante ortam pestilentiam ægotans, summa cura purgatus essem à Medicis. Duo igitur secundum Deum, maximo mihi præsidio fuere, primum quod antecedenti morbo ac medicamenti extenuatus minima respiratione indigerem: deinde quod acri odore communiti sensus & insiti spiritus recreati facile malignam auram dimoverent, nec eâ se sinerent inquinari. His adjumentis quamdiu grassata pestis est, totos autem octodecim menses immaniter est grassata, tametsi & in urbem itarem, & inter inquinatos versarer, tutus fui. Vidi aliquando cum

*Observatio.* ruri pranderemus, duos è convivis lætos, & ut videbatur, sanos, derepente cœlesti morbo tactos, è triclinio sublato esse. Lusi cum infante puero, qui serali correptus lue statim est & cujus parentes intra septimum diem funesta contagione periere. Memini quoque cum in domo vicina versarer omnes concepta peste, in *Nosocomium* extra civitatem eductos, inibique intra paucos dies, præter unum, qui paullo post pediculari morbo

morbo interiit, esse mortuos. Eheu! infelicem mortalium conditionem! quot objecti miseriis & ærumnis sumus! Verum ego si omnia persequi vellem, nullum neque deplorandi, neque scribendi finem facerem. At jam tempus est ut vela contrahens portum respiciam.

Hactenus in consideratione cœli solique, ventorumque & aquarum *Angliæ* terræ, morborumque ejus Incolis vernaculorum, nostra vertata est oratio. Superest ut quibus potissimum remediis ij morbi curandi sint, ostendamus. Nam quid quid à nobis de soli ventorumque & aquarum natura dictum est, non alio fine dictum est; quàm ut illis cognitis, mores inde quibus utuntur incolæ, & quibus maxime consistantur, morbos intelligeremus. Etenim cœli solique temperiem sequuntur mores, & ex moribus sapiens Medicus ad cognoscendam morborum naturam pronâ facillique ducitur viâ. Frustra vero totum hunc à nobis susceptum esse laborem putaremus; nisi postquam de morbis universim & per genera dictum est, de remediis quoque diceremus, non singularem & enucleare, sed summariam & quantum suscepti operis ratio postulat. Certe enim si Medicæ Contemplationis finis est actio; omnis autem actio Medica in curandis morbis versari debet necessario consequi visum est ut post *Anglicanorum* morborum investigationem, quæ deinceps ad eorum curationem adhibenda essent remedia perquireremus. Quod si visi erimus ab aliquibus nuper instituta Aca-

demus



## 64 De aere locis & aquis

demix sēstatoribus in hac quæstione dissen-

*Nova Academia  
vocabulum hic u-  
surpatur pro nova  
doctrina eorum,  
qui morbos om-  
nes sanguinis de-  
tractione curan-  
dos esse docent.*

tire; facile nos hac respon-  
sione tuebimur: Nos pro  
jure nostro facere. Neque  
enim turbidos novissimæ  
inventionis rivulos conse-  
ctamur, sed è purissimis  
*Hippocraticæ* doctrinæ fonti-  
bus haurimus; è quibus in-  
numeri ante nos, ex om-  
nibus gentibus viri doctis-

simi bis mille & amplius annos, & bibe-  
runt ipsi & aliis ad bibendum præbu-  
erunt.

Qui ad Medicinam faciendam Physicorum

*Philosophia natu-  
ralis cognitio, Me-  
dicinis necessaria  
est.*

ignarus accedit, haud aliter  
facit ac si quis tentet absq;  
remis ac gubernaculo, ve-  
lisque navigare. Medico  
igitur tota fere natura cog-  
nita sit oportet: in homi-

num vero temperamentis debet esse versatissi-  
mus. Ea nimirum cognitio tanquam Helice  
atque Cynosura est, quam sequi & ad quam  
totius cursum navigationis dirigere necesse est  
eum, qui salvam & incolumem ad portum  
appellere navim optabit. At vero de communi  
hominum natura scribere haud fortassis ardu-  
um fuerit; cæterum de singulis constitutioni-  
bus velle disserere, infiniti, nec humanarum  
virium, laboris. Quot enim homines sunt,  
tot sunt singulares & incommunicabiles con-  
stitutiones. Et quam varia est complex onum  
diversitas, tantam, tamque diversam esse  
morborum



morborum varietatem haud falsis inductus argumentis, pronuntio. Vel in geminis, tamen magna sit vultus similitudo, quanta est tamen morum dissonantia? quanta studiorum inæqualitas? quæ morborum cum agrotant dissimilitudo? Quæ cum ita sint, quanta & quam immensa operæ fuisset de *Anglia* sita scribenti, de singulis urbibus, imo de singulis domibus facere mentionem. Urbium enim tamen unius tantum horæ itinere distent, magna tamen est, ob posituram, aquarum ætisque & ventorum differentia. Quin etiam in unis ædibus tantum esse discriminis animadverti ut cubicula aliis alia salubriora esse sentirem. In *Cardighamia* cum aliquando essem apud *Clarissimum Johannem Vaughanum*, qui nunc summus est rerum civilium *Judex*, isque mecum perfamiliariter loqueretur ostendit mihi cubiculum, in quo qui degerent, tertiana febris statis anni temporibus tentarentur; à meque rationem sciscitatus, respondi, causam ad aërem esse referendam. Quare ille cum & arbores ex una parte deturbasset, ex alia murum excitasset, locum salubrem reddidit. Atque egomet cum in *Armorica* versarer, mihiq; fenestra, à septentrionibus aperta esset, in febrem quartanam incidi, statimque mutato cubiculo convalui, nullis usus præterea medicamentis. Idque non solum in *Armorica*, sed in *Anglia* quoque sum expertus. Nunquam enim insalubrius habitavi, quam cum, ad septentriones aperta mihi cubicula fuere. Tamen vero nemo, ne *Hippocrates* quidem de singulorum hominum morbis

## 66 De aere locis & aquis

morbis egerit, tamen ex *Hippocratis* & aliorum antiquorum placitis ea sapiens & acutus Medicus colliget, quæ ad singulorum curationem morborum sunt conducibilia. Quod si ventorum quoque, regionumque & aquarum, cœlique cognitionem adhibuerit, tum nimirum de cuiusque loci salubritate, nullo negotio judicabit. Nos igitur posteaquam summa morborum *Anglis* vernaculorum capita attigimus ad remedia demonstranda sic aggrediemur, ut tanquam ad fontes, digitos intendisse satis esse arbitremur.

Duas Medici veteres omnium morborum sicut jam à nobis dictum est, summas causas fecerunt, Inanitionem & Repletionem. Nos uram tantum, repletionem scilicet, *Anglicanorum* effectricem esse morborum, judicamus. Quare ad eorum curationem unam itidem evacuationem, satis esse futuram putamus quandoquidem contraria sunt contrariorum remedia. De morborum autem principibus causis loquimur, non de accidentibus, quibus alia ratione succurrendum est. Jam vero remediorum evacuantium, quæ summa appellantur duo sunt præcepta genera. Purgatio nimirum, quæ supra vel infra fit, propinata medicata portione; & venæ incisio, quam à *Græcis* *φλεβοτομία* esse dictam, ne ipsi quidem *Tonfores* ignorant. Utrum eorum remediorum, ad profligandos *Anglorum* morbos, maximè sit adhibendum, summa jam pridem contentione summisque studiis quæsitum est. Ego vero circumspectis rebus omnibus,

nibus, rationibusque subductis, non arroganter nec invidiosè, sed libere pronuntio, mihi videri purgationem ut plurimum, veræ sectione magis esse contentaneam, imò verò necessariam.

Quidam ex Antiquissimis Philosophis tantam sanguinis excellentiam crediderunt, ut ipsum esse animum affirmarent: alii multo ad veritatem proprius suffusus cordi sanguinem, animi sedem esse dicerent. Eam *Empedocles* opinionem secutus est à *Moyse* traditam, qui supra mille annos ante natum *Empedoclem*, in legibus, quas *Israelitico* populo tulit, sanctè cavit, ne sanguine vefcerentur, neve suffoca o rum animalium carnes, mensis inferrent; eam scilicet ob rationem, quod anima esset in sanguine, quo effuso ipsam quoque statim animam effundi necesse esset. Sanguinem ego cum doctissimis viris a o, vitæ fontem ac domicilium esse, unde spiritus o iuntur, reparantur, aluntur, recreantur, animi re-inaculum, affectorem lætitiæ omnisque autorem hilaritatis, lepō. umque ac venerum, faciliarumque & gratiarum genitorem. Qui magna semper cura fovendus est: nunquam vero nisi magna adhibita cautione, atque urgente necessitate deerrahendus. Ætates, vivendi modi, vires, anni tempestates, loca denique ipsa, morbique & naturæ considerandæ sunt. Nam nulla horum adjunctorum habita ratione sanguinem deerrahere, id non mederi sed ægrum jugulare est. Ubi crudis humoribus propleti ventriculi sunt nemo prudens veram opperuerit. Ne hydropicis quidem neque multa  
pica



pituita prægravatis ut neque his quibus lævia sunt intestina. Jam verò tæbe consumptis cui bono erit venæ sectio? Nam quibus splendida redundat bilis, si sanguinem, cuius humore ac dulcedine bilis efferata mitigatur, quis detraxerit, protinus eos ad infaniam adiget. Magnopere crassos quibus & exiles venæ sunt, & frigida constitutio, minime ferre sanguinis missionem constat. Ac qui malo sunt habitu, qui cibo potuque se ingurgitant, quibus rara texturæ sunt corpora: quibus item ventriculi ad attrahendos aliunde succos propensi sunt; quales pituitosi & qui inediam facile tolerant: ad hæc quibus os ventriculi amara pungitur bile, aut imbecillum aut magno præditum sensu est, hi statim detractio sanguine convelluntur omnes, aut exolvuntur, summum circumstantibus metum incutientes, ac ipsi in ancipiti versantes vitæ periculo. Denique in omnibus omnino frigidis & morbis & corporibus & tempestatibus venæ sectione abstinendum est. Quæ cum in *Anglia* ferme reperiuntur, sequitur purgatione potius, quàm venæ sectione morbo laborantibus *Anglis* ut plurimum esse subveniendum. Enimvero ex omnibus *Europa* populis, minime patientes sunt ejus evacuationis quæ fit detractio sanguine. Complures equidem novi qui statim ut aperta vena, fluere sanguinem vident, animo relinquuntur. Ac ne lienosos quidem venæ sectione curandos putaverim, præsertim ubi morbo jam ingravescente pedes tument, ac totius corporis habitus livido colore foedatur. Et quanquam satis intelligam ex singulari quodam



quodam casu, nihil inferri in universum posse :  
tamen narrabo quid viderim ; valebit enim,  
cum se non absimilis dabit occasio. *Bristolium*  
Civitas est tota *Britannia* nobilis ; me per eam  
iter facientem Chirurgus quidam haud sane  
imperitus & antiqua mihi familiaritate notus  
forte fortuna obvium habuit ; manuque præ-  
hendens , opportune inquit , te nunc habeo :  
itaque, nisi molestum est, veni quæso mecum,  
ac tuum mihi consilium impetire : & cum  
dicto deduxit ad juvenulam quandam lie-  
nosam, & cui menstrua jampridem non pro-  
fluxerant. Tum illic Chirurgus, quid censes,  
inquit, huicne venam aperiàm è cubito ? Ego  
veto, inquam, nihil minus, quin eam purgato  
per superiora. Tibi enim ante denuntio quo  
magis caveas, futurum ut convellatur, si san-  
guinem ei, non prius purgato ventriculo,  
detraxeris. Crudis enim & lentis ; & om-  
nino pravis redundat humoribus. Ac ille qui-  
dem hæc audiens hæsitavit. Cæterum puellâ  
& ejus affinibus qui aderant adhortantibus ut  
porro pergeret, aperuit *lanceola* venam cubiti  
dextri mediam ; at vix quatuor unciaz san-  
guinis effluxerant, cum illa vehementer con-  
velli cœpta , denuntiati à me infortunii  
eventum comprobavit. Tum vero Chirurgus  
me respicere, trepidare & majus aliquod  
malum formidare. Sed odorato vino revo-  
cata est. Ac sub vesperam postquam ei cly-  
stere sunt abluta intestina melius habuit ;  
denique medicatis potionibus ad pristinam  
integramque valetudinem est restituta. Nec  
vero soli huic puellæ contigit ut convelleretur  
&

70 *De aere locis & aquis*

& animo solveretur: me præsente & prædicente compluribus aliis cum viris tum foeminis idem evenit, quorum casus commemorare non est nostri instituti. Mihi certe quidem in *Anglia* Medicam artem fastidanti sæpe venit in mentem mirari quid causæ esset cur sanguinis evacuationem tam ægrè ferrent Insulares.

*Id est, neque in frigoris neque in caloris excessu, ut plurimum, sicut Suetia & Polonia in qua summa frigora, & Italia in qua summi calores.*

Ac præter alias rationes, illius aërem Insulæ reperiēbam, temperatiorem illum quidem quam aliis multis in regionibus: at crassum fere semper & nebulosum & multis obstitum inquinamenti; quibus statim ab evacuatione sanguinis, natura recreandorum spirituum avida pollueretur. Nam is aër inspiratu vehementer attractus, antequā posset à pulmonibus repurgari, languidos adhuc effuso sanguine spiritus alienis qualitatibus lædens, vel retro ad vitæ fontem, id est ad cor, premebat, vel penitus opprimebat. Indeque musculorum violenti motus animiq; deliquia. Quibusdam vero sudores, immodicæque perfrigerationes & protractiones morborum fiebant. Et illa quidem vel inconsultorum Chirurgorum, qui lucrum potius, quàm ægrorum salutem quærebant, vel juvenum medicorum, ex Academia recentium adhuc & in artis operibus nondum versatorum præcipitiq; inconsiderentia iactorum, errore contingebant, quorum culpa cum multos reum ignaros, quo minus se Medicis committere

ent impediēbat, tum in insignium medicorum  
notuq; Medicæ facultatis invidiā redundabat.  
Quæ cum ita sint quis non intelligat  
purgationem sæpius & utilius ad  
curandos *Anglorum* morbos adhi-  
nendam esse, præsertim cum id &  
morborum natura postulet, & ipsorum agro-  
santium mos requirat? Sæpe enim vomitu,  
odoribus & alvi solutione spontanea purgan-  
tur. Neque tamen hæc à nobis ideo dicta  
sunt ut nullum venæ sectioni relictum pure-  
mus locum. Ea quoque magno cum fructu  
celebratur: sed adhibendum est iudicium, ut  
in tempore fiat, & ante purgatis intestinis,  
ut supervenientia vitentur mala. Profecto si  
quis apud se reputaverit ea quæ de morum  
*Anglicanorum* diversitate diximus tum, cum  
nicolas in tres quasi classes divisimus, haud  
difficili negotio, quibus vacuatione sanguinis  
opus sit, quibus vero non, iudicabit. Nobili-  
us enim & iis qui splendide vivunt utilem  
se censuerim. Eos vero etiam morbos cum  
qui calidi sunt, tum quorum celeres sunt  
evolutiones sanguinis missione curandos haud  
conuerim. Corpora certè densa compactaque  
torosa quæ nec læduntur ab aëre facillime,  
neque sudore diffluunt, ea cum ulus est, sine  
dolestia venæ sectionem patiuntur. Peregrinis  
eisdem, imprimis qui ex *Hispania*, *Gallia*,  
*Hispania*, *Lusitania* veniunt, quique suo more  
vivunt, & quibus nondum immutatum est  
patri soli delictitudine temperamentum, sine  
dubitatione adhibenda est, quamquam  
extasse non ita frequenter, sed liberaliori



## 72 De aere locis & aquis

manu venarum incisio. At ex indigenis ii qui puriore fruuntur aëre, qui procul ab lit-  
toribus, qui montanas & editas incolunt  
regiones, si cætera convenient, sanguinis  
evacuatiōe sunt curandi. Nam cæteris aut  
medicatæ portiones aut ~~exanthematia~~ convenient,  
queis aut vomitus provocetur, aut subducatur  
alvus, aut sudores eliciantur.

### EPILOGUS.

*Sed nos immensum spatium confecimus aëror;  
Et jam tempus equum spumantia solvere colla.*

Sic igitur instituto nostro satis fecimus ut  
intelligere lectores æqui possint nihil nobis  
esse magis in votis, quam ut communibus  
omnium commodis, quoniam omnibus gen-  
tibus humanæ societatis vinculo conjuncti  
sumus, operâ, studio, labore, vigiliis, omnibus  
denique modis inserviamus. Quod si non  
omnium expectationi cumulare respondimus,  
non voluntatis, sed humanæ cujusdam imbe-  
cillitatis fuit. Itaque quod volumus æqui  
bonique consulent, uti speramus, rerum in-  
telligentes, & veniam dabunt quod non po-  
tuimus. At nos, si quod optabamus non  
sumus assequuti, attamen magnis ausis ex-  
cidimus. Vel illud saltem nobis concedetur  
ut quanquam huc ab ultimis *Germania* finibus  
adpulsi: tamen *Hippocratis* quo neminem in  
*Medicina* faciendâ prudentiorem existisse  
constans omnium gentium fama est, præcepti  
atque adhortationibus obtemperantes, sedulan-  
dedisse operam judicemur, ut ne soli cœliquo



& aquarum, aut morum ejus Insulæ in qua tam diu peregrinamur penitus ignari, ad curandos Indigenarum morbos accessisse videremur. Illis quidem proculdubio vel aliqua ex parte satisfacimus, qui soliti velut ex insidiis, sed tamen civiliter & honestè, ut videtur, quasque aulico more, peregrinorum famæ & studiis obrectare, magnam illis industriam tribuunt, multum etiam litterarum, multum studii, multum acuminis & judicii; versatos quoque in Academicis contentionibus esse concedunt; cæterum: *Francis*, inquit (nam illi boni, peregrinos omnes, uudecumque advenerint *Francos* appellant) *Britannici* soli cœlique temperies ignota est, incognita quoque morborum natura; & nostros ignorant mores, quare non sunt ad nostrates ægrotos admittendi. Quibus ita responsum volunt, *Hispani, Allobroges, Helvetii, Belgæ, Lotharingi, Leodienses*. Primum negant eam appellationem omnino sibi cordi esse. Deinde aiunt omnibus in *Magnam Britanniam* appellentibus aëra patere: patere campos & aquas: nec ventos ita solis flare indigenis, quin iis quoque interdum advenæ percellantur. Mores autem quales sint palam esse, nec enim sic in occulto res geri quin peregrinis multum intercedat cum *Britannica* gente commercii. Verum tamen oporandum esse ut quemadmodum in *Francia Lutetia Parisiorum, Patavio Italia, Basilea in Germania, in Lusitania Conimbrica* studiosis omnibus cujuscumque demum nationis sint & scholæ parent & pan-

panduntur *Nosocomia* & privata domus non occluduntur, & docta cum Medicis non negantur colloquia, & ad consultandum, concertandumque liber aditus datur: sic in *Magna Britannia* non aut palam & contemptim arceremur ab omni Medico coetu, aut clam parum candidis, non enim dicam invidiosis sermonibus differremur. Sed quoniam ea non doctorum & gravium viro- rum, sed quorundam levium & inconiultorum Juvenum culpa est, & placare ferimus, & quo minus toti Nationi bene optemus & ubicumque res & tempus feret, ipsorum utilitatibus studeamus, nulla unquam ob- trestatione, sed ne injuriis quidem, quas à multitudine innumeras magnasque perpe- ssumus, retardabimur.

*Facilius est irridere quàm imitari.*

*F I N I S.*

O B-

OBSERVATIONES  
MEDICÆ.

*Cambro-Britannicæ:*







# PRÆFATIO.

**P**U M multa beneficia  
divinitus in homines  
collata sunt ; tum  
nullum aut præstan-  
tius aut utilius Me-  
dicina donum tribui potuit : quo  
et prospera valetudo confirmatur,  
et adversa profligatur. Nam  
præterea ferè artes aut extra homi-  
nem posita, nihil admodum afferunt  
nisi vanam oblectationem : aut si-  
quid in se præterea continent, id ad  
corpus vel à morbis liberandum,

vel in robore firmitudineque ac ingenito temperamento servandum referri debet. Nam qui potest esse quisquam aut voluptatis illius capax, aut ad capeſſendam rempublicam idoneus, qui perpetuis morbis conflitetur? Sacra vero & ceremonias procurari niſi ab iis qui ſunt integro corpore nefas eſt. Ut quantò medendi ars cæteris utilior eſt atque præſtantior: tantò qui eam perite exercent, reliquis videantur artificibus antepoſendi.

Quod ſi noſtris temporibus & ars & qui eam profitentur, ſuam apud plurimos æſtimationem amiſerunt: id non tam ipſi arti, quæ ſane per ſe, ipſa & utilis eſt & excellens, quàm imperitis atque impudentibus circumforaneis tribuendum eſt, qui vulgi plauiſum captantes; multò maiora pollicentur quàm re vera præſtare poſſint, quique intima artis præcepta ignorantes,

venena

venena pro medicaminibus propinant. Nec enim leve studium aut parvam naturæ cognitionem ars Medendi postulat. Multis litteris cum Latinis tum Græcis, multa investigatione, multo labore, multa scientia, multoque usu ei opus est, qui se Medicum profitetur. Quod cum jam inde à principio susceptorum studiorum mihi persuasum esset, eâ incedendam via sum arbitratus, quæ me non errare sinens ad Apollinis adyta duceret: nec ullum postea laborem refugi quò magis ad Medicinam sanctè nec imperite faciendam idoneum me præstarem. Neque non sæpe suavissimos laborum meorum fructus, magnâ meâ voluptate degustavi. Idque cum alias, tum eo tempore, quo in illam Cambriæ partem advocatus quæ vergit ad Meridiem, in eâque totum ferme biennium

F 4      versatus



*versatus permultos equestris familie & utriusque sexûs, variis morbis conflictatos, tum propinatis potionibus, tum adplicitis ex arte Medicamentis liberavi. Quod idcirco scribere aggredior, ut quantum in ea facultate profecerim videam, utque ex similium morborum collatione, quid mihi deinceps in hujusmodi casus incidenti, faciendum sit, concludam. Nihil equidem vanè memorabo; sed penitus inspectis cujusque morbi symptomatibus, ac signis accuratè scribam. Ne si nostra scripta in aliorum manus fors detulerit, re universim tantum & incertè proposità, fallantur. Nam multa reor à Medicis præcipiti laudum cupiditate ductis non satis diligenter nec ex veritate scriptis esse mandata. Indeque sæpenumero multos Medicinæ candidatorum in errorem inductos esse.*

De

**De Cambria situ deque moribus incolarum.**

**S**ED antea videtur aliquid de ipsa regione deque incolarum moribus dicendum quam ad Observationes curationesque à nobis, Deo nostram secundante operam susceptas, veniamus.

Cambria, sive Cambro-Britannia maxima est provinciarum Majoris Britanniae, divisa in Septentrionalem & Meridionalem. Illa iterum in sex Comitatus; hac in septem distributa. Regio est ut purimum aspera montibus ac torrentibus frequens. Solum tritici ferax; praesertim qua Toby, Cothyoque Salmone fecundis amnibus irrigatur. Nec ipsi montes inuiles. Quippe ingentes alunt greges & armenta, ex quibus lana coriumque suppeditatur aliis

F S Angliæ

Angliæ provinciis usque ad abundantiam. Ferrum, plumbum, argentum inde effoditur; lithanthracesque magna copia ad ignis alimentum. Cœlum asperum ac rigens hyeme, æstate temperatum. Vento ut plurimum aquilonio, maximè ineunte vere infestatur. Incole duri ac patientes laboris. Viri fœminæ, pueri puellæque, nudis pedibus per saxa, perque nives horrente cœlo ambulant. Avénaceo pane & caseo vivunt; lac potant, cum per se, tum cervisie immixtum. At vero Nobiles non multum concedunt gentibus continentem incolentibus; imo ubi educationis beneficium nacti sunt, cum humanissimis videntur comparandi. Nam & ingenium iis vivax lepidumque est, & obvia benignitas & hospitalitas, præciorum virtutes quibus humana societas devincitur. Sentque in-  
 primis

primis laudis cupidi; atque ut peregre advenientes haud parca humanitate excipiunt, sic iis ac maxime, nova afferentibus avidas aures præbent. Litteras non vulgariter excolunt, magnoque honore ac benevolentia complentur eruditos. Atque hæc quidem de gentis moribus ac regionis positu dicta sunt.

### De morbis quibus Cambria est magis obnoxia.

**A**D morbos quod attinet, Tussi, Laterum ac pectoris doloribus, horroribusque ut plurimum infestantur. Ac anno quidem millesimo sexcentesimo quinquagesimo septimo hæms admodum Austrina ac pluvia existit, vir autem Aquilonium ac siccum, unde originem habuisse haud falso æstimatum est, Epidemicas



*Epidemicas illas intestinorum difficultates, quæ multos mortalium ad exitum precipitavere. Quibus qui officiebantur, iis crebra dejectiones, interdum cum sanguine, semper mucosæ ac flatulentæ, sæpe biliosæ accidebant. Tormina ventris perpetua, sudorificæ febres, mors ut plurimum octavo die, nisi maturè, vi morbi occursum foret. At vero annus millesimus sexentesimus quinquagesimus octavus ver. exhibuit imbribus ferme continuis incommodum; ac longis putridisque infestum febribus. Nec in absimilem desivit tempestatem insequentis aëstas anni adeo ut ob imbrum continuitatem, neque demeti triticum, neque fœnum colligi potuerit, quidquid vero collectum; ob humiditatem intra paucos menses corruptum est. Quæ res magnam non hominibus solum, sed jumentis quoque*

que pernitiem attulit. Ego cum  
interea temporis à pluribus præ-  
cipue nobilitatis accersitus essem;  
haud poenitendam eis opem in tem-  
pore attuli. Fateor equidem, me  
nunquam nisi timide & implorato  
Dei auxilio, deque mea industria  
dissidentem ad ullum agrum ac-  
cessisse, neque quidquam præbuisse,  
nisi ante seriò, multumque medi-  
tatum ac paratum. Quæ res haud  
tamen impedimento fuit quo minus  
prompte ac oportune subvenirem;  
tarditatem & negligentiam æque  
ac præcipationem averfatus. Et  
quamquam deplorata interdum a-  
grorum conditio videretur; eos  
tamen jubebam bono esse animo, ac  
in se magnam de eorum salute  
spem, præ me ferebam. Quod si  
fatum inevitabile animadvertere-  
rem, id amicis ægri significabam,  
monebamque, eum hortarentur;  
quo disponderet animum, seseque ad  
migrandum

*migrandum accingeret. Id ad fidem, diligentiamque Medici sapientis pertinere arbitratus, ut nec imparatum agrum, & cum minimo cruciatu, ex hac vita discedere pateretur. Mihi quidem quamdiu in Cambro-Britannia versatus sum, pulchre res successit, neque quisquam (cujus beneficii immortales Deo prapotentia gratias ago) mea negligentia, meove errore periit. Neque certe non maximas mihi semper, grati memorisque animi significationes dedere plerique nobilium, quibus opera mea exstitit salutaris: parati, si res peteret, amplissimum meæ diligentia, meisque laboribus dicere testimonium.*



# HISTORIA

## PRIMA.

**A**C initium mihi curationum in ea regione ab Humfredo Nigidulo fuit. Is Juvenis septem & viginti annorum, humido temperamento, obeso corpore, thorace sublato; scapulis prominentibus, ac demisso collo; capite ineunte hyeme pulmonicis affectionibus laborare. Urgebat nullis valida à frerino Catarrho, respiratioque difficilis cum sibilo ac stertore. Vomitus frequens, præsertim ab absumptis liquidis infestabat, aderat quoque febris continua, cui molestia sitis accedebat, fatigantesque vias. Venationi autem usque adeo deditus erat, ut ab agitandis fetis nulla tempestate dimoveretur. Et cum anguste admodum incommodeque habitaret, domo vetere disturbata in colle cepit ad oram maris laxius ædificare; ac diu nocturne operas



operas urgens, inter recentes humidofque parietes cubitabat, genialique interdum potu cum amicis ducebat noctes. Cum igitur mali acerbitate coactus me accivisset, statim ad pervestigandas perspiciendasque morbi causas animum adjeci.

*Ratiocinatio in hanc historiam.*

Omnis coagmentatio corporis vel calore vel frigore, vel aliqua impulsione vehementi labefactatur, & frangitur, & ad morbos senectutemque compellitur, quemadmodum divinitus est à Platone pronuntiatum. Certe humanum corpus, ita compactum est, ut non solum à seipso insitisque & ingentis principiis laceffatur, sed externarum quoque rerum injuria ad interitum impellatur. Vere tamen illud affirmaverim; qui firma beneque temperata corporis constitutione orti, inque lucem editi sunt: si nullo rerum exterarum impetu consistuntur, eos incorrupta ad longissimum tempus sanitate, vitam producere. Quare externæ evidentesque causæ ad excitandos morbos agere necessario debent. Nec enim corporis internarumque causarum firma constitutio nisi exterarum impetitione commoveri potest, deque naturali statu deiici. At ubi externæ causæ cum internis conspirant, tum vero pessumdari hominem necesse est. Quod quidem in hoc egregio Juvene videmus. In quo temperamentum humidum calidum immodicis venationis equitationisque laboribus, hyemali pluvioque tempestate, ac humenti habitatione agitarum, ac penitus conturbatum est.

*Vehemens*

Vehemens agitatio corporis, quæ venando suscipitur, redundantes in obelo corpore humores jam ad defluxionem pluvia tempestate dispositos resolvit. Hos manantes è capite inclementiæ cœli obnoxio, pectus amplum aliquandiu fovit. Sed eorum tandem acrimoniam ac perpetuum fluxum molestè infestantem, concussis musculis exussire moliens, pulmonis inflammationem hoc volento nisu peperit. Febris, spirandi difficultas ac sitis, hujus quam *πνεύμονια* appellant Græci, haud indubitata signa extiterunt. Incumbens cœli pulmo, summum ducendi spiritus laborem pariebat. Stertor à præclusis humore influente respirationis viis oriebatur. Sitis ac linguæ siccitatem, acrimonia caliditas quæ afferebat. Priamam aliumve liquorem, idcirco vemitio sequebatur quod liquidis, ferus Catarrhus, aleretur, aufereturque spirandi difficultas, compresso nimirum diaphragmate, ac thorace distento; revelleturque, parium consensu ventriculus. Denique somnum arcebant acres calidique vapores è stomacho exspirati.

Investigatis hunc in modum morbi *Indicatio.* causis, statui fluentem è cerebro humorem esse sistendum, tum dandam operam ut qui jam in Thorace magna copia continebatur, primum coqueretur, deinde expectoraretur. Quare ut quam parvissimo potu uteretur, edixi, ciboque tenui admodum & resiccante.

De

De Sanguine autem detrahendo, ne

Leonardus Fuschius, de  
morbis medendis lib. 2. c. 9.  
sanguinem detrahi vetat  
in iis qui ex aliis morbis  
in peripneumoniam inci-  
dunt, maxime si diu in hoc  
statu fuerint, vel per initia  
sanguinem miserint.

cogitavi quidem, prop-  
terea quod intelligerem.

ἡ ἀπὸ τῆς ἀπορίας ἐκείνης  
haud esse veram ac prima-  
riam, sed è catarrho prog-  
natam: deinde non itatim  
à principio, sed invalescente  
morbo, meum erat im-  
ploratum auxilium. Quo  
minus id agerem alia

quoque rationes impediabant, earque non  
leves.

Sept.  
παις.

Verum eorum ego sententiam secutus  
sum, qui blandum catharticum esse pro-  
pinandum existimant, quod eo magis feci  
quod maximum humorum orgasmum ani-  
madvertebam: nec febris erat admodum  
vehemens. Exinde curam verti ad Thora-  
cem, ac pulmones expurgandos. Quod  
praestitum eclegmate è pulmone vulpis, ac  
tabellis *Becchicis* non omisis interim li-  
nimentis ex oleis *Myrtill.* & *Chamamel.*  
Sed enim cathartico illo (quod liquidum  
erat & blandum & paucum) corpus tan-  
tum universum quasi preparaveram expur-  
gata inferiori regione. Quare ad caput &  
fontem mali cerebrum humore morbum  
alente liberandum, pillulas *Coccias*, &  
*Olephantinas* ad  $\mathfrak{H}$ . imperavi. Quae quidem  
pillulae purgant, ac mirifice recreant. Ab his,  
veterem rosarum condituram cum olibano,  
thure, ac myrrha, adjectis *Labdani* granis  
duobus exhibui cum ad somnum provo-  
candum



candum, tum ad sistendam fluxionem. Ac deinceps operæ me premium fasturum duxi, si pilulam cum uva passa, Jujuben, Sebesten, Hyssopo, Glycyrrhiza propinarem.

Catharticum blandum, blande purgavit. *Effectus*  
 Paucum erat & lymphidum, paucum quod animadvertissem ægrotanti nocere potu-  
 lena. Lymphidum quod quæ potiones  
 Spissæ sunt & Catholiconæ, aliisve ele-  
 ctariis mixtæ, nascentiam pariant, tor-  
 queant ventrem, & multo plures pravorum  
 humores gignant, quàm expurgent. Blan-  
 dum denique fuit, quod jam commoti  
 erant humores, levique ad extrusionem  
 indigere videbantur auxilio. Postremo  
 liquida forma propinatum est, quo & fa-  
 cilis & promptius per venas diffusum,  
 eas infractu liberaret. At vero pilulas  
 insequentum est alui profluvium tam re-  
 pentinum ac tantâ violentiâ, ut amplius  
 trigesies æger intra viginti quatuor horas  
 subsideret; cuius causam inquirere operæ  
 premium fuerit. Pilularum Aleophangi-  
 arum sive Aromaticarum scriptulum u-  
 num, tantundemque Cocciarum præ-  
 scripsimus. Aleophanginæ, in quibus Aloe,  
 præcipuum, imo solum purgativum est,  
 alvum adeo perturbare non potuerunt.  
 In Cocciis Turpethum, colocynthis ac  
 dacrydium, vehementer quidem movet,  
 at tum exiguâ quantitate, tantam afferri  
 perturbationem haud potuisse existimo.  
 Alias ad id evenisse causas recor. Erat  
 tum



tum hyems pluvia, brumalisque tempestas æger humido corpore, humorum magna à naturâ tempestateque facta conturbatio. Quare nihil mirum est, si jam suapte natura concitatus humor, adhibito levi pharmaco, magno impetu dejectus est. Fieri quoque potuit ut Pharmacopæus sive negligentia quadam, seu festinatione Massam unde eas pilulas efformaverat, haud exactè mixtam pistamque habuerit, adeo ut dacydii atque Turpethi major quantitas quam pro reliquorum medicaminum proportionem, in his pilulis quas ægro dedit, inesset. Quid quod impari etiam die præbitæ sunt, id quod fieri vetat Hippocrates? Denique juvit Pharmacum cerebri conatus, quo identidem, ut pulmones liberare se infestantibus humoribus, & eos in intestina detrudere moliebatur. Id quod ita feliciter accidit, ut intra paucos dies æger saluti restitutus sit. Nam Vigiliis quæ peripneumonix supervenientes, fatales esse solent, Ladano provisum est.

*Historia*

HISTORIA 2<sup>a</sup>.

**N**ondum plane convaluerat ille Juvenis, cum à Doctissimo Clarissimoque *Gulielmo Nicolsono* litteras accepi quibus à me petebat ut nepotem suum ope Medica sublevarem. Eum enim incredibilis intestinorum, dolor affligebat, cui leniendo frustra omnia fecerat usus cujusdam circumforanei consilio. Nunc lævum, nunc dextrum latus dolore urgebatur, sæpe magnis torminibus umbilico circumjecta regio appetebatur, nausea ferme continua cibique fastidium. Si quid autem esculenti, potulentive esset injectum, statim revomebatur: neque quidquam interea deiciebat, adstricta funestum in modum alvus. Sed nihil æque mœstum ægri animum frangebat, ac vigiliarum molestia. Quare omnibus ac imprimis Avo uxoriue deplorata ejus conditio videbatur. Ac tum annum agebat ferme trigesimum, nigro capillo, fusco vultu, dejectis oculis, quæ omnia bilis atræ dominationem arguebant. Moribus erat cæteroqui temperatis; & fundo quod illi & amplum & commodum erat, colendo deditus, privatam & publicorum securam tumultuum vitam agebat.

Statim igitur ut in Villam veni diligenter *Ratiocinatio*  
 ægrum intuius, & ab eo quæ ad rem per-  
 tinere

tinere arbitrabar sciscitatus; intellexi colon  
intestinum, lentâ crassâque & adusta ma-  
teria induratisque fœcibus infarctum esse.  
Dolorem inde gravissimum exoriri pro  
vartis & amfractuosis ejus intestini sinibus  
mutabilem. At circa umbilicum, multo  
sentiri acerbior, non solum ob flexuras  
& mæandros, angustioris illic intestini;  
sed etiam ob nervacea vincula, queis colon  
& renes invicem lumbique colligant. Non  
mediocriter autem ad infarciendum im-  
puris humoribus intestinum contulerat fri-  
gidorum & crassi succi ciborum usus &  
cruditas, cervisizque fuliginosæ, spissæ, ac  
semicoctæ potus. Nam æger ipse quidem  
hauderat intemperans; sed enim populari-  
bus, societatique, & pravo compotandi  
mori dandum aliquid fuit, quibus illectus,  
ne videlicet inurbanior ac reliquis agrestior  
videretur; sibi paullo magis quàm & so-  
leret & par esset indulserat.

*Indicatio.*

Quæ cum observâssam, cumque viderem  
rot ægrum urgeri malis, sapientis esse  
Medici sum arbitratus, ad id quod gra-  
vius adfligebat Medicinam adhibere. Quem-  
admodum autem animo nihil accidere  
potest, peccato calamitosius, ut sapientes  
Christiani docent; ita corpori, nihil do-  
lore funestius esse existimo. Vires ex-  
haurit, facultates labefactat, solutâque  
animi cum corpore societate, hominem  
ad interitum præcipitat. Quare ne hunc  
ægrum violentia doloris interimeret, sta-  
tum ejus leniendi rationem inivimus.

Tum.



Tum ad fœces emolliendas deturbandasque operam vertimus ; denique rite purgato corpore , intestina ventriculumque roboravimus selectis idoneisque remediis.

Maluam, Althæam aliasque herbas *ερεάπεια* mollientes, adjectis carminativis seminibus, in sero lactis elixandas, ac in liquore percolato ; lenitivum quem vocant electarium ad  $\xi$ , dissolvi, oleumque Rutaceum ac Laurinum pari quantitatæ dissolvi curavi, idque injici singulis fere quadrantibus horæ, decumbente in ventrem ægro. Placuit etiam herbis emollientibus, rutam, hyssopum, absynthium, mercurialem, chamæmelum ac majora adijci tum ad incidendum, tum ad detergendum. Ventorem vero fovimus oleis ex lauro atque chamæmelo simul commixtis cum aceti pauxillo. Victum interea tenuem imperavimus, quale est evenatum, uva passa corynthiacisque conditum & saccharo. Duobus inde diebus ægro pharmacum propinatum ex decoctis senææ foliis, infusæque radice barbara. Postera vero die detergentia clysmata, repetenda esse arbitratum sum. Quod cum fortunate actum esset, ægrum jussi totam diem insequentem quiescere. Postremo omnino, intestina vino austero quo rorem marinum salviaque incoxeram, confirmavi, præcepique ut mane ac vespere cyatho adusti viri quale solent *Angli* parare per tres quatuorve dies uteretur, mane præsertim & sub coenam.

Omnia



*Eventus.*

Omnia vero ita foelicem exitum habuere, ut à tertio quartove clystere doloris acerbitas remiserit, atque coepetit æger quietem aliquam & somnum oculis sese insinuantem persentiscere. Cum vero formina repeterent, iniectiones iterare jubebam, nec minus levaminis à calidis fortibus capiebat. Ergo nondum exacto triduo, liberatis infarctu intestinis, & cibum retinere ventriculus, & alvus expulsionis officio fungi. Tum nobis sese dare oportunitas visa est, Melancholiz dominantis medicata potione vacuandæ. Et quoniam interest plurimum ab initio quis rectè curatus sit an perperam; si quid à Pharmaco relictum esset in intestinis, id omne repetitis ablutum iniectionibus abstersum est. Nihilque commissum, quominus & ventriculus, & intestina confirmarentur. Itaque intra diem nonum plane convaluit, summa uxoris avique & omnium necessariorum gratulatione, nec minore mea & lætitia & fama.

Ἀλλὰ Θεῶν μόνῳ πρὶν καὶ δόξα εἰς αἰῶνας.

Historia

HISTORIA 3<sup>a</sup>.

**S**ED quoniam in Colici doloris mentionem incidimus, non est nobis prætereundus *Sparkius*, Calcearius, homo minime malus in *Haverfordia* suburbanis habitans. Is diuturno ventris cruciatu laborabat. Pubem inprimis ac lumbos, infestiores habebat doloris acerbitas. Meiendi desiderium frequens, quamvis & paucam & crudam, & cum ingenti labore urinam emitteret. Noctes ac dies sæviens dolor nullum somni capiendi misero locum dabat. Nec *Sparkius* quo se tam diro cruciatu liberaret, quidquam intentatum omiserat. Ergo & medicatæ potiones, & linimenta, & clysteres nequicquam administrati, & quo plura adhibebantur præsidia, eo magis dolor acerbabatur.

Quicumque hominem noverant eum ex-  
istimabant arenulis & calculo laborare. *Ratiocinatio.*  
Mihi fortasse tum in *Tembrokiensi* agro versanti à pluribus præcipuæ nobilitatis, queis carus ob præbitatem erat, obnixè commendatus est. Quem cum vidissem, judicavi cruciatuum illorum, non in colo intestino, neque in vesica, ut multi rebantur, sed in peritonæo, membranisque abdomini obventis sedem esse; eorum materiam, flatum esse ac bilem. Et erat *Sparkius* biliosa complectione, ex ejusque incerta & incon-

Stanti vitæ ratione multam bilem in eas partes natura averterat.

Ergo & lenienda bilis acrimonia fuit, & bilis ipsa vacuanda, & inducenda melior ac firmior intestinorum, totiusque corporis dispositio.

*Indicatio.* Primum ac Secundum propinato lactis sero præstitimus; tertium effecimus optimum vivendi lege propositâ. Fumariam, Thymum, Gramenque atque Taraxacum sero lactis adjecimus; utque puro lactis sero antemeridiani potus vice uteretur, monuimus. Id quod fecit.

*Eventus.* Nec totos septem dies nostris consiliis paruerat cum penitus convaluit. Ac hunc annum agit à curatione sua decimum quartum omnis expertus ægritudinis. Cujus rei Deo qui vires Pharmacis indidit efficaces honos tribuatur.

*Historia*

HISTORIA 4<sup>a</sup>.

**N**EC indictam hoc loco finemus ob-  
stetricem. Ea primam se mihi cu-  
randam obtulit è *Francia* in *Meridunensem*  
agrum advenienti. Agebat annum circiter  
quingagesimum, vasso & pingui admo-  
dum corpore. Niger erat capilus, vultus  
candore ruboreque perbelle mixtus, acres  
& nigelli oculi, temperamentum humidum,  
mores sinceri & hilares. Cæterum ut non-  
nihil edax erat, quicquid collibuerat, avidè  
deglutiebat. Et cum sub autumnum cælo  
pluvio, ad nundinas quæ in suburbano  
agebantur, se contulisset, vehementi ad-  
modum lienteria correpta est. Non erat  
ullus intestinorum dolor; ac cibi uti injesti  
erant, crudi nec fere quidquam immutari  
per secessum emittebantur. Quo factum  
est ut defectis paucos intra dies viribus,  
vitæ periculum metueret. Nec vanus erat  
timor, si non in tempore subventum  
esset.

Eam Intestinorum laxitatem, non so-  
lum labefactata ventriculi coëtrice facul-  
tate, sed etiam resoluta intestinorum re-  
tentrice originem habuisse haud difficile  
conjectu fuit. Eam quoque imbecillita-  
tem ab edacitate, festinaque ingluvie il-  
latam, ac collectam in ventriculo intesti-  
ni,que pituitam, pluvia denique tempe-

*Ratiocina-  
tio.*



state commotam esse. Pituitam autem id mali peperisse, ex dejectionum colore certum erat. Ac eam pituitam neque acrem, neque erodentem esse idcirco judicabam, quod ægra sine ullo dolore dejiceret.

*Indicatio.* Quoniam igitur nullus affligebat dolor, fluxioni locum aliquandiu dandum esse censui; tum ventriculum excrementitiis liberandum humoribus; quibus ritè paractis sistendo fluxui adhibenda adstringentia; ab his denique roborantia ex usu fore.

*ἡσυχία* Quare purgationis instar is fluxus exstirpit, cui totam diem liberam sivimus, satis esse interea temporis æstimantes, si ægram parco potu, paucissimisque uti cibis, illisque calcidis juberemus. Postera die cataporia ex aloë præbuimus, quæ reliquias excrementitiz pituitæ, ventriculi tunicis inhærentes, sine violentia disturbarent. *Angelica, Aristolochia, & Elemi* radices certo pondere cum aloë conjunximus. Tertiam inde diem voluimus, ab ægra quieti dari, ad usque tempus vespertinum, cum balaustrorum ex austero vino decoctionem, injecimus, quod aliquoties repetitum est, postremo condituram ei sidoniorum cum cinnamomo sumendam ante pastum, apparavimus.

*Eventus.* Quod non statim ad defluxionem reprimendam animum adjecimus, commodum fuit. Magnum enim videbamus imminere febris periculum, ni sponte  
mota

mora alvo, ventriculoque perturbato, natura supervacaneis humoribus exone âsset. Cataportia vero mirifice profuerunt. Nam postera die digere, ægra cœpit, inflaurata nimirum ventriculi facultate. Et ab infectione fluxus omnino repressus est, recuperatisque viribus ægra bene se habuit. Ac Authori valetudinis Deo, uno, vero, sempiterno laus sempiterna.

---

## HISTORIA 5<sup>a</sup>.

VENIET etiam in numerum Matrona ab antiqua & nobili familia, nisi sordidis & incultis moribus, vitæque pravitate indignam se majorum claritudine præbuisse. Ejus maritus & ipse ad *Belgicam* familiam claram & illustrem, genus referens militiam *Anglicanam* aliquot annos secutus erat. Is igitur me ad auxilium ægræ conjugii ferendum interpellavit. Veni, vidi, curationem aggressus sum. Ventris autem acerbissimis doloribus diu noctuque distorquebatur, adeo ut ne momento quidem temporis quiesceret. Nihil desiciebat, singulis fere momentis, bilem flavam vomebat, lumbi quoque gravissimis doloribus afflictebantur. Aderat etiam febris ex doloris vehementia & moribus convulsivis agitabatur. Totque affecta confecta que malis vix ullam salutis spem

circumaffidentibus amicis relinquebat. Erat vero temperamento calido, firmæque constitutione, sed moribus improbis, iracunda, jurgatrix, clamorosa, loquax, contumax, viri contemptrix, contumeliosa hospitibus, rei que familiaris augendæ adeo cupida, ut fas nefasque, sacrum ac profanum juxta haberet. Atque ut iis evenit qui cauponam faciunt, vigiliarum, cibi, potusque nullus erat modus. Hyeme vero & nivali & perfrigida ægrotabat.

*Ratiocinatio.*

Bene omnino Romani veteres, quidquid magnam afferret humano generi utilitatem, id non sine divina erga homines fieri voluntate arbitrabantur. Itaque & Salutem inter alias virtutes consecratam esse voluerunt. Cujus quia vim tantam videbant esse, ut sine Deo, neque regi neque conservari posset, ipsa res Dei nomen apud illos obtinebat. Certè non satis est firmum ac vegetum, beneque constitutum, à natura corpus obtinuisse, nisi enim mens adsit & curis vacua, & cupiditatibus imperans, brevissime robur omne, firmitudoque temperamenti labefactabitur. Si scivisset, animo moderari hæc matrona, potuisset integram in multos annos valetudinem conservare. At immodicis corporis laboribus, mentis insuper anxietatem ac sollicitudinem adjungens, & cibum ac potum sine modo, sine lege, sine delectu sumens, magnam excrementitiorum humorum colluviem cumulavit, qui tandem



dem ingentes ventris dolores pepererunt. Nec erat in ventre ut videbatur, sed in uero doloris principium, sicut eventu non dubitatio comprobatum est. Certe uterus quemadmodum nobis procreandis efformandisque instrumentum idoneum, accommodumque domicilium ab opifice natura, mirifice fabricatum est: ita generatricibus nostris, multorum sæpe malorum periculorumque semina morborum existit. Cujus ea structura est, is situs, ut cum illabentes à superioribus partibus humores, excipiat; tum ab irrupente extrinsecus aëre seu frigido, seu calido, facillime lædatur. Nec minimum facit ad dolorem augendum, quod eximii sensus est particeps, ob eos nervos, quos è quinta lumborum conjugatione tum ad firmitudinem, tum ad eam motionem accepit, quæ illi & ad excludendum fœtum, propulsandaque supervacanea necessario tributa est, & ad noxia fugienda. Quæ cum ita esse intelligerem, dolores illos quibus hæc Matrôna discruciabatur, tum ex retentis menstruis excretionibus, tum ex frigore flatibusque ortos esse, haud falso judicabam. Retentionem verò deiciendorum, fieri compresso intestino. At vomitum excitari, non modo bilis acrimonia redundantiaque prægravato stimularoque ventriculo, sed etiam eodem revoluta, cum ab oppletis fœce intestinis, tum à vulva sursum se retrahente. Nec unius coloris bilis existens, variam indicabat originem.



nem. Quippe flava pallidaque præsertim ab hausto pharmaco, viridis verò sponte reiciebatur. Hæc igitur à ventriculo, illa & ab intestino quod Jejunum appellatur, & à jecinore redundabat, si *Galenus* dictis est fides. Lumborum dolor ex sympathia oriebatur; Convulsiones læsi humoris acerbitate nervi, adque suum se principium retrahentes, afferebant. Quæ mala cò magis in dies ingravescabant, quod ægra omnis impatiens præsidii, nec vino nec lacte, nec noxiis cibis abstinebat, vixque poterat cubiculo retineri. Itaque prope fuit, ut inter summos dolores, agitationesque convulsivas animum affligeret.

*Indicatio.* In administranda Medicina due inprimis spectanda sunt, adfectus præter naturam, & ægri constitutio. Tollendus effectus, æger servandus, adfectus autem nomine & morbum & ejus causam & inde producta symptomata, hic intelligi volumus. Quoniam vero qua de ægra nunc agimus, firmis erat viribus, ætate florenti validoque corpore; summis utendum censuimus præsiidiis, iisque multiplicibus, ad extremum, multiplicemque morbum expugnandum. Dolori tamen symptomatum infestissimo quam primum reprimendo mentem obvertimus. Tum intestinis ventriculoque acri contumacique materia repurgandis, datum est pharmacum, non omissa interim uteri cura. Postremo uterus ipse, infestanti humore liberatus, totum-

totumque corpus, ad pristinam est constitutionem revocatum. In quibus omnibus peragendis placitum illud Hippocratis, diligenter nobis observandum proposuimus,

α δ' εἰ ἀγὼν ὅκε ἀν μάλιστα ῥέπη  
τούτῃ ἀγὼν διὰ τῶν συμφερόντων  
χρεῖων.

Et quamquam dolor acerbissimus agram urgebat, tamen narcoticis quæ esse periculosissima intelligebam abstinens, Enematis usus sum & unctionibus anodynis. Interest enim ad perfectam sanitatem ex tanta medicamentorum varietate, quæ natura providens suppeditat, optima telegisse. Fuere autem Enemata ex Cathartivis & mollientibus addito Lenitivo Electuario. Fomenta vero sive unctiones ex oleis Chamæmelino, & Hypericon. &c. Tum, propterea quod molestissimus erat, ac frequentissimus vomitus, naturam adjuvimus, datis Emetici pulveris granis admodum lex, cum vini albi cyatho. Sed Enemata tres dies continuata; subque vespere diei tertiæ iniecit Metrenchyta, die vero postera pulvis Emeticus præbitus est. At reliquis deinceps dedimus operam, ut singulis ferme horis Obstetrix, Metrenchyta ministraret ex vino rubro, sampiucho, rare marino, angelicæ radicibus, &c. ad institutam curationem accommodis herbis radicibusque composita. Nec certis intervallis emollientes detergentesque clysteres,

διὰ τῶν  
παιδῶν.

omissi. Atque apertis hunc in modum viis blandum catharticum ex radice barbara comparatum & agarico, propinatum est. Opiata deinde, ut vocant, medicamenta ad ventriculum roborandum dedimus certamque præscripsimus vivendi legem, quam Marrona jam convalescens paucis diebus servavit.

*Eventus.*

Antequam Emetico pulvere uteremur multa pituitam ægra per superiores partes reiciebat; nihil omnino per interiores. Ergo superioribus multa bile, multoque phlegmate repurgatis, velut ex quadam consecutione inferiores quoque infarctu liberari necesse fuit. Idque ita ut volebamus evenit. Nam haud ita multo post cum Enematis excrementa prodire, dolores remittere, desit vomitio. At singultus & spasmus & animi deliquium sub ejus diei horam admodum secundam superveniens, quo die Emeticum hauserat, omnes circumaffidentes, tenuit aliquandiu perturbatos. Et pro deplorata ægra relicta est ab omnibus. Ego solus restiti erecto, beneque sperante animo quamquam scirem illud à Seniore pronuntiatum,

*Aphorif.  
Sect. 7. 3.*

ἐπὶ ἐμέτῳ λυγρῇ ἢ ὀφθαλμοὶ ἐρυ-  
θρῶσι κακόν. Et illud aliud

*Aphorif.  
Sect. 5.*

ὑπερκατάρσις σπασμῶς ἢ λυγρῶς  
ἐπιγινώσκου κακόν. videbarque  
fecisse contra decretum illud:

φαρμακ-



φαρμακόν μὲν διέθετο μάλλον τὰς  
αἰῶν· χημῶν δὲ τὰς κέτω. Αὐ-  
enimvero τὸ τὸ φύττω δερμιν,

Aphorif.  
4 Sect. 4.

secutus eram : deinde videbam mihi  
naturam imitari, & quo ducebar se-  
quenti viam per superiora factam esse, le-  
cus dum illud Magni præcep- o is placitum,

ἢν μὲν αἰῶν βέλνται ἔνθα  
πυλὴν, σῆται τὴν κοιλίην,

Aphorif.  
7. Sect. 7.

nimirum superioribus duabus sponte flux-  
ibus effectis quo tempore natura aivum  
continuiat. Ego imperturbatus ejus  
convulsionis causam agnovi quæ partim à  
vaporibus turbidis cum fluxu ad novos  
sublatis, partim ab ipsorum nervorum hu-  
miditate super vacante, mihi visa est ori-  
ginem habuisse, huicq; proptere medendum  
putavi ac ratione primum ut odorem nari-  
bus admoverem, sternutationis provocandæ

causa ὑπὸ τοῦ λυσμῆ ἐχρησάμην πρὸς  
μοὶ ἐπιγένομενοι λυσι τὸ λυσμὸν.

Aphorif.  
13. Sect. 6.

Tum ut colli vertebrae & basin cerebri per-  
foricarem ungeremque oleis ad eam rem  
comparatis, deinde pharmacum ex vino,  
cinnamomo, succo limonum & roxoniae  
radice dilutum ac temperatum præbe-  
rem; interjectoque paucio tempore ali-  
mentum solito auctius administrarem,  
ceterique festam malique fatigatam, silen-  
tium, quietem, somnoque relinquerem. At-



que illud quidem meum consilium, eum quem mihi proponebam, successum habuit. Nam somnò recreata, sensim vires recipere, surgere, nutrirī, omniaque convalescentis obire munia. Quare intra alteram septimanam in publicum ea prodiit. Cui illud quoque ad cūmulum fœlicitatis accessit, ut cum jam inde à septennio parere desisset, fœcundata, prospero partu fœminam enixa sit. Exinde multo quàm antea firmior ac valentior vixit nec ullo quod sciam morbo appetita est. Dignā tamen quæ immortalī ob immemorem animum infamia inuratur. Sed nos ejus perfectæ curationis Authorem deum veneramur, ac demisse precamur nostris ut non desit conatibus.

*Historia*

HISTORIA 6<sup>a</sup>.

**H**Aud ita multum abſimili adfectu per-  
 callam in eodem oppido, diverſitoris  
 uxorem noſtra quoque perſanari opera vo-  
 luit Deus. Querebatur de dolore rotum ab-  
 domen, maximè qua umbilicus eſt, deinde  
 renes occupante. Cujus ea ſeritas eſt, ut  
 nullam d' ei noctiſve parrem, torminis im-  
 munem effluere ſineret. Febris tamen haud  
 erat ulla, quamquam interdum calido ſu-  
 dore agra diſſueret, diſſicilime ſpirans.  
 quidquid præbitum eſſet, vix ingeſtum ſto-  
 macho, ſtatim vomebatur. Mejebat uri-  
 nas tenues & paucas, per alvum vero nihil  
 prodibat. Ac in dolores ſupra menſem in-  
 tegrum inſectam habuere. Ejus mulieris  
 temperamentum humide calidum judicavi-  
 mus, adeo tamen ut calor humori præſta-  
 rer, bilis vero, in ſanguinem, dominum ob-  
 tineret. Vitam vero liberam agebat &  
 intemperantem, hilarem tamen, nec ita  
 multum obnoxiam iracundiæ. Vini hiſ-  
 panico, aduſta cerviſia, calidiſque poculationi-  
 bus inter ſodales, ſæpiuſculè convivans  
 indulgebat.

Jamque aliquandiu agrotaverat cum ad *Ratiost.*  
 ei ſuccurrendum vocatus, veni. Ac mihi *natio,*  
 quidem de morbi ſymptomatis ſciſcitanti,  
 coli dolor eſſe, primum videbatur, ſed cum  
 adhibitis medicamentis non modo non  
 cederet,

cederet, sed ingravesceret magis, propius omnia confiderans, deinde suspicabur lato Lumbrico intestina depalci, quæ ne falsa suspicio videretur, faciebant aliqua signa, quibus *Spigelius* ait *Teniam* cognosci posse. Re quidem verâ longos ac rotundos vermes mulier ostenderat, medicata potione extrusos, quam in eum finem propinari iusseram. Tandem ut omnia perlustravi consideratius, permultis implexam malis affectionem reperi. Tumque subiit animum recordatio eorum quæ de intestinorum usu ac positione, devinctioneque ex Anatomice didicimus. Cujus scientiæ si quis expertus ad Medicinam faciendam accesserit perinde fecerit ac ille qui rempublicam ex carta gubernare instruerit. Non enim intestinum illud crassum quod à *Graecis* γαστήρ appellatur ita solum affectum erat, quin renes etiam quæis connexum est, in doloris consensum traheret; & in epiploon & in mesenterium, & in ipsum quoque peritonæum integumentum, utpote conjunctas multiplici colligatione partes, humoris morbum generantis contagium serperet. Dolor toto diffusus abdomine & à renibus ad inguina pertinens, meæ sententiæ fidem faciebat. Ex dolore sequebatur frequens parva, difficilis spiratio, & sudor & annelitus & suspiria. At vero cum omnis

*Coram* est, dolor, ut *Galenus* Author est, vel à tensione, vel ab intemperie partium oritur, haud difficili conjectura deductus sum ad humoris dominantis investigacionem. Nam et hæc

*Coram* est,  
in lit. E.  
*Epidem.*  
cap. 10.

hac quidem muliere, non simplicem intemperiem, tot afferre mala ex antecedentis vitæ licentia judicabam: adducebarque ut crederem, ex bilis redundancia non ob-  
 st ui solum sed etiam distendi partes, & ingenti calore affici, unde tanta tamque diuturna, doloris inferretur acerbitas. Agrotantis ætas, temperaturæ, morisque magnam ad meam conjecturam momentum afferebant.

Quæ cum considerassem, unam mihi *Indicatio.*  
 deinceps morbum generantis humoris vacuationem proposui. Videbam enim humore vacuato, tensas partes in artu liberatum iri; partibus deinde ad situm restitutis humoreque noxio liberatis nativam redditam iri temperiem. Ac ne vacuationem illam quidem, uno omnem tempore medicamentove confectum faciendam duxi, sed certis intervallis, habita ratione & loci & tempestatis & consuetudinis, per omnia præcipienti Hippocrati obsecutus. Ego primum mihi curationis incœptum à ventriculo fuit. Nihil enim intro sumi posse animadvertēbam, quamdiu excrementis bile ventriculus inundaretur. Tum ad dolores intestinorum ac renum mitigandos gradu facto, toti denique corpori pristinam restituere temperaturam molitus sum. Id quod te est sumis in hunc modum, paulatim paulatim est.

Temperandæ & ad vomitionem præparanda bili scilicet Oxymel, citreo maximum Symplo exhiberi semel atque iterum præcipi.

πρὸς πέντε



præcepimus. Deinde porreximus infusionis croci metallorum  $\text{℥} \text{ i}$  tantundem oxymelitis simplicis, in quo incosta erat Radicis asari  $\text{℥} \text{ i} \beta$ . scrup. violacei itidem  $\text{℥} \text{ i}$  & scriptulum salis prunellæ. Sequenti die Althææ, parietariæ, betæ, violatum, Lauri, absynthii decoctione in sero lactis facta, tum Electario lenitivo, melleque violacea ad semuncia pondus in ea dissolutis eluimus intestina. Ab his apozema præscriptissimus Radicibus aperientibus, baccis Juniperi, floribus genistæ & syrupo althææ constans. Inungi quoque totum abdomen malagmate ex oleo violaceo, myrtil. Laur. & unguenti althæ. partibus æqualibus. Exinde cum radicis barbaræ & agarici dissolutionem syrupo dulcescentiam Rosaceo dedissemus, agram postremo in balneis aquæ tepidæ collocavimus iterum ac tertio, usi antea Metrenchytis, ut nulla corporis regio remaneret, excrementitiis humoribus inquinata.

*Eventus.* Ex quibus consecutum est ut agra non modo formidandis intestinorum doloribus liberaretur, sed pristinam quoque & optatam valetudinem recuperaret : & paulò post, conjugis amplexus appetens, impregnaretur, cum jam inde à multis annis concipere desisset. Atque utinam recuperatæ sanitatis gloriam Deo, nobis autem aliquam grati animi significationem dedisset.

HISTORIA 7<sup>a</sup>.

**E**Jusdem mulieris conjux paulò ante ipsam ægrotaverat; ei dolor omnes artus afflixerat, non secus ac si sustibus ictus esset. Febris etiam incendebat ardore suo viscera. Inde sitis & suspiriosus anhelitus. Erat homo sicca, calidæque temperaturæ, & in quo bilem supra reliquos humores obtinere principatum facile quis agnosceret. Longi labore itineris, equitationeque fatigatus domum redierat. Nec, ut diversariorum mores sunt, nocturnis comotationibus, diurnisque discursationibus moderabatur.

Ex omnibus opinionibus ac sententiis in *Ratiocinatio.*  
 quas Medicorum schola divisa est, ea mihi *natio.*  
*Galen* principis judicium, jam hinc à primo: dio studiorum meorum veneranti, verisimillima, præstantissima, cæterisque præferenda videretur esse, quam ij tenent, quos ab ipsa nomen accepisse ratione consentaneum fuit. Nimirum hominem una maxime ratione, reliquis animantibus excellere, nec incassum illi celeres ac plane mirabiles animi motiones agitationeque tributas esse judicantes, eas ipsas magna solertia adhibent, ac augustum illud sanctumque, ac divinitatis particeps animal à morbis vindicandum, & quantum ipsius mortalitas patitur longissimo tempore in hac,

hac, in qua deus illam posuit, statione conservandum. Alii magnam ad morbos profligandos experientiam usumque diuturnum adferendum putantes, observationes quoque & historias sedulo memoriæ mandant. Bene illi quidem. At non animadverterunt, & experientiam sæpenumero fallacem esse, & observationes sine rationatione nequicquam fieri: & in historiis, cum ut plurimum desideretur veritas; eas ad eventus morborum prævidendos prædicendosque minimum habere momenti. Sunt qui solam damnantes experientiam, communia præcepta comminiscuntur, evidentiumque causarum cognitionem aliquid ad rem facere non inficiuntur. Sub duobus illi generibus, omnes morbos constituent, adstricto & laxo; inde sumentes indicationem. Nec vident & insulsam hanc, mutilamque distributionem esse; indeque nec certas nec satis perspicuas indicationes peti: & causarum evidentium nullam esse vim ad morbos pariendos, si non cum efficientibus conjunctisque simul agant. Longe doctius ac sapientius rationales, qui cum omnia quæ apud Empyricos, Methodicosque utilissima, certissimaque reperiuntur adhibuerunt, tum his & naturæ scientiam addendam putant, & temperamentorum differentias & totius corporis cognitionem, & signorum symptomatumque diligentem investigationem. Si quis igitur Empyricus ad hunc agrum accessit esset: statim dixisset, apud se præ-



præstantissimum esse remedium, usu multo  
 & experientia frequenti comprobatum. Si  
 Methodicus; Morbi genus esse adstrictum,  
 inconsultò pronuntiasset, proinde necessa-  
 riam esse laxationem. Ego Rationalis, Hip-  
 pocratisque & Galeni, Scholæ nostræ prin-  
 cipum præceptis institutus, ut ad ægrotan-  
 tem accessi, naturam atque temperamen-  
 tum ejus attentè contemplatus, sagaci  
 deinde animo anteaactam vitam, moreque  
 pervestigans, jacentisque faciem ac totum  
 corpus oculis dimensus: sciscitatus quoque  
 de excretis & retentis, de somno de vi-  
 gilia, deque reliquis morbi adjunctis, pri-  
 mum omnium symptomatum dolorem re-  
 peri. Ex dolore animadverti, fieri muta-  
 tionem in decumbentis natura, unde ne-  
 cesse esset magnam ab eo molestiam per-  
 sentisci. Ac rem paullo altius reprensens,  
 intellexi ex immoderatis laboribus ortam  
 esse lassitudinem ejus generis quam *ξηρόδν*  
*Galenus* appellavit, ex qua denique dolor  
 ille totius corporis ac in primis nervacea-  
 rum partium, duxisset originem. Ac di-  
 vinitus quidem *Hippocrates*, id lassitudi-  
 nis genus his verbis representavit: *Lib. 2. de*  
*Diat.*  
 ὁκόνταν ὃ λείων τῷ καρῷ πόνῳ ἢ,  
 ὑπὲρ ξηρόδιν ἢ σίρκα, κενωθῆσαι ὃ  
 τῷ ἰγρῷ θερμαίνεῖ, καὶ ἀλγεί·  
 hincque sequitur febris lenta & diuturna;  
 καὶ φείσας καὶ ἐς πυρετὸν καδίσαῖ  
 μακρό-



μακρότερον ἢν μή τις ἐκδεραπιδῶν  
ὀρθῶς. Paucis suo more sapiens senex  
quidquid eo de symptomatum genere dici  
divinarive potuit complectitur.

Quæ cum constituta essent, jam mihi  
difficile non fuit totius curationis modum  
definire. Quæ in eo versari videbatur, ut  
partim humectando, partim moderatè fri-  
gerando natura, ex mutatione in qua erat,  
ad nativam temperaturam reduceretur. At  
qui tandem id obtineri potuit? Frictio-  
nibus & balneis & diæta. Docet id  
mirum in modum ut cætera senior:

καὶ τὸ πρῶτον μὲν αὐτῷ τῷ λουτρῷ μὴ  
Cροδερὶ πολλῷ μὴ δὲ θερμῷ ἀλλὰ

λέειν, &c. id est, oportet autem primum  
quidem, ipsum balneo non valde multo, neque  
nimis calido lavari, &c. Balneo enim quidem  
tanta est utilitas, nihil ut magis conducatur  
ad nativum carni musculisque tempera-  
mentum restituendum. Si quidem, inquit  
Galenus, nihil invenias quod valido æstu  
occupatos præsentius refrigerare, aut ri-  
gentes promptius calefacere queat, quam  
balneum. Cum enim natura humidum sit  
& moderatè calidum, humiditate quidem  
natam ex calore siccitatem irrigat, calidi-  
tate autem, ortam ex gelu frigiditatem per-  
sanat.

Lib. I. de  
usu par-  
tium.

θεράπεια

Quare cholagogâ porione datâ, humori-  
bus exoneratum est corpus, & ad balnea  
com.

comparatum. Impuris enim corporibus adire balnea perniciosum est. Communita deinde viscera, ne quid ex balneis detrimenti caperent, denique sub horam tertiam pomeridianam jussus æger adire balnea tepida, ex malacticis & anodynis simplicibus confecta. A balneis paulum sudare sinebatur ac deterfus ungebatur rosaceo; & cum aliquantum temporis intercessisset alebatur eucymis & digestu facilibus.

Ea præsidia tanti fuere, ut cum iterum ac *Eventus* tertio balnea repetivisset, omnino desinere dolor, febris vanescere, redire nativa temperies, ac æger per sanari. Bene ac feliciter; si non immemor redditæ sanitatis extitisset. At ego benedicam dominum omni tempore ac ejus laus semper in ore meo versabitur.

*Historia*

HISTORIA. 8<sup>a</sup>.

**A**dolescens decem ac septem circiter annorum, habitus macilenti, biliosae complexionis & cui prominebant alarum instar humeri, cum & lusu & æstu se fatigasset, in febrem incidit. Ei quoque latus dolebat, & ægrè meabat spiritus, & sanguis exspuebatur, & defecto viribus, in angusto spes erat. Nec qui periclitanti opem afferret idoneus & in arte Medica satis versatus, in ea regione reperiebatur. Ad me cum fors per oppidum iter facerem, venit persulsa lacrymis illius genitrix, obnixè postulans ut moribundo filio pro mea in calamitosos commiseratione opitularer. Ego supplicantis ejulatu permotus aliquot dies substiti. Quippe nihil temere agendum ratus; morbi genus ac typum moreque diligenter observare volui, quo certiorum agrotanti facerem medicinam. Ac eo major adhibenda fuit diligentia, quod morbus principio salutaris, ad extremum ob errores ab ægro commissos, nullo Medico consilium dante, perniciosus evasisse videbatur.

*Ratioc.  
matto*

Habet Medica facultas, perinde ut reliquæ artes, ocores suos, habet quoque laudatores. Nam sunt qui cum multos mortalium, videant ope Medica non solum à contumacibus desperatisque morbos, sed  
ab

ab interim etiam ipso sæpenumero vindi-  
cari, quiddam supra humanum modum  
effici à Medicis æstimantes, ipsorum artem  
ut cœlitus advenientem, divinumque ali-  
quid habentem, laudibus in immensum  
extollunt. Rursus alii evadere quampluri-  
mos sine Medicis, sanitatique, solius na-  
turæ auxilio restitui animadvertentes, ut  
vanam & superfluum rejiciunt. Sed qui  
perversioris ac nequioris ingenii sunt, in  
eam acriter invehuntur; ac ejus profes-  
siones mendacii, crudelitatisque & capitalis  
in genus humanum odii damnant. Atque  
Catonem terricæ virum indolis, insectan-  
dorum Medicorum principem fuisse repe-  
rio; quem aliquot post sæcula secutus  
historiæ Naturalis autor *Plinius*, non tam  
artem ipsam vituperavit, quàm varios pro-  
ficientium errores coarguit, sectasque in-  
vicem pugnantium perstrinxit. Sed illa  
nimis antiqua, tametsi nostrum usque in  
ævum, continuato vituperio transmissa,  
iniquo. Nec enim tanti sunt, quin multo  
majora in Medicinæ, Medentiumque lau-  
dem conferri queant. Nam qui laudant,  
longe effusius & impensius faciunt, quàm  
qui vituperant. Nec falso. Etenim in ipsa  
arte nihil est quod magnopere vituperari  
possit; ut sint pravi, vanique & turpes,  
multorum è proficientibus mores. Et artis  
eandem necessitatem & *Cato* & post eum  
*Plinius* probavere, cum dicerent, sine Me-  
dicis quidem, plurimos esse salvatos, sine  
Medicina prorsus neminem. Imo etiam  
ille

*Plin. hist.  
natur. lib.  
29. cap. i.*



ille Censorius, Commentarium reliquit de  
 Medicina ad usum domesticum necessaria.  
 Equidem nihil vanè dicam, neque de illa  
 facultate quam jam inde à multis annis  
 profiteor, quidquam jactanter memorabo,  
 ne fidem ejus verissimæ laudi detraxisse  
 videar. Neque enim locus est, ut in præ-  
 sentia vel pro laudatoribus, vel contra  
 viruperatores disputem. Tantum dicam  
 visos à me permultos, ope Medicinæ desti-  
 tutos periisse, permultos quoque, ejus  
 adminiculo convaluisse. Quorum unus is  
 fuit, cujus hic ego scribo historiam. Nam  
 ita iniqui infensique in Medicos animi  
 arbitror esse neminem, qui non videat,  
 quemadmodum suo in morbum errore  
 inductus erat, de quo nunc agitur adoles-  
 cens, ita partim pharmacis, partim chir-  
 urgia, partim diætæ præceptis servari po-  
 tuisse. Certe febrim ab intempestivis ex-  
 ercitationibus, & lateris dolores oriri  
 minime novum est; præsertim quibus  
 constitutio, flavæ bilis est admodum par-  
 ticeps. Est enim ea maximè inflammabilis,  
 sulphureæ naturæ quiddam habens. Addo  
 ætatem quo tempore ἢ πολλὴ αἰεὶς  
 ἐν τῇ σωματί. addo siccitatem habi-  
 tus macilentum. Addo prominentiam hu-  
 merorum. Addo patrem ægrotantis tabe  
 consumptum, quæ omnia indicabant, eum  
 adolescentulum, pulmonum affectionibus  
 & hæmoptosi, & feбри hecticæ & tabe  
 denique obnoxium exiisse. Atque ego

Hipp. ib.  
 de natur.  
 hum.

cum

cum propius intuerer; duplici teneri eum morbo judicabam, pulmonia, & phlegmone pulmonica. Nam cætera erant eorum signa atque symptomata; tussis nimirum & cruenta scretio, lateris etiam dolor & febris. De quibus fufe disputat in libro de internis affectibus Hippocrates. Certe eos morbos per esse curatu difficiles constat.

Sed unde tot undique urgentibus malis, Indicatio. fumendum curationis exordium? An à morbi causa? an vero ab adjunctorum aliquo? Ad causam acturum ut aggrederer, cum placitum illud Philosophorum suadebat, quo aiunt, sublata causa effectum quoque tolli; tum oraculum istud Hippocraticum, Lib. de locis in homine. τὰ νοσήματα καὶ ἀπ' ἀρχῆς ἰατρῆς ὅσα μὲν ἀπὸ τῶν ῥόων γίνονται, τὰς ῥόους πρῶτον πρῶτον, &c. id est, Morbos à principio curare oportet, & si quidem à fluxionibus sunt primum fluxiones sedare, si vero ab alia causa, principium morbi sedare & curare, deinde id quod influit, si quidem multum fuerit, educere, sin modicum, per dietam moderari ac componere. Sed alia me permovebant. Videbam enim tussim acerrimam esse; febrim ingravescentem, artus urere & coacervato in pulmonibus sanguine bile commixto prope esse ut æger suffocaretur. His igitur occurrendum fuit. At quibus auxiliis? certe validissimis ac presentissimis, secundum illud divini Hippocratis effatum.

*Aph. l. 1.* ἐς τὰ ἔχαρα νεκρήματα αἱ ἔχα-  
 6. τοι διεκπεῖται ἐς ἀκρεβινὴν κρε-  
 πτω.

*Διεκπεῖται* Primum igitur omnium, quod alvum  
 non admodum fluere videbamus, sangui-  
 nem detraimus. Nam & sancivit Ma-  
 gister tum solidam alvum efficere, cum  
 sanguis est minuendus; ἢν δ' αἷμα πνὶ

*Lib. de  
 victus ra-  
 tione in  
 morbis  
 acutis.*

*Lib. 2.  
 cap. 6.*

ξυμφέρει ἀφερίν, σερπέν πρὸτερον  
 ποίεον τ' κοιλίην, καὶ ἔπος ἀφερίν.

Et Doctissimus Fernelius in Medendi Me-  
 thodo sic elegantissimè scriptum reliquit.  
 Morbos quos vel sanguinis ubertas, vel eruptio  
 progeniit, presentes quidem sanat vena sectio,  
 impendentes arceat. Ejus generis maximè sunt  
 synochus febris, &c. Et paulo post. In  
 partium autem affectibus numerantur phre-  
 nitis, ophthalmia, parotis, angina, pleuritis,  
 peripneumonia, &c. horum igitur initio, vena  
 opposito loco rufa, fluxionis impetum sistit;  
 revulsionisque vi, nonnihil ex affecta parte re-  
 vocat. Ea igitur proprium ac legitimam his  
 remedium est qui ex boni sanguinis plenitudine  
 ortus sui primordia acceperunt. Qui vero ex  
 impura plenitudine emerferant, quia pluri-  
 mum his cognati sunt, vena quoque secta cu-  
 rari desiderant. Hæc igitur Fernelius. Certè  
 sanguinis imminutione, plurimum de  
 feбри remissum est, & spura bene pro-  
 cessere, quæ eo medicamenti genere  
 quod βηχικὸν appellatur, juvata sint.

Pisana



Prisana quoque pro potu fuit. Deinde ad inhibendam humoris irrumpentis fluxionem vetus rosarum conditura data. Ad extremum vulpinus pulmo ad lincturam paratus, mirum in modum iuvit. Cum vero succedere omnia vide em, pleniore victu refocillari ægrum iussi, ac tum demum reliquias morbi medicata potione Thamarindis atque Manna repurgari.

Igitur intra dies aliquot præter omnium expectationem salvus ac incolumis evasit. Ego tamen ipsius matrem jure lætantem admonui filio præciperet, ut diligenter se custodiret, neve immodico lusu cursuve tenellum corpus calefaciens fatigaret. Nam esse recidivæ periculum, quæ dubio præcul interitum afferret. *Deo, uno, vero, Bono, sempiterno gloria.*



HISTORIA 9<sup>a</sup>.

**P**OST id tēpus me rogavit Matrona Nobilis, ipſius ut villicum lecto affixum viſere ne dedignarer. Hominē reperi ſanguinis grumos ore rejeſtantem, & latus dolentem & febri & tuſſi perdere vexatum. Inquirens de anteaſta vita, dedici laboris ſummi & ruſticae plenam ſollicitudinis. Non cibum non ſomnum capiebat; & ad corporis dolores accedebat, ut ſit, animi ægritudo, quod ſe videret tantam ſanguinis vim revomere, ut facile pondo librarum duarum excederet, intra diei unius ſpatium. Ego ſolatus ægrum, quid opus eſſet factō, tacitus aliquamdiu conſideravi, hominis extenuari deſperateque decumbentis ſalvandi cauſa.

*Ratiocinatio.*

Sanguinis qui ore vomeretur ſcaturiginem mecum reputans, aut è cerebro deſluere, aut è pulmonibus eiſci, aut è cavo pectore extuſſiri iudicabam. Unde, cumque autem proveniret, non poſſe niſi ex aperto aliquo vaſe effundi. Jam vero vaſorum apertionem quadrupliciter contingere, nimirum vel diductis per ἀνατομῶν oculis, vel rarefactione, vel ruptione, id quod Græci πρήξιν, vel erotione quæ διαβρωσις iſdem appellatur.

At

At sanguinem è cereb o neque nigrum, neque sine faucium titillatione decidere; nec è pulmone nisi ferme rubicundum & spumantem ejectioni: & è pectore nigrum & interdum spuma commixtum expelli, artis Medicæ præcepta docent. Deinde ex rarefactione & anastomosi vasorum, guttatim & tenuem stilare; ex erosione autem purulentum, subalbidum aut decolorem, velut ulcerum virus prodire. Ex quibus videbam necessario consequi, cum è disrupta vena in thoracem ferri, tum è thorace per asperam arteriam excuri. In qua me sententia lateris, imò totius pectoris dolor confirmabat.

Erat autem hic duplex in universum indicatio, alia curatoria, alia conservatoria. Nam & curandus morbus, & conservandæ vires, multo jam labore pene fractæ. Atque in curando quidem & sanguis è pulmone revellendus, & expurgandus thorax & agglutinanda vena. Necessaria igitur fuit venæ alicujus, visui tactuive expositæ apertio; idque in cubito primum deinde in malleolo, (si vires ferre potuissent) tum aliquid introsumendum abstergendo pectori, acrimoniæque sanguinis temperandæ accommodarum: denique sive buccella sive electarium aliquod obstergendis adstringendisque venis idoneum deglutiendum: postremo reliquum humoris purgante pharmaco propellendum. Ad prophylacticam pertinebat

*Indicatio.*

diata instaurans & aër temperatus & id genus alia.

*ἡράπεια* Sed enim Rusticus Medicinæ impatiens nihil eorum observare vel potuit vel voluit. Ac ne venæ quidem Sectionem quam principio præceperamus sustinuit. Igitur ei aquam hordeatam, Jujubinis & sebestinis fructibus liqueritiæque radice ac melle medicatam in aliquot dies ut sumeret pro potu, avenato autem pro cibo uteretur vix tandem persuasimus.

*Eventus.* Evasis tamen & etiam nunc vivit. Nam id medicamento lenivit sua dulcedine fluentis acritudinem sanguinis: absterfit in idem & persanavit ulcus. *ἡ σω-  
τηρία καὶ ἡ δόξα Κρείων τῷ Θεῷ  
ὑμῶν.*

*Historia*

## HISTORIA IO.

**I**terum mihi obstetrix dicenda venit. Ea sub elaben em æstatem, statim à prandio, repentino frigore & rigore cohorruit. Inde febris sine intermissione, & perpetuo quasi tenore perseverans. Frequentia deliquia & sinit & ardor ingens, & interdum sudor. Alvus libera & urinæ toto morbi decursu & copiosæ & ferme quales optari posse viderentur. Cæterum quod erat animi impatiens ægra, sæpe omnia turbabat adeo ut in summum quoque discrimen deduceretur; delirans interdum & effera & opem afferentibus pervicaciter obustans.

Tria morborum principia non Hippocrates tantum & Polybus Hippocratis discipulus, sed antiquissimi quoque philosophorum constituerunt. Nam cum nullum morbum sine causis vel externis vel internis produci posse, communis sit omnium & Medicorum & Philosophorum sententia: Causas quidem externas aut ab Elementis quæ Hippocrates cœli solique nomine comprehendit aliisque rebus quas necessarias à nova Academia appellatas esse video, aut ab aliqua violentia; internas autem ab humorum redundantia

*Ratioc.  
natio.*

*Hipp. lib.  
4. de mor.*



repetere necesse fuerit. Atque sic tria poni principia: Cœlum, Violentiam, & plenitudinem, quibus febres ut plurimum pariuntur. Calefaciunt enim. In primis plenitudo & violentia. Et febris calor est præter naturam. Sanguis autem & bilis & pituita, sed præsertim illa duo, materiam & nutrimentum feberi præbent. Nam pituita solâ non videtur ali, quippe cum frigida non sit idoneum ignis alimentum. Incalescunt autem humores illi, cum cibo potuque intemperanter ingestis, tum laboribus immodicis, aut aliqua vi extrinsecus illata corpori. Inde quoque rigor sæpenumero consequitur perturbatis nimirum, invicemque pugnantibus humoribus. A rigore tandem interdum febris exoritur vehementer incalescentibus eo conflictu sanguini permixtis utraque bile & pituita. Id quod præclare admodum in libro de natura humana docet Hippocrates. Cujus verba alio fortasse loco referam. Ex illis verò tribus principiis utrum in obstetricis corpus majore impetu egerit haud difficile judicatu est. Tum quidem æstus erat immodicus & illa plurimum fatigabatur: at obesi existens corporis nisi & sanguine & bile & aliis oppleta esset humoribus, haud ita facile quidem in morbum incurtisset eum, quem illi attulit fermè athletica plenitudo. At cuius generis morbus is fuit? Intemperiei. Non illius quidem simplicis, sed alterius quæ cum materia conjuncta est. Nimirum febris

febris, quam symptomata *synochum* esse putridam ostendebant. Neque enim intermittebat, neque sudoribus manantibus in apyriam solvebatur; sed in aliquot dies eâdem ferme vi persistebat. Nec enim difficili negotio sanguini commistis humoribus communicari corruptio potuit. Neque video quid prohibeat quo minus exorta quâcumque ex causâ unius speciei febris in aliam possit speciem commutari. Nam inflammatus sanguis qui *synochum* constituit simplicem, si diu ea perseveret inflammatio & corrumpetur ipse, & sibi commistos humores sine dubio afficiet. Indeque secunda speciei *synochus* exorietur; quæ denique continuam, si perseveret, singularis alicuius differentia faciet. Nec vero quod agra primum inhorruerit, id prohibuit quominus febrî corripereetur continua. Nam id genus quoque febris à frigore sæpenumero vel horrore rigoreve habet initium. Jam vero quod frequenter animo linqueretur, id cum ad sanguinem confertim ad cor irrumpentem tum ad surcigines referendum videbatur, quæ ex densio illo & pingui multique humoribus obfario corpore exhalare libere non poterant. Ceterum urinae laudabiles bonam spem afferebant, exitum morbi salutaremponentes.

*Ex continua simplici quam & synochum putridam vocat Fernelius, in continuam conclusam commutata est, quam idem ait, sanguinem ex equabili humore in venis majoribus constantem habere pro materia.*

*Indicatio.* Igitur prima mihi summaque fuit intentio corporis plenitudine infarctuque liberandi, quo levata onere natura reliquos humores & excoqueret, & secerneret facilius, atque foras extruderet. Inde quoque futurum prævidebam, ut evacuatis pravis humoribus, calor ille febrilis ex eorum impuritate redundantiaque accensus sponte subsideret, & sitis & alia symptomata desinerent. Et quanquam morbi sedes in venis esset majoribus, quæ inter alas exporriguntur & inguina; tamen anteaactæ vitæ rationem qua ægra usa erat, consideranti non videbatur, prima regio impuritatis expers esse; quam statim ab initio expurgandam judicavi, Hippocratis doctrinam, Fernëlii sententiâ confirmatam observans. Sic enim hic capite quinto curandarum febrium ait. *Non solum in valde acutis morbis quorum natura turget, Hippocratis more (cui vehementiora duntaxat medicamenta innotuerant), verum etiam in quovis modo acutis utiliter statim initio vacuandum.* Hæc ille. Morbum autem ex acutorum exitisse genere, satis ex repentinæ invasionis vehementia perspectum erat. Quare quoniam ei morbo, materiam suppeditabat plenitudo, sive sanguis ex humorum æquabili commixtura constans, venis comprehensus majoribus; ejus detractionem, quæ secta scalpello vena fit ægræ sumus per necessariam arbitrati. Deinde humoris dominantis (eum autem esse bilio-

sum



sum ex detracto sanguine, non dubia conjectura cognovimus ) repurgationem lenibus medicamentis tentavimus spiritus sive dissipatos, sive retris infectos vaporibus identidem alexipharmacis instaurantes ac roborantes.

Quo die febris invasit, eo die sub vesperam injici clysterem ægræ præcepimus, ex dissolut. lenient. Elect. & herbarum emoll. decoct. addito rois marini m. β. Postero die vena cubiti operata est, unde sanguinem effluere sivismus ad quantitatē unciarum decem. Exinde propomatis febrilem retundere calorem aggressi sumus. Ea autem ut plurimum ē serapio violaceo & aquis cor oblectantibus cum aciditate vitrioli, cujus singularem in febres esse vim multis experimentis comprobavimus. Dabamus quoque serapium Caryophyllorum animæ recreandæ peraccommodum. Cum autem ad usque morbi statum alvus ei fere semper adstricta esset, probe medicatis Enematis repurgabantur identidem intestina. Sed maximum in Diæta præsidium fuit, quam exactam ac ferè summam præscripsimus; jusculis tantum ægram reficientes ubi opus erat. Pro potu quo ad restringendam sitim creberrimo utebatur, aqua hordei præbita est cum fructibus Jujubinis & Sebestinis addito limonum succo. Interdum etiam aqua pura & limpida. in qua saccharum dissolutum erat.



erat & mali citrei succus expressus.

*Eventus.* Secundæ hebdomadæ curriculo solutus est partim per urinas, partim etiam per sudores, partim quoque per secessum morbus. Nam sub diem decimum & tertium sudor effluxit undique validus & copiosus. Sequenti, urinx multæ & coctæ & plurimo cum sedimento prodierunt. Tribus deinceps sic alvus agrosanti laxata est, ut iterum ac tertio dietim deijceret varia, non foetida tamen nec incocta malève soluta. Tandem adeo convaluit ut ne morbi quidem vestigium remaneret. Quare ob curationem Deo Gratias agimus ex animo.

*Historia*

## HISTORIA II.

**A**T non semper lata sunt Medicinæ opera, habet illa sæpenumerò miserabiles casus. Quare post curationes felici exitu perfectas, quas hætenus reulimus, non erit inutilis operæ lamentabile Municipis Meridunensis exitium scribe e. Abdominis & lumborum immani cruciatu nullam misero somni partem relinquente divexabatur. At cum (ut id genus hominum solet) multa magis temere & inconsultè quam utiliter expertus esset: tandem à Matropa sanguinis ingenui præbitum est ei pharmacum ex eorum genere quæ calculos communere & urinas ciere singulari quadam & recondita facultate astimantur, sanè perviolentum. Quod ut nihil profuisse, imo dolorem multò quàm antea acerbiorē exciassē visum est, me tandem tum longe, officii causa versantem, accersivit. Ut veni, hominem in lectulo recubantem vidi sudore frigido diffusum, multaque lamentantem.

Ei vehementem arteria crebrumque & interdum hæsitantem in manus volatum facilebat. Urinæ sanguineæ & veluti tamentis ablutam carnium respersæ megebantur magna copia. Vomuerat; cibi fastidiebat; fri-

*αἰνῆς* Græcè

est ea pars qua jungitur manus cum cubito.

Volam interpretatus est

Theodorus Gaza. in

Arist. histor. animal.

lib. 3. c. 2.

gebat

gebat tibiae & pedes; deplorata omnia. Quem ego solatus non tamen sine aliqua ope dimisi. Nam & salutem polliceri vane ac temerarium, & solamine destitutum relinquere, crudele & inhumanum arbitrabar. Utrumque autem homini prudenti magnopere fugiendum. Certe paucos intra dies remittente cruciatu exspiravit.

*Ratiocinatio.*

Solemus Medici ex effectibus ad causarum cognitionem gradatim procedere. Atque ex iis quæ commemorata hætenus fuisse symptomatibus aut læsos esse renes, aut vesicam male affectam haud falso conijcimus. Nam sic divinus senex Aphorismo quinto & septuagesimo sectionis quartæ pronuntiat; ἢν αἷμα ἢ πῦον ὕρειν ἢ νεφρῶν ἢ τὸ κύστις ἐκκρίνεται σημαίνει. At vero tanti mali sedem, quo hic æger torquebatur in renibus potius quam in vesica quærendam, certioribus rationibus adducor ut censeam. Nam *Galenus* renum affectiones ex urinis esse dignoscendas ait.

*Comment.*  
2. in pror.  
c. 7.

Urinæ vero cum admodum cruentæ essent, nimirum aliquid in renibus dilaceratum ostendebant. Id confirmat præceptor.

*Aphorif.*  
78. Sect.  
4.

ὅτι αὐτὸ τὸ αὐτομάτως αἷμα ὕρειν τελέειν ἀπὸ τῶν νεφρῶν φλεβίᾳ ῥήξιν σημαίνει. Huic autem ægro non stillatim, sed affatim urina sanguinea profuebat, carunculis & velut capillamentis in

in ea subsidentibus, & si commoveretur, innatantibus. Id quod non vesicæ laxe, sed renum affectorum, certissimum est indicium. Unde enim in vesica tantum sanguinis, cum eam exanguem esse Galenus dicat? deinde nervosa vesica est & membranacea, quare nequit ex ea quidquam carniū ramenti simile prodire. Video quid obijci possit. Nimirum divulsis qui vesicam circumplectuntur musculis, aut venis arteriisve diffactis, urinam cruentam reddi. Sic ita. At id & cum pungente dolore, & magno nisu ac difficile fiet, & quod in urina cruentum videbitur, id concreto sanguini, magis quam ramenti erit simile. Atqui sine ullo doloris sensu, & magna copia mejebat is municeps. Deinde non pubem, non perinæum, non circumiacentes partes admodum dolebat. Denique non est vesicæ læsio tanti ut perniciem afferre possit, ratio inflammatur; est enim frigidi temperamenti; rarius ex influente sanguine venæ disrumuntur: rarissimè evenit ut musculi eam adstringentes vulnerati non coalescant. Sed fac extrinsecus & laxam & inflammatam fuisse: cerè aut urina suppressa omnino esset, aut saltem non nisi guttatim intercidisset. Unde vero tantus & tam pertinax circum lum-

*Comment.  
in Aphorism. 5.  
Sect. 3.*

*Id intelligendum est nisi vi extrinsecus illata, vesica substantia vulneretur. Nam id vulnus non coalescit, deinde ob viciniam & convenientiam, quæ ei est cum principibus partibus, & interceptionem communis officii id vulnus erit latius. Sed in agro quo de nunc agitur, nihil est ejusmodi.*

bos



bos cruciatus? Profecto non tam è vesicâ, quàm à renibus aut à venis ad eos pertinentibus, misere dilaceratis. Perspicuum est igitur in renibus mali fontem exstitisse. Jam qua in eorum parte, restat ut investigemus.

Equidem in ea sententia sum ut existimem in ipsa renum substantia fuisse. In quibus calculus ex humorum infarctu, genitus asper ac firmus Nephriticos ut vocamus dolores pariebat. Qui deinde medicatæ potionis quæ alienissimo tempore præbita est, facultate impulsus, ac summa vi tum venas emulgentes, tum ureteres perumpens, perditè dilaniavit. Hinc inflammatio, tum ex ipsa divulsione tum ex acerrimo dolore, tum ex humoribus inflammationis vi illò tractis. Hinc ardor ingens, hinc febris, hinc denique solutis viribus & natura fatiscente, sudor ille frigidus, mortis adventantis prænuntius. Nam vomitus & alimenti fastidium nihil moror. Nam ea symptomata sunt ad eum consensum referenda, qui consensus inter ventriculum & renes intercedit, ob nervos ab illo in horum membranas derivatos.

Hæc igitur mihi visa sunt huic agro perniciem attulisse. Quod si demortui cadaver aperiri superstites liberi viduaque permisissent, rem omnem sine dubio non paulò clarioribus notis perspectam habuissimus.

HISTORIA. 12<sup>a</sup>.

Quod subiecturus sum, magna quoque consideratione dignum videtur. Veni ad me officii causa atque humanitatis Doctissimus *Nicolsonius*. Cuius cum eruditissimo fui colloquio diutius vellem, rogaremque paullum ut remaneret, respondit se municipem qui tum fors, proximo in cubiculo erat alloqui cepe e. Quem ego statim acceisum invitavi, nobiscum tibi aliquid ut degustaret; vixque tandem perpuli, ut ovum sorberet, vinique pauxillum superhauriret. Quod ut egit, magis ne denegasse videretur, quam ut reluctanti naturæ satisfacere; multum se mihi debere dixit: neque enim se tantum alimenti duobus mensibus in languidum ventriculum iniecisse. Rogatus causam respondit se nihil appetere. Quæsi vi cuius ætatis, circiter annorum sexaginta, inquit, Malusque cum precibus salutem mihi suam commendavit *Nicolsonii* oratione permotus, qui serio ei ostendit teneri ipsum valetudinem suam curare, ne Deum temere tentasse videretur. Dixit, in seque recepit facturum, quæ

præ-

*Is postea  
Glocestri-  
ensis Epis-  
copus fuit.*

præciperem. Exinde illum ego sæpe  
 invisere, ac blandissimis verbis solari,  
 ut animum ad hilaritatem traduceret.  
 Vixit tres menses cibus euechymis, liqui-  
 dis potius quàm solidis, & pisanâ quàm  
 identidem sorbillabat sine febre erat, non  
 dolebat ullam partem, nihil cupiebat.  
 Dicebat tamen & nos id videbamus,  
 cum quidquam ingereretur, difficillime  
 transglutiri. Tandem cum nihil omis-  
 sem eorum omnium, quæ sapienter ars  
 præcipit tum ad mali causam cognos-  
 cendam, tum ad eandem tollendam, eò  
 redactus est, ut ne guttulam quidem in-  
 stillaræ aquæ posset transmittere. Susten-  
 tatus est tamen aliquot dies clysteribus  
 ex iusculis instaurantibus. Constans mente  
 & omnibus sensibus tandem sine ullo  
 dolore defectus viribus naturæ concess-  
 sit.

*Ratioci-  
 natio.*

Hominis istius & ætatem & mores  
 consideranti, ventriculique structuram, &  
 appetentis naturam facultatis intelligen-  
 ti, haud difficile fuerit causam ἀπλίας,  
 five ἀνορεξίας, quæ illum sustulit ag-  
 noscere. Certe homo cum senex tum  
 animi magis quam corporis laboribus  
 deditus, nec multi alimenti naturaliter  
 appetens erat: & cum exhaustus esset  
 calor ingenitus, humenti frigidityte a-  
 bundabat: unde fiebat nihil prorsus ut  
 appeteret, oppressis extinctisque spiriti-  
 bus iis, qui deferuntur ad ventriculum  
 per

per eos nervos, quibus os illius, multiplici nexu circumvolutum tenetur, ubi doctissimi Medicorum appetentiæ sedem esse collocatam censuerunt. Hinc defectum alimentis corpus, marcore confici necesse erat; neque unde spiritus instaurari solent, suppeditante quidquam ægro, vires collabi, naturamque fatiscentem penitus concidere intra paucos dies oportebat. Sed neque tum cum maxime opus esset, maximeque niteretur, quidquam poterat æger intro mittere; constrictis coarctatisque meatibus & canalibus, queis esculenta potulentæque in ventriculum delabuntur. Ergo fatum ei fuit inevitabile, cum non posset destinatis ad naturam reparandam, alimentis sustentari.

*Historia*



HISTORIA 13<sup>a</sup>.

**A**liud mihi morbi genus narrandum venit, non tam suâ naturâ quàm perseverentiâ calamitosum. Nam sanguinis illud effluvium quod fit per eas venas quas hæmorrhoidas appellamus, pluribus extitit salutare: quosdam tamen immodica excretionem debilitatos interemit. Ejusmodi profusionem sibi permolestam esse apud me conquestus est, honestus sanè vir qui Magistratum in eodem municipio gerebat. Erat capillos subflavus, corpus bene constitutus, ac sic temperatus ut caloris & humoris videretur esse par. ticeps. Semel aut iterum annuatim præcipuè sub autumnum ei sanguis per secessum excernebatur, purus ac purpureus, nullo fermè doloris sensu, sed eâ copîâ ut illi vires infringi manifestè viderentur; atque vultus quem candoris ac ruboris temperatura belle renitentem habebat inde flavesceret, velut regio sædatus morbo. Annum haud quinquagesimum attigerat.

*Ratiosi-  
natio.*

Hæmorrhoidum alias intrinsecus latere, extrinsecus proferri alias comperitum est ex Anatomicis. Utraque origine, insertionem, usu, atque sanguinis effusi

effusi discrimine differentes. Nam quæ intrinsecus latens manet, unica est, à portis hepatis trahens originem eo ferme loco unde ramus splenicus, eum cui à brevitate nomen est, producit. Inde per coli intestini extrema, sub recto irrepens, ejus ipsius recti finem circularim amplectitur. At verò externæ ab hypogastrico venæ cavæ ramo proficiscentes, feruntur ad podicem. Hæ vacuando hepatis inserviunt: illa spleni repurgando accommodata est. Ab illa qui sanguis fluit, niger & crassus, & impurus & paucus est & coli dolorem anique parit. Hæ purum & puniceum & subtilem fundunt, ea interdum copia, ut ægri periclitentur. Quemadmodum huic dubio procul contigisset, nisi nostra occursum esset opera. Jam verò, hæmorrhoidum fluxu constantem ætatem infestari dicit in *Aphorismis Hippocrates*. Item ait; *Qui per hæmorrhoidas repurgantur, eos ferme neque pleuritide, neque peripneumonia, neque phagedena neque furunculis, neque lepra, neque vitiligine solere infestari.* His autem morbis non evenit, quod quidem sciam, ut quo de nunc agitur Municeps laboraret. Quare si & confirmata erat ætatis, & ejusmodi constitutionis, quæ sanguine abundaret: & si ei sanguis purus ac purpureus copiosè & sine dolore fundebatur, & si non iis tentatus est unquam morbis quos sanguinis redundantia parit: profectò eum sanguinem ab hepate per  
externas

*Aphorif.*  
30 sect. 3.  
Lib. 6. p.  
pul. mor-  
bor. sect.  
3.

externas hæmorrhoidas manasse conclu-  
dendum est. Sive jecur imbecillum esset,  
sive majorem sanguinis vim produceret,  
quàm ad alendas omnes corporis partes  
satis esse videretur : sive denique id a-  
crimonia sanguinis fieret, qui ad inferi-  
ores venas suo pondere dilabens earum  
extrema corroderet. At non imbecilli-  
tate jocinoris factum inde constat, quod  
sanguis admodum elaborate perfectus  
profunderetur : qui alioquin aqueus &  
pallidus prodisset, profusus ab imbecil-  
lo jocinore. Deinde corpus ægrotantis  
vel tumefactum pravo redundans succo,  
vel idoneo destitutum alimento, perex-  
tinuatum, & exangue visum esset. Sed

*Tamen ipsius sangui-  
nis rutilus color &  
vubor, ostendebat a-  
critatem, quamvis non  
esset usque adeo mor-  
dicans ut podicem e-  
roderet.*

nihil erat istiusmodi. Ne ac-  
cusari quidem acritudo san-  
guinis potest ; Non enim  
erat tanta, ut anum erode-  
ret. Restat igitur copiam  
confecti sanguinis, cui reti-  
nendo, regendoque jecur  
non erat satis, hac maxime  
via fuisse repurgandam. Quod

eum abundantius fieret, quàm valetudi-  
ni consentaneum esset : morbum ortum  
esse organicum, ejus speciei quæ vel ad  
meatum, vel ad magnitudinem referri  
potest. Quaquam nihil peccabitur,  
si intemperiei vitio, calori videlicet hepa-  
tis immodico tri buatur.

*Indicatio.*

Non fuit mei consilii sic hunc ægrum  
percurare, nunquam ut ei fluere hæ-  
morrhoides,



morrhoides. Memineram enim à Magistro dictum, ab ea affectione intempestivè curatos, in multo graviore incurere. Neque rursus ita repente adstringere volui, nihil ut sanguinis excideret. Nam omnem in contrarium factam subito mutationem, esse periculosam haud eram ignarus. Sensim igitur curandum statuens, viribus labantibus succurro; tum revello, deinde modice purgans adstringensque corroboro. Postremò sic ægrotanti consulo ut alias vivendi leges secutus, ne tantam sanguinis vim patiatur.

Ac victum quidem ejusmodi toto curationis tempore constituo. Juscula videlicet oxalide & portulaca & urtica tenellula, & spinaria & buglossio temperata ut sumat; bibat verò cervisiam tenuem, calybeatam in qua millesfolium sit maceratum. Inde venæ sectionem ejus quæ in cubito dextro interna est, præcipio certis iterandam intervallis. Tum rheo, prunisque acidulis ac tamarandis dilutam portionem do. Postmodum ad adstrictionem impero propolisata planraginis & populacæ succo, spirituque vitrioli atque saccharo commixta; rosarum quoque & citreorum & mirobalanorum condituras.

His vero medicaminibus in præsens quidem tempus curatus est. Deinceps autem ut incunte vere, sero lactis caprini uteretur, cubiti que dextri venam pertunderet

*De morbi  
populari-  
bus lib. 6.  
sect. 3.*

*ῥεφάρμακα*

*Eventus*



perunderet, edixi. Idem etiam ver-  
gente in autumnum æstate peragerem.  
Vitaret in primis compositiones, alere-  
tur modice, raro equitaret, temperaret  
vino & salsamenis; & singulis mensi-  
bus radicis barbaricæ sesquidrachma dia-  
luram potiunculam biberet. Quæ si fac-  
ceret, pollicitus sum, Juvante Deo  
salubriter & in multos annos victu-  
rum; quod ut ei celitus concedatur  
opto.

*Historia*

HISTORIA 14<sup>a</sup>.

**N**Eque possum, neque debeo, sine lacrymis acerbum carissimorum mihi juvenum interitum recordari. Erant illi ex nobilissima atque antiquissima *Lloydorum* familia, patre geniti equite, viro cum propter humanitatem, atque hospitalitatem, tum propter infractam animi constantiam inter præcipuos Cardighaniensis agri milites memorabili. Fecerat insignis, hujus Equitis erga me benevolentia, ut & ipsum non inferiori quàm parentis haberem loco: & omnes ejus liberos, perinde amarem ac fratres meos. Certe tamen non illos natura mihi conjunctos fecerat: amicitia tamen multo ipsa potentior, sanctiorque natura, me singulari cum illis, amoris vinculo colligat. Ejus utebar domo ac latibus eadem & libertate & securitate, ac si domi apud meos versatus essem. Quare ferreus omnino, bonæque mentis expertus fuisset, si non immatura eorum morte doluisset, quibuscum, tantus mihi usus, tantaque familiaritas intercesserat. Nam in ipso ætatis flore duo fratres sublati sunt, alter quadragesimo anno apoplexia repente suffocatus; alter cum nondum trigelimum, attingisset, longa

I febri,

febri, doloribusque savissimis enecatus; maximum ambo, sui desiderium nostris in animis relinquentes. Qui ætate major erat, *Thomam* vocabant, et juniori *Davidi* nomen datum. Cujus de morbo mihi nunc est instituenda narratio.

Non ita commodam iste corporis constitutionem sortitus erat; quippe bilis atra reliquorum humorum dominium obrinebat. Quare diuturnis erat morbis obnoxius. Ac annum fere integrum, quartana jactatus, febri exegerat, sui usque ad reprehensionem negligens. Et tamen utcumque liberatus, suo, id est, soluto & negligenti vivebat more. Ac sub autumnum alvus ei fluere cepit sine dolore illo intestinorum: sed eo incommodo, ut amplius quam vices diu noctuque secessum pererer. Quæ excernebat erant foetida; loturæ carniū similia. Ac ne tum quidem perseveranti duos menses malo, quæsitum remedium. Febris deinde continua miserum corripuit: atque sub septimum à febre diem dolores artuum sic immanes, ut se ferendo non esse, incondito clamore testaretur. Doloribus autem remittentibus tubercula in capite & cruribus visa, tum sub decimum diem sequuta mors. Quam ego pari luctu prosecutus sum, ac si frater mihi geminus ereptus esset. Si quid studii, si quid artis, si quid opis, si quid industriae, si quid laboris, in me fuit, id in eo curando totum, sed heu! frustra collatum atque consumptum est. Perit nullius amicorum negligentia; sed magno omni

nium dolore. Quem enim servare omni studio tanquam carissimum desiderabam, quid ei non adhibuissem? Sed illud mihi multo gravioris initium iacturae fuit. Nam ejus frater natu major, quo nullum ego vidi mitiorem, meliorem, deditiorem bonis litteris, amantio-rem veri, justique tenacior, anno vertente, nec opinante casu percussus, & ad interitum præcipitatus est. Pene concidi viribus spirituque defectus, cum ejus mortis nuntius ad me venit. Sed à tanti luctus acerbitate paulum revocandus est animus, dum & morbi & mortis utriusque causam perveſtigo.

Si quis est qui Medicinam putet, rem esse totam à natura ipsa ingentiam, facilem, *Ratiocinatio,* obviam omnibus & nullo labore parabilem, is nimirum fallitur. Neque enim quidquam est magis reconditum, minusve obvium sensibus, aut majoris operæ, judicique exquisitioris. Fateor equidem ad Medicum efficiendum, naturam cum doctrina conjunctam plurimum posse, solam quidquam posse, constanter nego. Nam sine plurimo studio, sine summa industria, sine multis litteris, sine maxima contentione, qui rectè & non hæſitante morbos curaret, Medicique nomen egregie & cum laude sustineret adhuc inventum esse neminem, omni adſeveratione confirmo. Non longe abierimus. Insistamus in hoc de quo narratum est morbo. Cujus implicatas consulatque causâ, & rationes evolvere, genus ac differentiam constituere, morus consequi



prædicere pericula, qui soli ius naturæ duxit, sine artis studiique adiumento potuisset? De quo sic in primis existimo plurimæ fuisse participem ac venenaræ malignitatis. Non eius quidem quæ foras erumpens, vicinos contagione tactuque contaminaret; sed illius quæ ex intus conclusa delirescenteque materia trahens originem ægro soli perniciem afferret. Ad Epidemicorum genus referendum censeo. Quibus morbis prava victus ratio causam præber. Nam ita sive Magister, sive quis alius, magnus sine dubio vir, Magistri doctrinam sequutus ait:

Lib. de  
Natur.  
human.

ὁκόταν ὃ αἱ νῦν τοῖς γίνοντο παντο-  
δαπατήματα τὰ αὐτὸν χρόνον, ὅλον  
ὅτι τὰ διαίτηματα εἶναι αἰτία ἕκαστα  
ἐνάστοιχοι. Tunc vero temporis morbi

varii generis in ea regione grassabantur. Atque illum ipsum è calamitosissimis fuisse hinc constat, quod pars corporis una validissimarum laboraret, ὁκόλα ὃ πᾶν νο-

Ibid.

σημάτων ἀπὸ τοῦ σώματος γίνετο  
τῶν μελέων τοῦ ἰχυροτάτου ταῦτα  
διδόντοί τε ὅτι, addit causam. Etenim si  
istic ubi initium sumperint, permanerint,  
necesse est, fortissima parte laborante, totum  
corpus laborare. At verò jecur unum esse  
ex præstantissimis visceribus, cordi soli dig-  
nitate concedens, nemo vel mediocriter in  
Medicina versatus negaverit. Est enim  
radicatio

radicatio venarum, officina sanguinis, naturalis spiritus sedes, ac domicilium facultatis nutritivæ. Cuius sanitas tanti momenti est, ut eo male affecto, totius corporis, omniumque humorum conurbatio: vulneratio, mors necessario consequatur. Car autem omnem mali culpam in hoc nobili Juvene, ab hepatis vitio profectam esse existimem, multæ faciunt rationes. Nam præterquàm quod diuturna febre laboraverat, cujus vi cùm labefactatum erat temperamentum, tum omnium viscerum perturbata constitutio, & ingentis calor, plurimùm imminutus: illud etiam accedebat, quod quamquam desisset febris, attramen humoris pravi reliquæ nullo essent medicamento repurgatæ. Quare novi morbi fomes remanebat, à quo nondum anno vertente, nullis extinguendum pharmacis excitatum est incendium. Cuius perniciēs evitari quidem fortasse potuisset, si moderatis vivendi legibus æger sibi cautum esse voluisset. Affecti vero Jecinoris non certius aliud *τὸν ἥπατος* quàm sedimina cùm liquida, maleque cocta, tum loturæ carnis similia. Ab his hepaticum profluvium appellatum. Quippe demonstrant hepatis imbecillitatem. Quod morbi genus ab Intestinorum laxitate atque ulcere eâ maximè ratione secernitur, quod interdum in aliquot dies intermittat ac paulò post revertatur ab hepate proluvies: at in dysenteria nulla est desidendi intermissio. Dysenteria quoque magnum parit dolorem, qui nullus est, aut

*Hæc ex  
Galen  
doctrina  
desumpta  
sunt.*

perexiguus in hepatis fluxu. Ac principio quidem fluxum illum nulla comitata est febris, id quod intemperiei perfrigida tribuendum censeo: deinde progressu temporis corrupto in visceribus sanguine suborta est: id quod imminentis perniciæ fuit indicium. Etenim naturam contrariis conflictatam affectionibus pessundari exhausto humore primigenio necesse fuit. Nec verò dolores illi & subito coorti & sine manifesta causa desinentes, quidquam boni portendebant. Nam quidquid erat in corpore subtilioris humoris ad articulos propulsus ingentes cruciatus, acritudine sua pariebat, qui cum repente subsedissent, nimirum extinctam facultatem arguebant.

*Indicatio.* Ei morbo maturè mederi non potui, quippe non consultus, nisi duobus ferme jam elapsis ab ejus principio mensibus. Statim autem ut veni advocavi que rationem in consilium, omnem cogitationem corroborando Jocinori dirigere proposui. Nam abunde mihi videbatur æger purgatus, perseverante tam diu profluvio. Imbecillum vero viscus aliquid attrahebat quidem, at cum nec in probum succum vertere, nec retinere distribuereque rectè posset; elabimale confectum alimentum necesse erat; unde sequebatur foeda cruentaque eluvies, summæ imbecillitatis corruptionisque indicium. Cui curandæ non aliam certiore videbam rationem quàm si odora, & hepar confirmantia administrarentur, commixtis  
iis,



his, quæ & meatus expurgarent, quorum obstructio putrefactionem parit, & totum viscus intestinaque extegerent.

Ægrotanti quidem antequam venirem, *ἰατρικῶς* odoratum vinum datum erat, cum cinnamomo, urce myrsilica, & ejus floribus, calyophyllis quoque croco & saccha o, hoc medicaminis profuit aliquantum; ac multò salubrius extitisset, si & diutius & moderatius usus esset. Ego curationem via ac ratione ingressus, hunc fere ordinem secutus sum. Præcepi pedes, quantum fieri posse calidos haberet, insideret calido laterculo, foretur itidem vapore aceti in quo laterculum candens extinctum foret, animum à moerore levocaret. Potus is fuit, hordeum tostum, ramenta cornu cervi, radices burse pastoris cyperique, hædera terrestris, pilosella, plantago, & cinnamomum aquæ fontanæ incosta sunt, cum calybs igne candens intinctus & aqua colo trajecta, candidissimoque saccharo dulcescens. Medicamentum infarctu liberans cum adstrictione, Radix asparagi, & graminis, radix barbara, myrobalani citrei, tria santala, & syrupus garyophyllorum, omnia secundum artem parata. Continuæque cotoneorum ac sidoniorum; terra sigillata, bolus armena, pulvis santali rubri, cinnamomum, flores nucis myrsiticæ, ex his electuarium factum. Neque clysteres obstergentes, linimenta anodyna & id genus alia defuere. Cum vero intelligerem,



quantum hepati prodesset lignum hoc quod allatum ab India Guaiacum appellatur ejus aliquantulum in aqua cum uva passa exhibui. Et juvabar. Sed enim aliquis è famulis existimans id lignum non nisi ad loem veneriam exhiberi, statim detulit, Juvenem ea peste contaminatum esse; id quod magnam ejus sororibus suspicionem attulit. Quod cum idem ille famulus ad agrotantem detulisset; repente velut ictus fulmine conticuit, animumque sic despondit, nullis ut eum solari verbis possem, hinc in pejus omnia ruere, febris exorta invalescere, urgere feralia symptomata, collabi vires, dum denique fatalem obiret diem. Quod omnibus documento esse Medicis debet, qua prudentia solertiaque agrotantium suscipi curam oporteat. Quod enim ad lignum Indicum attinet, id certe morbis omnibus à frigida causa profectis salutare esse, atque à præstantissimis Medicis adhiberi magnopereque commendari animadverto. Crassos arque impactos humores incidit, attenuat, & fluidos facileque purgabiles facit; corruptos mundat, solvit frigidos, sine ulla vehementia, sine caloris nativi humidique primigenii detrimento. Amicum hepati, amicum spleni, amicum renibus. Non ingratum stomacho, non intestinis adversum, imo vero quam maximè salutariferum. Modicè calidum, non extremè siccum; est enim oleaginea cujusdam parriceps humiditatis, nec mediocrem obtinens

obtinens penetrandi facultatem ob spiritus subtilis qui in eo insunt plurimi.

Ac hunc quidem Juvenem pertinax morbus abstulit. Frater autem natu major, non ipsi pravis interitu repente periit. Enimvero prępingue corpus, colulum breve, caput amplum, vira umbrosa, temperamentum pręhumidum, & porus quàm cibi major appetentia ulusque liberalior, diurnam tamen non apparentem, tam repentino casui materiam suppeditavere. Monueram sæpenu-mero pocillationibus præsertim serotinis abstinere. Sed nimirum consuetudo natura ipsa potentior altiores egerat radices, quàm ut evelli penitus posset. Gravi sæpe somno tentabatur; nec ut se exerceret, unquam persuasus est. Causam afferebat quod podagra magna ipsum dolore afficeret. Et quod inauspicatum & infaustum illi accidit, quo die subita syderatione percussus est; cum amicis quos frequentes sæpe domi perhumaniter perque benevole excipiebat paulo liberalius cervisiam impuram nec satis costam recentemque adhuc è caldario biberat, tum rigente & nivali hyeme, omnibus rebus velut fato ad eum præcipitandum concurrentibus. Præsensit tamen funesti aliquid, cum cubiculum petens, lectulum sterni properè imperavit. Invitatus interea ad focum, sedere noluit. Foco enim quantumvis horrente coelo, vix ac

*Altera  
Historia,*

*Gracè est  
απολα-  
ξία.  
Eup. in  
Tradit.  
de lib. de  
gland.*

ne vix quidem utebatur etiam valens ac vegetus.

Ratiosi-  
natio.

Cerebrum amplissimi adenis similitudinem perferens, multaque redundans humiditate, quàm plurimis obnoxios homines morbis facit, eos praesertim qui amplo sunt capite. Ac indigesti humoris molestia redundanti, nisi consuevis viis per aures nareve aut palatum expurgetur, necesse est obstructis cerebri sinibus, ac spirituum ulro citroque com-

ἡ καρὰ καὶ αὐτὴ  
τὰς ἀσέναι ἔχει  
τὸ ἐκ κεφαλῆ ἰκε-  
λα τὸ ἀδὴν.

Hipp. lib. de glandulis.

meantium ductibus impeditis repente animal velut cælitus perculsum attonitumque concidere & suffocari. Evenire autem id hyeme maximè autor est Hippocrates. Tum enim & pituita magis infestat, & à circumambientis aëris frigore constrictis poris impurorum distillatio vaporum impeditur. Quid quod crudæ nec defœcata cervisia potus intempestivus, crassos retroque exhalans fumos, velut aliis cumulus malis accessit?

Cæterum quid amico postrema patienti allatum auxilii sit rescire tum absens non potui. Equidem ab illius immatura, subitaque morte, tantum animo concepi dolorem, quantum nec ulla ratio lenire, nec multorum annorum curiculum radicibus evellere porverit. Quod ubi subit recordatio, jucundissimæ quæ  
mihi



mihi cum illo intercedebar familiaritatis,  
toties erumpunt ab oculis, invito lagry-  
mæ. Memini cum totos dies, gravissi-  
mis, de bello, de Historia, repub. cu-  
jus haud exiguam in sua provincia par-  
tem attrigerat, sermonibus nunc seden-  
tes, nunc ambulantes consumeremus.  
Nec ipsius me tædebat, nec ipsum mei.  
Quam multus in eo candor? quàm in-  
genua gravitas? quàm sincerum judi-  
cium? quàm multa lectio? ut illum  
omnino dignum in illis remotissimis *Cam-*  
*bria* locis invenerim, cui cum immor-  
talis amicitia devinctio conjunge er.  
Quare quamdiu superstes ero, vivet ille in  
animò meo, nec memoriam illius erga  
me meritorum unquam deponam. Vel-  
lem aeterno marmori hoc Epitaphium  
incisum extare, verum & duraturum a-  
moris in eum mei & ipsius in me vo-  
luntatis monumentum.

*Hic*



Hic jacet heu ! longum meruit qui vivere sæ-  
*Fidus sincera cultor amicitia.* *Celum,*

Invida mors illum, telo trajecit adunco,  
*Qua tot perjuros vivere cæca finit.*

Quid queror? Aeterni sic stat sententia Patris,  
*Qui sub adorandis legibus, astra regit.*

Is vocat Emphyrei justos ad pramia cæli,  
*Vultque malos, alia conditione frui.*

Illos, ne sacra defleant tramite legis,  
*Defessi longe fortè labore via.*

Hos, ut transacta pigeat per crimina vita,  
*Adque bonam frugem, se revocare velint.*

Historia

HISTORIA 15<sup>a</sup>.

**A**NTE id tempus mulier quædam amisso filio in quem recens natum omnes amores contulerat, non animi magis quam corporis ægra, nostram impioraverat opem. Lenta erat febris, animi frequens deliquium, tumor uteri, aversus à cibis appetitus, & excrementorum suppressio. Ac febris quotidianæ exacerbationes, moerentem afflicta-  
bant.

Huic non tam Pharmacopæo, quam *Ratiocina-  
natio.*

prudenti Medico & consolatore opus fuit. Nam cum nihil sit quod ita vires convellat, perturbet humores, atque temperamentum subverens humidum exhauriat primigenium ac mœstia; tum si medicamenta per se acerba, & inimica naturæ præbeantur, præcipientes in mortem agros agi, necesse fuit. Consolandi ergo sunt ac paulatim inficiendi quemadmodum Hippocrates docuit: *Aphorif.*

τὰ ἐν πολλῷ χεῖν ἀπὸ τῆς νόσου  
σώματα, νόσος ἐπαναφέρει δὲ.

Nam quid ei medicaminis exhibeas, qui ne cibum aut sumere vult, aut potest? Sed unde febris & animi deliquium &

alia.

alia symptomata ? Mœrore corpora reficari constat, inde obstrui viscera, oriri putredinem & lentum excitari calorem. Lentum quia vel vires desint, vel frigidus & lentus humor, non ita vehementem calorem concipere queat. Exacerbationes verò immixtam bilem effecisse reor; Defectiones, quod circularis sanguinis commeario præpedita fortè esse, aut tetri & calidi vapores, è visceribus impuris expirati cor ferirent. At aversioni ciborum causam præbebat, impactus orificio ventriculi pravus humor, sive pituita, sive bilis, esset. Denique sum accendebat præter naturam invalescens calor.

Dieta & Cardiacis pharmacis curata est, & interdum ejectis clysmatibus. At cum ei vires paullo firmiores factæ essent, alterantia quoque pharmaca data sunt.

*Historia*

HISTORIA. 16<sup>a</sup>.

SUBinde Rheso *Willelmo* decem & quatuor annorum adolescenti necessaria fuit opera nostra. Invalidum ei corpus erat & tenerum, & imbecillus à natura constitutus pulmo, & crudis abundabat humoribus, facile ut quavis ex causa in morbum incurreret. Actum quidem tussis ei molestissima, febrim ac pulmonum inflammationem attulerat. Curstanti ut sit & inter æquales lusi tanti, id mali obvenerat. Pullus interdum magnus, nunc languidus, nunc inæqualis, & undosus, vomitus frequens & urinæ rubræ.

*Galenus* promptum esse pulmoni air, omnes suscipere humores. Credo ob ejus raritatem & molliem, tum quia cerebro subjectus sit, à quo directi in ipsum meatus. Multo tamen promptius est à pituita infestari propter illius & crassitiem & lentorem. Nam & sanguis & bilis cum & tennes sint & facile fluentes, præterlabuntur, hæret ac impingitur sua viscositate pituita. Impactam verò cum extulsi co-natur pulmo vehementi motu se commovens, & calorem excitat & ciet sanguinem. Hincque inflammatio quæ *Græcis* *πνευμονία* est appellata, Cuius &

*Ratiocina-*  
tio.

*Commentus*  
in *Apho-*  
*rism.* 33.  
*sect.* 6.

COMET



Lib. I. de  
morbis.

Item ali-  
bi de die-  
bus judi-  
catoriis.

Περὶ  
πνεύ-  
ματος.

Hipp. de  
ratione  
vitalis, in  
acutis.

comes est febris, & spirandi difficultas, & sitis & pulsus inconstantia. Cujus morbi generationem præclare admodum describit Magister ἡ δὲ πειπλάμωνίη γίνε-  
σθαι καὶ πνευμονίη καὶ ὑδαίνωσι τῶ  
φλέγματι καὶ τῇ χολῇ ἐκλύσει ὁ  
πλάμων ὑπὸ διεσμασίῃ ἐφ' ἐλθον,  
&c. Itaque hic quidem morbus pleuri-  
tide multo est periculosior, propterea quod  
& pulmonis magnum sit & excellens mi-  
nisterium & summa necessitas, neque affici  
magnopere possit, sine totius corporis de-  
trimento. Quorum vero & natura & affe-  
ctiones humidæ sunt, ij multò deploratiùs  
laborant, quàm quibus sicca temperatura.

In curando hoc affectu, doctrinam Hip-  
pocraticam velut certissimam mihi regu-  
lam proponens, benigno pharmaco, caput  
in primis levius faciendo, hoc affecutus  
sum, ut & malum ab ipso fonte oppugna-  
rem, ne quid amplius in pectus influeret;  
& alvum modicè cierem, antequam inva-  
lesceret morbus, & ægrotanti vires laba-  
rent. Nam alvo remollita cum dolores  
leviores fiunt, tum remissiores febres. Hinc  
excreationi impacti humoris animum ad-  
plicui. Ac ista quidem antequam in vigore  
esset morbus, præstita sunt. Nam peripneu-  
monia cum in vigore est, auxilium non ad-  
mittit. Sed non confestim & perturbat  
medicamenta sunt adhibita. Nam principio  
quoniam id ægrotantis & vires & natura  
ferebantur.

ferebant, & anni tempus & genus morbi requirebant, cubiti dexteri venam internam aperuimus, unde sanguis fluxit ad sex uncias. Postridie sub vesperam Catoporia dedimus, quæ benigne admodum purgatus est. Inde potiunculas dulces è syrupis capillaribus pulsanæ immixtis. Unctiones postea pectoris & laterum expectorationi promovendæ.

Screavit & repurgatus est; & urinæ coctionem morbum inferentis humoris indicârunt quarto die, & undecimo; & sub quartam decimam liberari cœpit & planè convaluit. *Deo soli honor & virtus & gloria.*

*Eventus?*

Si lucubrationes nostras in publicum aliquando vel fortuna, vel amicorum benevolentia impulerit, non ab omnibus probatum iri prævideo. Equidem nec omnibus scribo, nec omnibus probari cupio. Est enim illud praviratis, hominum ingenium mentibus, ut sive perverso contradicendi studio incitati, sive sui jactandi venditandique improbo acti genio, semper alienos culpent labores. Nec dubito quin ut quotidiana mea in ægros opera curasque damnant: sic in meis quoque scriptis vestigent quod reprehendant, gloriam inde sibi quærentes. Neque cogitant, eos in lubrico & præcipiti fundamenta ponere, qui super alieni ruina nominis, famam struunt. Pleraque insectorum animalium è putredine nata brevem & ferme diariam vitam sanie & corruptione sustentât. Ergo carent sanguine pravo tantùm succo plena. Invidis & obstrectatoribus

rectatoribus inest quiddam simile. Nihil  
usquam veræ virtutis obtinent, suâque se  
pravitate aque ac alienis vitiis alentes, aut  
humis obrepunt, aut maledicentiæ alis sub-  
vecti circumvolant ad aliorum labores car-  
pendos, nec unquam se possunt ad verum  
decus erigere. Pigmæos pusillum genus,  
imitantur quos fama est dormientem Her-  
culem, inutili exercitu circumfidendo, in-  
genrem sibi apud posteros gloriam parare  
voluisse. At ille excusso somno, omnes  
velut importunum culicum agmen abegit.  
Erunt igitur qui meam in præscribendis re-  
mediis tarditatem accusent. Alii culpa-  
bunt in detrahendo sanguine trepidam cun-  
ctationem. Quidam anxiam in observan-  
dis signis ac diebus diligentiam redarguent.  
Nec deerunt qui superstitiosum Hippocra-  
ticæ artis observatorem irideant. At ego  
gnarus non omnibus satisfieri posse, ne id  
conor quidem. Abundè fuerit si recta &  
æqua æstimantibus placuero. Enimvero  
ordienti mihi studia Medicinæ, constitutum  
fuit Hippocratis atque Galeni documenta  
sectari & longâ sæculorum serie confirmata  
& virorum præstantissimorum exemplis u-  
sque comprobata. Nec tamen omitto si-  
quis posteriorum sæculorum rectè senserit.  
Persuasumque est Medicum esse naturæ  
contemplatorem & administrum: eam  
Medicamentis juvandam non opprimen-  
dam: neque temere prodigenda remedia,  
quæ multis mortalium saluti fuissent. Plus  
autem periculi fere semper ægrotantibus  
imminere



imminere ab impe iro Medico quàm ab infestante morbo. Non esse sapientis Medici quidquam cum ægri discrimine experiri. Plerumque in dubium vocari eorum & fidem & navitatem & operam quos à Pharmacis temperandis dividendisq; Pharmacopæos & Pharmacopolas nuncupamus. Denique curationem, non qualemcunque medicamentorum exhibitionem, sed rectam & oppositam adinistrationem appellari. Postremo prudentem Medicum ita curationem instituere debere, ut non præsentis tantum morbi rationem habeat, sed operam quoque det, ne in posterum grave aliquod ex perperam suscepta curatione damnum oriatur. Atque adulescentulum cuius facta mentio est, sine dubio jugulasset, quisquis ei vel sanguinem liberali manu detraxisset, vel magnam medicamentorum copiam, nullo delectu, nullo ordine à principio præbisset. Quippe prostratæ penitus vires essent, antequam ad vigorem morbi perventum esset; impedita quoque secretio. Non autem, neque detractum aliquid sanguinis fuisset, nec alvus blando subducta medicamine, tum & febris increvisset, & capitis dolor pertinaciùs afflisset, & illa-bentibus à capite humoribus pectus oppressum esset. Id insuper nos à detrahendo sanguine revocabat, quod & laborans naturæ mollis erat, atque facile dissipabilis & pituitâ magis quàm sanguine abundabat.



HISTORIA 17<sup>a</sup>.

**P**Auci admodum sunt, quos sacra matrimonii vincula colligant, quin infelices se reputent, si liberorum optatâ careant sobole. Ut enim quisque & ingenio præcellit & opibus pollet eâ maxime cupiditate ducitur, ut cum omnes interitui obnoxios esse sentiat, ita se nomenque suum, procreandis liberis perpetuare, atque immortalitatis, quo tenetur, desiderio, satisfacere summopere contendat. Quare qui in orbitate sunt, eos mœstam & insuavem ducere vitam necesse est. Inde fit, ut ij Medici summam sibi famam, arti quoque suæ maximam gloriam comparent, qui accommoda curandæ sterilitati, vel ipsi invenire, vel ab aliis inventa adhibere præsidia possunt. Quod ut faciant & singulari diligentia in seligendis remediis, & in perquirendis causis non vulgari judicio indigent. Varia enim, pro causarum varietate sunt præscribenda medicamenta. Sed nihil attinet de his, nunc quidem temporis disputare. Quanquam illud affirmare vere possum plerosque juvenum præ ardenti procreandæ prolis cupidine, præque immoderato rerum veneratum usu spem frustrari suam. Ac memini cum ad me querelas suas matrona nobilis detulit; filiam juvenculam boni habitus jam inde à quinquennio nuptui

nuptui traditam itidem bene temperato Juveni expertem tamen liberorum vivere. Idem querebantur invenis parentes; & ut ipsorum orbitati qua fieri posset ope subvenirent, postulabant. Ego solatus eos, respondendi me causam sterilitatis exploraturum. Et quod nullam reperissem: quod juvenes progenie fraudarentur; id aut alterius ipsorum, aut fortassis etiam amborum culpa fieri: quippe qui connubiali libertate intemperanter abuterentur. Inde genituram aqueam & tenuem effectam, locis muliebribus frequenti coitu satiatis, non posse retineri. Fœminam quoque fatigatam legniorem reddi ac minus complexuum appetentem. Patri vero Juvenis autor fui ut ipsum interea aliquo amandaret, dum ipsius conjux quietis aliquid capere & remedium posset. Præscripti quæ è re videbantur, & ut ipsius corpus repurgaretur, tum ei genitalia odore medicamine foverentur, ac cibis uteretur exquisitis. Et commodum accidit, ut maritus levicula febre tentaretur. Quare sub prætextu mutandi cœli absuit aliquandiu. Deinde percuratus cum domum redisset conjugales amplexus petens, uxorem imprægnavit, quæ nono mense puerulum formosulum & elegantulum foelici partu enixa est.

HISTORIA 18<sup>a</sup>.

**A**Lia mihi nunc res dicenda venit ex qua possit intelligi quàm graves sæpenumero in casus ex levissimis, ut videtur causis incidamus. *Richardus Protherochius* admodum generosus Armiger, arcta mihi devinctus necessitudine fuit. Is cum sub ineuntem Majum, manè ad videndas operas exisset quæ stagnum ei fodiebant ad aquas è subjacenti prato derivandas, repentiè me & inspectante & admirante, vultu, guttate, pectoreque toto intumuit. Ac primò quidem pustulæ rubræ, veluti si urticis verberatus esset; tum ex pustulæ subito in unum coeuntes, magnum efficiebant tumorem, adeo ut mentum ei supra pectus, sicut præpinguibus bobus solet paleare, dmitteretur. Qua ex re tam insolita, ingens omnes qui aderant, stupor invasit, aliis venenum datum, aliis pravam herbam tractatam; his maleficio affectum; quibusdam, id quod vero similis erat, maligna afflatum aura, dictitantibus. Solum erat putre, stagnantesque & olidas aquas cortegens: quod cum à sufforibus apertum esse; retum & pestiferum exhalans; non ipsos fossiores, nec alios, quorum & densa durataque labore cutis & robustior habitus; sed ipsum *Protherochium* læsit; qui & fors thoracem deduxerat, & mollis erat, rare-

que



que & læviusculæ temperaturæ, cuique a-  
periores erant pori, quibus irrumpens aura  
terra atque pernitiola, tantum inferre mali  
potuit. Cujus vis quod altius penetrans,  
viscera non infecerit, ipsorum tempera-  
mento firmitudinique tribuendum est. Esse  
vero loca unde tam infensus vitæ morali-  
um vapor exspiraretur ut etiam prætervolan-  
tes aves enecet, satis constat. Cujusmodi  
quem describit sexto *Æneidos* Virgilius.

*Spelunca alta fuit, vastoque immanis hiatu,  
Scrupea, tuta lacu nigro, nemorumque tenebris;  
Quam super haud ulta poterant impune volucres  
Tendere iter pennis, talis sese halitus atris  
Faucibus effundens, supera ad convexa ferebat.*

Huic autem malo medicatum est *Aristo-*  
*lochis* rotundæ radice intro sumpta. Ni-  
mirum arcano modo præparatam oportuit.  
Tum pectore & collo, quâ intumuerant,  
salvia & ruta & rore marino cum aqua &  
vino fortis, adplicitisque cucurbitulis. Atque  
intra biduum omnis ille tumor evanuit,  
perfanato *Protherochio*. Sic nomen domini  
benedictum.

*Historia*



*HISTORIA 19.*

**P**Arvo sæpe adjumento, in tempore al-  
lato, magnos depelli morbos con-  
tingit. Juveni pravis humoribus diffu-  
enti, vetus tibiam ulcus fœdabat. Huic  
ego catapotia purgando corpori dedi:  
rùm paullo infra genu, tibiam male af-  
fectam inussi. Et intra dies aliquot pe-  
nitens percuratum est ulcus. Intercepto  
nimirum manantis humoris carnem a-  
critate sua corrodentis cursu. Incassum  
alia remedia tentata fuerant.

*Historia*

HISTORIA 20<sup>a</sup>.

**R**isum tenere nequeo. Medicorum nostrorum levitatem reputans, modo desidiam, modo nimias exercitationes inculantium. His quippe spiritus exhauriri, viresque pessumdari, & dissolvi temperamenti harmoniam. Illâ pravos humores colligi, veternum induci, robur infringi, & hebescere mentis aciem. At modus tenendus. Quis tandem? si & negotia laborem exigant, & amor studiorum solitudinem ac recessum postulet, & recessus otium faciat? Nugæ sunt hominum delirantium & omnem humanæ vitæ ordinem intempestiva prudentia perturbantium. Ordo vitæ postulat ut moriamur, neque, quidquid egerimus, aut vitare morbos, aut mortem effugere poterimus. Undique nobis, seu feriatis, sive negotiosis imminet morbi, & mors inertes æque ac laboriosos invadit. Aliquos antea memoravi quibus ex otio nata perniciēs est. Nunc dicendi quos labos in morbum egit. T. C. Equestri familia vir longo suscepto itinere, cum citatis equis domum reversus esset, magnos omnium membrorum dolores sensit, cum febre & tussi & vigiliis, & omnis cibi fastidio, & si quid intro sumpsisset, vomitione. Quæ mala exasperaverat, intempestive præbitum emeticum ab imperito Medicoastro quales multi ubique ætium reperiuntur.

Huic ego morbo lassitudini inflamma-

K

torix,

Ratioci-  
natio.

torix, Galeni doctrinam secutus, libentissimè nomen dederim. Contusis ex equi succussatione membris, diffusisque per musculos acribus humoribus, qui & eos in tumorem attollebant: & tanto doloris sensu afficiebant ut vel levissimo tactu offenderentur. Tussis & febris impurorum succorum erant indices, qui excitati ab insolito motu imbecilliores in partes defluebant. In ægroantis constitutione dominium flava bilis obtinere videbatur, quæ longe acriores succos suppeditat.

Implicitum malum, multiplicem medicinam requirebat. In primis Dietæ prospectum est. Præparata cum uva passa & radicibus graminis & liqueritiæ pro potu fuit. Cibus, avenatum, & iuscula & assis pulli. Hac ubi constituta, medicamentis data est opera. Et inceptum à levi catartico ex pulpis Tamarindorum & Cassiæ, & manna & uvis passis sennæque & prunis. Inde paratus linctus leniendo pulmone. Quæ cum rectè processissent & febris remississet, immeritus est æger balneo aquæ dulcis, chalcidicis & anodynis, & refrigerantibus temperato. A balneo sudatum est aliquandiu & dormitum. Id balinei genus cum dies aliquot continuatum esset, dolore sedato penitus febris desinit. At ne quid recidivam faceret Cervisiam convalescenti perscriptimus, tennæ foliis, polypodio; pulmonaria, cussilagine, agrimonia, passulis mundatis, cinnamomo quoque. Zinziberisque momento medicaram, cujus ulus mirifice profuit. Deo sospitante. *Historia*

HISTORIA. 21<sup>a</sup>.

**A**Tque illi quidem necessaria equitatio morbum amulerat. Hic vero quem memoraturus sum oblectationes confectatus pene repperit mortem. Is fuit *Humphredus* de quo jam ante dictum est. Qui cum salutaria quæ ei dederamus consilia negligeret, suo malo sensit, quam exitiabile esset Medico non esse obtemperantem. Eum tebris, pulmonum inflammationis comes, & tussis & expettes somni noctes vexabant; morbus, ei similis, à quo superiori anno servatus erat, nisi quod hic esset acerbior vix ut ullam speraret salutem. Ejus curationem à sanguinis missione exorsi sumus. Tum blande reperto pharmaco per intervalla, quidquid morbificæ materiæ coctum videbatur purgatum est; & usque pulmoni & ventriculo prospectum & cerebro per catapona & linctus dum ager extra periculum constitutus videretur. At cum admodum esset sui negligens remansit morbosa dispositio, quæ non ita longam ei vitam pollicebatur.

Vere *Cornelius Celsus* dixit, multum in-  
teresse a principio quis rectè curatus sit an  
perperam. Nam si quid pravitatis relictum



fit recidivas parit. Partes vero nisi planè nativo temperamento, pristinoque robori redditæ sint: facile cedentes exterrarum causarum impulsibus, labefactantur & noxam contrahunt. Atque id evenit persæpe non tantum Medici male curantis culpa; sed etiam agrotantis, mandata non observantis errore. Id quod *Hamfredo* causa perniciæ fuit: qui sibi restitutam sanitatem lætatus, haud perinde ut debuit conservavit; ad consuetum libere vivendi morem reversus nondum penitus confirmata partium morbo defunctorum temperatura.

---

HISTORIA 22<sup>a</sup>

**M**AGNUM profectò malum ebrietas & multorum parens morborum est. Ejus perniciem sensit quidam non è plebe, in febrem impulsus cum magno capitis dolore. Cui curando nihil aliud præcepimus præter apozema certâ medicatum ratione quo cum quinque diebus usus esset adjecta vini cervisiæque fortioris abstinencia, pristinæ valetudini restitutus est.

Non

Non ita fortunatus fuit ejus Combibo. Nam cum aliquot dies consiliis usus nostris, extra periculum esse videretur; persuasus à congenitis, vino contractum morbum, vino expellendum: hispanicum popo cit crebris poculis. Et cum post die febrem accendi magis ac magis animadverteret, diuturnam theriacam adjecit, at non plane exactis horis triginta interiit.

Hæc fors ebriosos manet. Vereque possum affirmare, nullum esse venenum vino immo tunc sumpto perniciosius. Ab ebrietate cruditas, cachexia, paralytis, convulsio, mors. Vidi ego permultos bene constituti corporis, & indolis bonæ, quos ebrietas è statu mentis, in insaniam adactus, & gravissimis omnium membrorum confectis doloribus, immaturam ad mortem egit. Quorum exemplo urinam posteri sapere didicissent. Sic periculis est: *Tutus est uti quam gladius.*

HISTORIA 23, 24, 25<sup>a</sup>.

Utilitas  
mittendi  
sanguinis.

Id intelli-  
gitur de  
tabe qua  
jam in-  
valuit.  
Nam in-  
cipientis  
non vul-  
gare re-  
medium  
est phleto-  
m.

**S**anguinis detractionem summum ac cer-  
tissimum esse complurium morborum  
profligandorum adjumentum, cum expe-  
rientia, tum ratione, tum etiam autori-  
tate constat. Sanguinem imminuere, vel  
aperitâ scalpello venâ, vel admotis hirundi-  
nibus, vel inflis levi incisura vulnusculis,  
& Hippocrates & Galenus, & Fernelius, &  
Duretus, & Senertus & Riolanus, & Holle-  
rius & omnes cum novæ tum veteris Aca-  
demix doctissimi Medici præceperunt. Non  
in omnibus quidem morbis, sed in iis so-  
lum, qui à plenitudine, redundantiaque  
sanguinis oriuntur, sine turgeant vasa, seu  
vires oppressæ mole sua labefactentur. In  
putridis igitur & ardentibus febribus, in  
phrenitide, pleuritide, ophthalmia, angina,  
peripneumonia, in omnibus denique par-  
tium, cum internarum, tum externarum  
inflammationibus, detrahendus est liberali  
manu sanguis. Nam si quis in hydrope aut  
tabe, aut frigido catarrho, aliove ejus ge-  
neris morbo laborantibus venam secuerit,  
is non tam prudentis medici quam inhu-  
mani hostis operam præstiterit. Magna  
tamen cautio adhibenda est: viriumque  
& ætatis & tempestatis habenda ratio  
diligenter.

diligenter. Nec magis audiendus Botallus, ejusque sectatores, qui nullum aliud omnibus morbis præsidii genus præter diminutionem sanguinis afferunt, à qua non ante desistunt, quam omnem fere vacuaverint: quàm aut Erasistratus aut Paracelsus, aut cæteri veterum errorum novatores; quibus tanta est & tam præpostera in mirando sanguine religio, ut ægros perire malint, quam unam unicam sanguinis unciam effluere, finire.

Summorum in omni ætate Medicorum autoritati ratio etiam ipsa mirifice suffragatur. Nam si contrariorum morborum contrariæ sunt curationes; sine dubio quos morbos, sanguinis copia peperit; iis morbis neque tutius, neque citius neque felicius potest quàm ejus imminutione subveniri. Id quod ne ipsi quidem Hermetici scholæ discipuli, paulum elimatiore perditu judicio negabunt. Quamquam enim similia similibus curari dicunt, id rectè acceptum, non admodum Hippocraticæ familiæ placitis adversatur. Nam id sic est intelligendum, ut si causas spectemus, unde morbi ducunt originem, remedium in similitudine quærendum sit; sin autem effectus consideremus ij per contraria propulsi sint. Dicunt Hermetici calculi causam esse Tartarum (hoc enim utuntur verbo) sive sal concretum è vitiosis humoribus, seu lotio, quod etiam vocant humani corporis lixivium, ex quo per res trajecto percolatoque, lapillos facile coalescere.

*Hippocratis  
tidarum  
& Her-  
metico-  
rum opi-  
nio recon-  
ciliatur.*



coalescere. Id quod explicant variis experimentis. Hoc igitur sal sive tartarum (quam causam ac materiam esse calculorum volunt) salibus nimirum dissipabitur; at comminuentibus & incidentibus & solutivis. Idem podagram distillant ab acribus erodentibusque & tartareis salibus generari: salibus itidem sed mitioribus, lenientibusque & consolidantibus propulsabitur. Quod aliter quoque possumus interpretari. Nimirum morbos contrariis averruncandos, partes vero quibus insident, similibus præfidiis conservandas. Fateor equidem Hippocratis & Galeni sectatores improprie admodum loqui cum aiunt curari morbos. Nam cum morbi neque substantiæ sint nec habitus; sed errata naturæ duntaxat, & velut à recto deviationes ac privationes: nemo acuti sensus eos dicat ullius curationis capaces: sed eas tantum corporis partes, quas aberrans natura male constitutas reliquerat. Ergo hunc in modum re consentientes, verbis dissentientes, utriusque sectæ opiniones conciliari posse existimo. Tamen si enim Hippocratis & Galeni doctrinam inprimis amplectendam esse mihi, jampridem constituerim; tamen non usque adeo pertinaciter in eorum verba juravi, ut non si quid aliunde novi luminis ornamentique præbitum sit, libenter quoque recipiam.

Tamen  
sunt qui-  
dam mor-  
bi qui di-  
ci possunt  
habitus.

Historia.

Sequitur ut id quod à me dictum, doctrinissimum in arte Medica virorum car-  
toritate

toritate confirmatum atque rationi consentaneum est; experientia demum comprobetur.

*Jacobus Stedmanus* generosus adolescens è Cardighania, nec firmæ constitutionis, nec validi corporis, sed qui levissimâ ex occasione offenderetur inque tabem propensus esset hyeme perfrigida equitans, lateris dolore, febricula & tussi perculsus vix redire domum potuit ut decumberet. Pleuritidem esse non dubiis signis statim animadverti. Multis vero persuasionebus opus fuit, ut mater, cui carissimus erat, venam ei pertundi pateretur. Quod ut factum est, statim & lateris dolor mitigari, & sedari febris, & tussis remittere, surrexitque intra paucos dies.

Fœminæ perhonestæ sinister oculus totaque adeo mala, sanguineâ inflammatione sic affecta est, ut præ dolore decumbere cogeretur, neque videre, nec quietem capere ullam potis. Oratus ab ejus viro, venam cubiti quam cephalicam vocant, aperui, siveque sanguinem abunde fluere. Intra biduum sine ullo alio remedio perfanata est.

Juvenulam cui menstruz purgationes haud procedebant, virgineo laborantem morbo una sanguinis evacuatione liberatam vidi. Chirurgum advocaveram ut è vena ad malleolos pertinente, sanguinem eliceret: quod cum perdifficile factu dixisset, sensum enim fugiebat; ego sca'pellum arripens, cubiti basilicam tundi,

tudi, sanguinemque detraxi corruptum & violacei coloris ad uncias ferme septemdecim. Constabant enim puellæ vires. Quam in via post aliquot dies reperi vegetam, vivacique rubore perfusam genas.

## HISTORIA 264.

**N** I H I L in evacuando sanguine prævidens Medicus facit, quin naturam habeat, & præsidem & demonstrantem; quæ sapissime idem magno agrotantium bono conatur.

Annam filiam continua vexatam febris *Hugo Boellerius* militum Tribunus, pro deplorata habens, me nocte concubia accersitum misit, longe distantem. Sub primum diliculum cum venissem, (nam tota nocte citatis equis cursitum est) agrotam reperi debilem, at mente sensibusque constantem. Id quod in omni morbo. Magister ait esse boni ominis. Versatoque in omnes partes animo, tandem de mensuris sciscitatus sum. Nec incertis conjecturis brevi fluxura prævidens, bono animo esse mœstos parentes iussi, spem enim affulgere sanitatis. Inde præcepti assidentibus sedulo viderent, ne ægia frigore.

gore quod pervehemens tum vigeat, la-  
deretur; eique crura & tibias calefactis  
linceis perfricarent; medicamentum insu-  
per bibendum dedi. Nec multa mora  
profluere ubertim sanguis: & exinde  
cedente morbo, ægra paulatim vires  
recipere dum penitus firmata esset.



## EPILOGUS.

ATQUE has ego quidem historias  
rationationibus illustratas, quâ  
potui veritate & sinceritate, in gratiam  
eorum scripsi, qui recentes ab Acade-  
miæ umbraculis in solem actionis Me-  
dicæ prodeunt, nondum veritati in va-  
stis ægæas campis. Non autem scru-  
pulosius recensendis minutim pharmaco-  
rum tomulis inhæsi, fastidium vitare  
volens, fastique esse reputans, si fontes  
indurâsem. Quod si quis sinceri iudici,  
elucubrations nostras in manus sumens,  
aliquid



180 *Observationes Medicae, &c.*

aliquid inde profuturum selegerit, operæ  
pretium tulero; si nemo legerit, me-  
tamen haud facti pœnituerit consciū  
animi boni, beneque affectæ erga poste-  
riores voluntatis, Cæterum.

*Regi Saculorum Immortali & Invisibili*  
**S O L I D E O** Honor & Gloria.

**F I N I S.**

---

**Ad Lectorem.**

**O** Ratum te volo, Benevole & candidè  
Lector, ut si quæ errata repereris, quæ  
multa festinantibus operis irrepere necesse est,  
ea benigne corrigas, neve auctori impatos, id  
tantum lege utere, vale.







